

東方雜誌

北京圖書館藏

第一期

光緒三十三年七月二十五日發行

售例

- 一本雜誌零售每册大洋銀三角伍分預定全年十二册大洋銀二圓伍角本埠外埠外國一律詳後
 - 二郵局新章見第二期本雜誌交運類加增報紙寄費輪船火車直達之處為口岸如購一册郵費伍分全年伍角日本同輪船火車未能直達之處為腹地惟郵局新定章程如行駛小輪之處每購一册郵費壹角伍分全年壹圓伍角外國同至未通郵政之處民局寄資閱者自給
 - 三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀二角伍分計算寄足應得册數為止
 - 四在總發行所定購者本埠按期派送不取酒資
 - 五凡一人定購五份寄送一處者照價九折拾份者八折
 - 六在總發行所定購者如遷徙他處務託妥人代收一而知照總發行所改寄惟已寄原處之册不能複寄其在代售處定購者請自向代售處商辦總發行所不能接寄
 - 七總發行所按期寄送以郵局民局回單為憑中途遺失附者自理
 - 八凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算除二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折再折扣悉依原定全年報資核算如一千份者六折即每份以大洋壹圓五角核算是也惟郵費分文不扣
 - 一代售處收到資費即寄總發行所如定購者不將資費照章寄足照第三條辦理至代售處遺失送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局
有正書局 保定府官書局 長沙集益書社 常德啓智書局 武昌文明書局 中東書社 新政書局 總派
報處 漢口 商務印書分館 江左漢記 廣東開新書報公司 聖教書樓 英文書莊 南昌廣智書莊 南
京明遠書莊 中西書局 杭州崇實齋 採辦書報處 史學齋 蘇州開智書室 日本東京金港堂書店

商 務 印 書 館 出 版

中 西 文 合 璧 教 科 書

華英國學訓蒙編	English and Chinese Royal Primer	每本洋壹角
華英國學文編 一	English and Chinese Royal First Reader	每本洋貳角五分
華英國學文編 二	English and Chinese Royal Second Reader	每本洋肆角
華英國學文編 三	English and Chinese Royal Third Reader	每本洋柒角五分
華英國學文編 四	English and Chinese Royal Fourth Reader	每本壹元貳角半
華英文件指南	English and Chinese Complete Letter Writer	每本洋陸角
華英繙譯捷訣	A Manual of Translation	每本洋伍角
華英要語類編	English and Chinese Conversation	每本洋貳角
華英智環啓蒙	Circle of Knowledge	每本洋肆角
增廣英字指南	Method for Learning English	每本洋壹元
英法尺牘譯要	Select Correspondence	每本洋柒角伍分
法語階級	Course Progressions des Lecons Francaises	每本洋伍角
德文法程初集	Deutsche Lektionen	每本洋柒角五分

04884

商 務 印 書 館 出 版
英 文 教 科 書

初階	English Primer	每本洋伍分
進階初集	English First Reader	每本洋捌分
進階貳集	English Second Reader	每本洋壹角二分
進階參集	English Third Reader	每本洋壹角五分
進階肆集	English Fourth Reader	每本洋叁角
進階伍集	English Fifth Reader	每本洋肆角
英文初範	Grammatical Primer	每本洋壹角二分
英語文規	New Language Lessons	每本洋肆角
綴字規程	Guide to Spelling	每本洋壹角五分
文規啓蒙	Grammar for Beginners	每本洋貳角
亞洲啓悟集	New Orient Primer	每本洋壹角
科學入門格致學	Physics (Science Primers) Prof. B. Stewart	每本洋肆角
科學入門地質學	Geology (Science Primers) Sir a. Geikie	每本洋肆角
科學入門名學	Logic (Science Primers) Prof. Jevons.	每本洋肆角
科學入門植物學	Botany (Science Primers) Sir J. D. Hooker.	每本洋肆角
科學入門計學	Political Economy (Science Primers) Prof. Jevons	每本洋肆角
	Physical Geography (Science Primers) Sir a. Geikie.	每本洋肆角

東方雜誌第七期目錄

圖畫

外務部尙書那公桐

外務部右侍郎伍公廷芳

商部左侍郎陳公璧

英國首相巴爾福

德國首相康畢

俄國逃艦奧斯科

俄國逃艦格羅蘇羅意

奧斯科艦左舷之傷損

奧斯科艦右舷之傷損

社說

附選論

論外患之由起 華生

改良風俗論上 可權

採王船山成說證中國有尙武之民族 錄甲辰六月十一日時報

論俄人在東三省經營之新市 錄六月十二日中外日報

論變法之精神 錄六月二十日時報

諭旨

論朝廷欲圖存必先定國是 錄六月二十六日時報

論中央集權之流弊 錄七月初二日中外日報

再論中央集權 錄七月二十三日中外日報

時評

政府擬設東三省總督之非時

政府派鐵侍郎南下

政府命各督撫年終考察州縣

開列簡明事實列入官報

練兵處與兵部之並設

廣東商務局聯合商學

咨添浙學生之特別費

鄂督張制軍札知幼稚園文

聖路易會場之國恥

外務部索還妻犯於粵督

洞庭鄱陽湖必不可許德人屯兵

外務部與英商訂定安徽開礦合同

鐵路宜握主權

粵漢鐵路已成爲外交案

韓國朋黨之病根

日本滿洲軍總司令部之出征

丁汝昌第二

日俄交戰之關係

俄人乘亂以擾中國

英艦被損責在俄皇

美國擬改國名

美學校嚴拒異種之人

內務

論整頓州縣爲變法之原 錄六月初六日中外日報

防疫篇 錄六月初九日時報

禮部遵議順天學政奏請改生童編古場爲頭場摺

閩浙總督李奏閩省設立警務局實行警察摺

出使法國大臣孫士政務處書

各省內務彙誌

各國內務彙誌

軍事

論中國南方宜用水師保守中立 錄六月十七日中外日報

論俄羅斯進擊橫濱之計畫 錄六月二十五日江報

廣西巡撫柯奏剿除匪黨辦善後請以

桂林同知移駐並派營專禁巡防摺

河南巡撫陳奏拿獲會匪審明就地懲辦摺

辨論招匪公積彙錄

奉天將軍增府尹廷通飭各屬酌留巡隊札

裁營中止

改練新軍

酌裁制兵

湘防嚴密

派閱法操

兵丁改裝

廣西軍事紀要

藏英戰事紀要

日俄戰事紀要

警平戰

細河沿戰

大石權戰

折木城戰

旅順戰

俄國砲隊

日本防務

戰事雜記

中國中立聲請

各國中立聲請

各國軍事紀要

外交

敬告中國外交家 錄七月初六日大公報

外務部奏議定英屬南非洲招工章程請旨派員畫押摺

直督袁咨外務部南非洲招工請選派領事保護文

奏定英屬南非洲招工章程

黑脫擬改限禁華工條款 附駐美欽使稟電帖

中外交涉彙誌

教育

論教育 錄七月初四日時報

政務處奏選議各省武備學堂委員教習保獎章程並酌改各學堂保獎新章摺

荊州將軍綽泰旗營興辦學堂官紳兵丁量力捐款摺

政務處奏選議各省武備學堂委員教習保獎章程並酌改各學堂保獎新章片

直隸總督袁飭學校司選定初等小學堂合用書目願示各屬札

兩湖總督張札幼稚園文

出使日本大臣楊咨各省督撫游學生須知文

兩廣學務處派游學規約

四川學務調查所章程

各省教育彙誌

各省游學彙誌

各國教育彙誌

財政

論請加賦之謬 錄六月十八日中外日報

論鑄造銀幣之三大要素 錄七月初三日嶺東日報

戶部奏議復加稅不能指撥印花稅不能即辦摺

戶部奏續借洋款訂期釐金作抵摺

案將各省所短釐金照數撥補摺

兩江總督魏等奏籌議蘇省整頓錢糧核提清款清查沙洲各項章程摺

兩江總督魏奏議復總稅務司赫德條陳摺

安徽巡撫譚奏陳部議籌餉各條安徽辦理情形摺

江蘇整頓錢糧章程 錄六條 核提年外加增摺

價錢文章程 錄二條 現辦清查沙洲情形 錄四條

外務部致駐華各使酌商免稅照會

兩江總督魏遵奉密旨節款練兵裁併局所札

各省理財彙誌

宗教

論中國宗教以賤武為宗旨 錄四月中外日報

論教案與目今時局之關係 錄六月十六日時報

論保教適所以仇教 錄甲辰第十六號外交報

陝西巡撫升奏查辦定靖秀民藉詞鬧教情形摺

直隸總督袁頌發各州縣教案簡明要覽

安徽潁州府聯稟安徽巡撫誠民教一案禁止律師入內地干預文

浙江會稽縣八字橋教堂購產息事通稟

江西派辦政務處議覆高安縣教案詳文

各省教務彙誌

各國教務彙誌

小說

叢談

外務部尚書那桐



兵部左侍郎 鐵郎公 良




外務部右侍郎伍廷芳




商部左侍郎陳公璧




英 國 首 相 巴 爾 福



法 國 首 相 康 畢




俄國逃艦奧斯及格羅蘇福意




俄巡洋艦奧斯
科及滅魚雷艇
格羅蘇福意自
六月二十九日
旅順逸圍於七
月初二三等日
先後駛入滬江
後經江海關道
袁觀察按照中
立條規起存軍
械爲之保護

俄逃艦奧斯科左舷之傷損



俄逃艦奧斯科右舷之傷損



社說

論外患之由起 本社撰稿

自古敵國外患。無不可禦之理。其不可禦者。則有二病根。相爲倚伏。其積也甚微。其發也甚鉅。至於事勢已定。雖有忠臣義士。健卒智謀。終於挽回無術。委之氣數。一興一衰。一成一敗。皆有若或憑之者。人力實不足以勝之。嗟乎。豈定論哉。抑由二病根盤據太深。未得良醫療治。故遂至此耳。二病根奈何。一由於自尊。自尊之現象。由陽極而陰不足。以庇之。其於病也。爲瘋顛。爲癱疽。爲疫癘。當其驟發之時。大寒大熱。眠食俱廢。家人狂號。醫者束手。究其致病之故。則其人固素強健。而未嘗屑屑於保衛營養者也。風雨暴之。不知所避。聲色伐之。不知所戒。一旦爲患。倔強之技。無所於施。即幸無他變。然精力已大耗。損無復。前此之充實矣。一由於自弱。自弱之現象。由陰極而陽不足以達之。其於病也。爲濕。爲瘵。爲痿痺。患此者初無大苦。但覺起居不適。身體疲困而已。使其加意調攝。則病可立已。而乃戚戚焉不能自釋。始則以病爲病。繼且以非病爲病。久之。病遂深而不可治矣。夫天下之大。國家之重。猶人之一身。四肢百體之拱戴頭目也。而或則健全。或則削弱。健全之時。外患潛伏。不動。削弱之時。外



社說

一百二十九

甲辰

患相逼而來其受病豈不由此耶

居今之世。規。國。勢。者。莫。不。曰。東。方。老。大。病。夫。至。中。國。已。極。吾。聞。之。所。痛。吾。念。之。甚。愧。而。回。顧。五。十。年。前。人。人。腦。中。印。一。中。華。大。國。活。字。版。則。固。自。視。為。文。明。而。視。人。為。野。蠻。者。也。非。但。如。此。又。自。視。為。人。而。視。人。為。鬼。者。也。更。回。顧。一。百。年。前。一。統。帝。國。主。義。膨。脹。至。於。極。點。平。準。噶。爾。置。伊。犁。平。回。部。置。新。疆。戰。無。不。勝。攻。無。不。取。若。以。為。四。海。以。外。六。合。之。內。必。無。有。國。勢。更。雄。於。我。者。故。不。獨。藩。邊。數。小。國。視。同。奴。隸。即。歐。人。之。來。者。不。曰。慕。化。則。曰。仰。威。此。其。自。尊。之。心。為。何。如。試。舉。一。二。事。明。之。乾。隆。初。策。楞。督。閩。英。人。攻。呂。宋。回。航。於。某。海。口。修。葺。船。艦。策。公。計。無。所。出。幕。有。黠。者。某。獻。策。曰。公。無。慮。小。國。互。相。攻。伐。非。敢。侵。我。疆。界。今。駐。兵。於。此。而。未。修。假。道。之。禮。宜。選。長。鬣。偉。貌。能。言。語。者。往。說。之。示。以。天。朝。威。德。彼。必。懼。而。獻。其。俘。獲。公。更。代。請。於。朝。略。羅。摩。之。則。恩。威。並。濟。矣。從。其。言。果。然。其。後。英。人。去。而。呂。宋。兵。又。來。黠。者。某。曰。此。可。以。一。罵。遣。之。呂。宋。小。國。而。為。紅。夷。所。敗。其。心。不。甘。故。來。此。以。示。威。耳。即。不。罵。亦。將。自。去。此。一。事。也。咸。豐。八。年。葉。名。琛。督。粵。盱。衡。厲。色。其。對。外。政。策。一。以。嚴。峻。出。之。或。竟。置。之。不。問。彼。謂。夷。人。多。詐。我。弗。答。之。則。其。技。已。窮。後。竟。以。拘。獲。罪。犯。及。入。城。會。議。兩。事。與。英。人。失。和。英。人。請。協。商。弗。許。聲。言。攻。城。亦。弗。為。備。其。卒。也。一。敗。不。可。收。拾。至。於。身。為。俘。虜。以。後。粵。人。嘲。之。曰。不。戰。

不和。不守。不死。不降。不走。將臣經濟。相臣抱負。蓋是時葉公已遙領大學士矣。此又一事也。即以中日邦交而論。當李文忠公與伊藤侯定約天津之時。亦何嘗視日本爲平等之國哉。由是言之。凡吾中國著著失敗之處。何一不由自尊。害之自今而後。其亦可以稍悟也夫。無如自尊之心。方去自弱之心。又起。譬如病者。離乎瘋。顯癰疽。疫癘之境。已入於濕。瘵。痿。痺之中。前猶張脈。憤興。亂氣。交作者。今則溼鬱。憤懣。疲憊。已甚。事事皆以爲國力不能辦。其關係之大者。如俄人據滿洲。英人侵西藏。日本仗義而我告中立。喇嘛拒敵而我示調和。此豈復有大國自主之資格耶。然猶可諉之曰。強弱實有不敵。不敢孟浪舉事。再蹈甲午庚子之覆轍。且中國方整頓內治。支持危局。宜且忍辱負重。待吾之生聚盛。教訓成。然後徐圖恢復。未爲晚也。則請言其小者。瑣者。一民教之關係。中國雖無治外法權。然中國教民得以中國之法治之。理之。無可易者。乃不論事之曲直。凡遇教案。則必袒教而抑民。甚至教與教。構釁而亦索國家賠款。頗聞施南天主耶穌相殺一案。法人欲使中國略出賠款。以充慈善事業之用。此何理也。一商民之關係。通商爲今日交涉重事。然無不以簽約不簽約爲準。至私約與公約。尤當有辨。顧何以安徽礦務。則過期而約仍不廢。湖南礦務。則私售而約亦可執。然則洞開門戶。任人取攜。已耳。何賴有約哉。若夫華商與洋商涉訟。華商必受巨累。尤事之常

世說

一百三十二

七月

見者也。一官場之關係。中國積習。最崇體制。尙威嚴。顧何以遇洋人。則一律平等。不懼其褻。尊耶。即甚無賴者。亦不敢稍加裁抑。如江寧演劇之某西人。阻制軍出行之道。而亦無如之。何其一証也。以上數事。皆非國力之不足。辨此而乃隱忍遷就。如此以言內治。內治尙可整頓耶。以言危局。危局尙可支持耶。語曰。畏首畏尾。身其餘幾。此則病入膏肓之象。俞附無所施技。扁鵲不能爲功者也。

然則欲制外患。奈何。曰。亦惟求其病根之所在。施良劑以攻克之而已。今日自尊之病根。猶佔多數。而自弱之病根。則視權位爲差。大約權位愈重者。其自弱之心愈甚。驚弓之鳥。敗軍之將。膽先怯耳。然敵人之乘隙而入者。亦卽與其權位相抵。至於學士文人之錮習。村氓野老之鄉談。猶未離乎一二百年以前腐敗之境地。故每朝廷欲有所改革。恆苦於上作而下不應。上作而下不應。則上之人愈無把握。乃至易其排外之方針。而行媚外之智術。託言於氣數。使然而未知萬事之悉由人力也。夫英美德法與我異種。彼何以強。我何以弱。日本與我同洲。彼何以興。我何以衰。較而論之。得失顯然矣。今欲去自尊之病根。必使教育普及。人人知中外之局勢。而後畛域可以不分。欲去自弱之病根。必使憲法立定。人人有國家之感情。而後體力可以相固。雖然。此豈專制政體。僅以政府爲國是者所能希望於萬一哉。

改良風俗論上 本社撰稿

可權

天下之勢。日激日進。有如江河旋溜。一波未伏。一波又起者。風俗是也。顧不求其所自始。不究其所終極。雖有巨靈擘山之力。不能使之安流順軌。其事亦何以異。竊以爲風俗之著現。始必有人倡之。後復有人和之。相沿愈久。乃成風俗。在野蠻之世。爲無意識之運動。不知所謂美。亦不知所謂惡。但覺其如是則安。且適焉。不如是則不安。不適而已。然一羣之生活。不與他羣相接。觸雖長。此自安自適可也。浸假而他羣入據其中。而向之安者。忽覺其不安。向之適者。忽覺其不適。則必相率改之。雖然。改而良焉。在此時。改而不良焉。亦在此時。吉凶悔吝。生乎動。不可不最先注意者也。今請得而備論之。

世之爲苛刻之言者。心醉歐風。目眩美化。視中國舊有之禮法政治。蔑然若無一當意者。處此過渡時代。必一一取而更張之。然後可以振極敝之人心。挽淪胥之世道。此大謬不然也。夫中國爲文明最古之邦。上有羲軒黃頊之創造。中有堯舜湯文之擴充。下有伊周孔孟之法守。歷史炳然。何一不足震耀宇宙。雖其中屢經喪亂。間或不能保存國粹。然大經大法之貽留永久者。依然日往來於吾民耳目間也。今試讀禹貢。豫州治絲枲。青州出魚鹽。荆揚饒木材。梁雍多鑛利。恍然如見夏之風俗。又試讀十五國風。齊人尚奢侈。魏人崇儉樸。幽人美

社說

一百三十三

甲辰

文。治。秦。人。好。武。功。恍。然。如。見。周。之。風。俗。又。試。讀。貨。殖。傳。三。晉。多。富。賈。三。楚。喜。文。辭。江。淮。之。間。民。無。積。聚。鄒。魯。以。內。家。有。詩。書。恍。然。如。見。漢。之。風。俗。自。魏。晉。以。後。中。原。糜。爛。先。王。之。聲。明。文。物。泯。然。不。可。復。識。於。是。始。有。專。家。力。守。宗。風。而。邪。術。左。道。亦。相。緣。以。起。凌。夷。至。於。今。日。遂。使。愚。者。益。愚。頑。者。益。頑。天。下。擾。擾。莫。知。嚮。往。如。聚。一。羣。鸞。鷺。躑。躑。於。沙。場。戎。馬。之。間。於。將。何。以。善。其。後。也。

且。夫。國。家。之。大。由。社。會。而。積。社。會。之。等。級。愈。高。者。其。智。識。愈。大。故。天。有。十。日。人。有。十。等。入。於。其。等。而。安。焉。身。自。享。受。自。由。又。不。侵。犯。他。人。自。由。可。以。養。成。最。優。尚。之。人。格。入。於。其。等。而。汲。汲。焉。思。所。以。去。之。則。小。者。可。以。加。大。新。者。可。以。間。舊。淫。者。可。以。破。義。而。天。下。始。多。事。矣。今。觀。我。國。社。會。自。上。流。中。流。下。流。三。級。無。人。不。視。其。身。如。傳。舍。其。所。以。視。身。如。傳。舍。之。故。則。由。誘。於。利。欲。惑。於。神。怪。互。相。衝。激。互。相。牽。引。如。春。蠶。縛。絲。如。秋。蛾。撲。火。螻。蟻。然。莫。知。其。何。爲。也。遂。逐。然。莫。知。其。所。返。也。使。其。希。望。萬。一。可。酬。則。亦。何。怪。其。然。明。知。不。酬。而。猶。相。率。爲。之。可。不。謂。之。大。惑。不。解。耶。今。有。人。焉。口。誦。孔。子。之。書。手。持。周。公。之。法。而。其。行。事。乃。與。躑。躑。同。科。人。必。笑。其。非。類。然。而。由。今。之。道。無。變。今。之。俗。則。所。謂。上。流。社。會。之。人。較。之。中。流。下。流。之。人。其。度。量。相。越。亦。究。能。幾。何。也。

或者不解其故而歸咎於宗教之不善。並因宗教而歸咎於聖人。宗教由習慣而成。聖人又因循於宗教不求所以改良。此吾民所以多錮癖也。而抑知不然。夫巫祝爲苗黎舊俗。唐虞之盛沿而不革。然不爲教典亦無刑禁。聖人不欲操切從事。殆將俟其自滅。潛移默化以至於盡耳。觀於仲尼不禱疾。子產不讓災。豈非上智之矯俗者耶。若使後世無天竺佛法。鼓簧煽誘。則巫祝之無靈久矣。至於聖人之名本以功參造化。道濟生民爲稱。又非飾辭於宗法一二故事。遂能使萬衆悅服也。使大禹無治洪水之績。周公無驅猛獸之烈。孔子無筆削春秋之功。則後世亦何必以聖人尊之哉。故謂今日風俗之澆漓。歸咎於聖人作法之未備。亦冤獄也。聖人豈能以一時之思慮。應付千萬世無窮之世變耶。

夫欲知風俗之結果。當先觀其造因。後世循生迭起之風俗。不必皆緣於古初。譬如人有痼疾。其緣於遺傳性者固多。而傳染亦足以致之。故有千萬人共愛慕共嗜好之事。而爲一二人者。或深惡之痛絕之。其深惡痛絕之故。不必果中於理。而勢力所在。足以箝制此千萬人。始而反抗。繼而馴伏。終而同化。迨同化之後。則習非勝。是不知其然而然矣。此風俗之一端也。有一二人獨愛慕獨嗜好之事。而爲千萬人者。皆深惡之痛絕之。其深惡痛絕之故。亦不必果中於理。而錮蔽既深。足以欺惑此一二人。始而飾繼而瞻。猶終而藐玩。迨藐玩之時。

則合異爲同。不知其然而然矣。又風俗之一端也。有下之人所愛慕所嗜好之事而爲上者。雖深惡痛絕而不能革除。久之上之人亦從而愛慕之。亦從而嗜好之。又風俗之一端也。有上之人所愛慕所嗜好之事而爲下人者。雖深惡痛絕而無由解免。久之下之人亦從而愛慕之。亦從而嗜好之。又風俗之一端也。有人人知其事之可愛慕可嗜好者。而以其殊於古制則不免。忽然置之。或更矯飾以禁人之信從。又風俗之一端也。有人人知其事之當深惡當痛絕者。而以其便於己私則不免。習而安之。或更暱就而置身於沈昏。又風俗之一端也。昌黎韓子曰。莫爲之前。雖美弗彰。莫爲之後。雖盛弗傳。豈惟美盛如是。卽不必美不必盛之風俗亦必有爲之前者焉。有爲之後者焉。然後能彰且傳也。

故論中國今日之風俗。其真舊者猶無害。惟俗情之膠擾。與衆論之沸騰。揆之舊典。必不可通。而又足以阻障新學理之發明。光天化日之下。忽而陰霾晦塞。則不得不思所以廓清之。廓清之如何。亦惟有改其不良者以歸於良而已。不必事事皆從歐從美。而可以從者從之。卽吾前聖之定章。不必泥況由末世收入之惡結果。而謂其必應據爲典要。耶不必事事皆拒歐拒美。而可以拒者拒焉。卽吾政府之嚴令。不能從。況由敵國嗾拂之逆感情。而謂可以引爲胥嚮。耶故吾謂改良風俗之方針。在於斟酌世界之公理。吸收各國之文明。不容有一

毫。怙。恃。祖。國。之。心。亦。不。容。有。一。毫。厭。薄。祖。國。之。心。然。何。者。爲。良。何。者。不。良。何。者。當。改。何。者。勿。改。不。難。縷。析。條。分。一。一。見。諸。實。事。矣。

採王船山成說證中國有尙武之民族 錄甲辰六月十一日時報

今之謀國志士。日灑萬斛之淚。瀝一腔之血。而奔走號呼于國中曰。嗚呼。吾中國其不國。吾黃帝子孫其不再興矣。何以言之。則曰。中國之民族。失敗之民族。文弱之民族也。一日與歐美各強國並立于競爭之舞臺。彼挾其文明之利器。強健之體魄。完備之訓練。齊一之傾向。以實行其帝國主義。而膨脹其民族發生之能力。以與吾教育不備。人格不完之民族。遇如以沸湯沃積雪。起秋風而掃落葉耳。嗚呼。天演公例。優勝劣敗。豈不然哉。豈不然哉。

然吾間嘗讀王船山氏黃書宰制篇。深喜中國尙有具野蠻之體質。而富於尙武之精神者。苟被以文明國軍人之教育。而發揮其堅樸雄獷悍強毅之性質。以善用其凌犯寒暑。忍耐飢渴之習慣。亞洲大陸甯復慮吾民族無立足地哉。今刺取船山之言。而證以近世現存之狀況如下。

王船山曰。榆關而西。極乎大同。其民小悍。延綏靈朔瓊慶之區。其民大悍。蓋位于晉隴之河套。世爲劇盜大俠出沒之區。今標客擊刺之士。尙出于此。又曰。莊浪渡河。甘涼洮岷之間。其

民小悍，皆家丁子弟之聞于天下者也。蓋其大家巨族，壯丁常多至數百人。平時結寨自爲捍衛，儼具一小獨立國之形。尤所在多有。又曰：澤潞太行山東河北之弓馬，登萊海岱死走鹽利，蓋今關外馬賊多此輩。其精悍善戰，冒險進取之性質，于今日滿洲之事可見。又曰：廬鳳習江北，輕生樂禍，舒皖六安茶山射獵之徒，勁弩藥鏃，洞中沸騰，蓋長髮之役，淮軍獨能自成一隊，是其驗也。又曰：京口標銳，蓋今爲鹽梟巢穴。又曰：沿江海者，義烏之步卒，青溪之亡命，其族故存。蓋今浙江濱海之地，剽掠私殺之事，仍數見不鮮。又曰：徽之行賈，便習擊刺，宣涇喜弩獵，在江表爲疆。蓋徽人堅忍耐勞，最富于山谷民之性質。然其行商足跡幾遍天下，則又富於冒險進取之精神。又曰：福廣瀕海習舟，依山習步，猿接猿跳，飛瓦攬檣，蓋明季鄭氏團結羣力，抗拒王師，義勇爲天下最。今閩粵人冒險進取之性，在通國尤占其特別之位置。又曰：贛撫汀建，依山者嗜利喜死，蓋此族與番族近，其好尚亦略與番族同。又曰：辰沅而西，起永定篁子，放乎雲南宋蔡玃羅，西南之尤悍者也。蓋滇邊回酋，湖湘子弟，皆足爲扞禦之資。至今如故。又曰：蜀沿江有巴渝之遺，汶黎松潘相嶺，沖天之微，東繞馬瀘，訖黔西土司，各以標鎗利弩火器革釐之資，耐勞奔險，樂死好鬪，蓋明季張獻忠之發難，近時余蠻子之揭竿，殆皆利用此族爲彼前驅。此皆中國強毅勁悍之民族，富於軍國民之原質者也。吾

側身東望。太和魂乎。武士道乎。美哉山河。實式憑之。吾再還顧吾國。東西南朔。憑高而呼曰。吾強毅勁悍之國魂乎。女曷歸乎來。

或難吾說者曰。以若所言。彼等皆不樂爲。朝廷効用。而自致力於亡命之社會者耳。將奈之何。曰。誠得其人。而撫綏之。加以不測之恩感之。以同舟之誼。則彼皆感激而樂爲我用耳。本朝岳鍾琪。楊遇春。皆有單騎降虜之事。又有崔提督偉者。甘肅清水縣回部人。長大力。鄉里敬憚。同治中陝西回民叛。應者蜂起。崔所部尙馴擾。官遇之不善。累死。其人遂相率爲亂。縱橫屠掠。所過一空。連下數十郡縣。爲諸賊冠。左文襄遣湘軍連敗之。崔率衆數十萬降。積功至今官。功成引退。耕於鄉。爲善人。某君隨父官甘藩時。嘗召至座與語。竊怪其昔何暴。今何怯。則曰。吾儕小人。知力田而已。敢爲逆哉。徒以官欲死我。吾曹畏死。是以叛耳。吾聞其言而深悲之。且有以知今之甘。冒不韙。以致力於亡命之社會者。何一非與崔提督同其迫壓之苦痛者哉。昔光武有銅馬帝之號。宗汝霖有忠義軍之名。皆坐收羣盜之用。不然。我不。用彼。而彼自爲用。如近日滿洲馬賊。有東亞義勇軍隊之成立。是其明驗也。嗚呼。外侮之來。不可終目。而內部之爆裂。又復令其不可收拾。吾恐日日言剿滅言鎮壓。祇予人以殺戮同胞之口實耳。夫用之則如彼。不用則如此。秉國鈞者。謂宜何道之從哉。

論俄人在東三省經營之新市 錄六月十二日中外日報

俄之建西伯利亞鐵道也。舉世皆以兵事之計畫目之。雖在俄人。亦有不能自諱者。雖然。斯路爲聯絡歐亞兩洲之關鍵。商旅轉運。恆必由之。若謂俄之所以布置者。一切無預於商務。而於市肆之創設。毫不介意。則又知其不然矣。今者東三省之地。鋒燧相望。日兵節節深入。前敵已逼於遼陽。而交戰之區域。其地名每爲平日所不習聞。若者爲荒僻之鄉。若者爲殷阜之土。若者爲舊有之村鎮。若者爲新設之市場。知者蓋稀。無從質詢。良以身歷其境者。鮮而鐵道甫成未久。其經過之地。爲俄人所重視者。亦多未詳。此其所以不察也。夫既茫昧。若此。則凡兵力所到之處。中國人民之有無損失。俄人建設之若何殘毀。皆非意料之所能料。而他日欲於兵燹之後。一究從前戰地之情形。蓋亦難矣。故必先考俄人在東三省之地。爲鐵道之所通行。而注意經營之新市計。若干處。則將來日兵攻擊所至。卽知俄人受害之深淺。而其地。若非中國本有之都會。則於中國人民利害。若何又可逆揣而得也。按俄人於鐵道之在東三省者。每捨中國之都邑而不由。但擇其便於路線者而用之。雖其地方蕭條。亦所不恤。蓋謂與其使中國都邑。從此愈興。不若自取扼要之區。以立俄國新都邑於遠東之爲得計。且中國舊治所在。俄人遠欲盡收其政柄。而攬其商權。亦甚不易。故尤以創設新鎮。

爲便。此俄人往日之深心也。今考其鐵道之路線。其向於海參威者。則經齊齊哈爾南六十里之胡喇爾溪。而不過齊齊哈爾城。經呼蘭南六十里之哈爾賓。而不過呼蘭城。經齊古塔北六十里之掖河。而不過齊古塔城。其向於旅順者。則經吉林相近之長春。而不過吉林。經奉天與遼陽近邊之地。而不過奉天與遼陽。其在遼東方面之著名停車場。乃設於奉天遼陽兩處之間。名爲煙臺之一小村落。此皆其明証也。齊齊哈爾爲將軍駐節之所。其地勢亦據中央。然鐵道既由胡喇爾溪。則齊城之勢已爲所奪。呼蘭爲墾闢之腴壤。而哈爾賓一地。在松花江右岸之平原。距賓州廳之西北九十里。與阿勒楚喀副都統駐札之所。爲三角形。地當吉林與三姓間之衝要。故其地易興。亦較呼蘭爲勝。齊古塔爲舊時謫戍之土。四面本少居民。因有副都統駐之。猶爲舊鎮。而鐵道一過掖河。則齊城亦必愈衰。惟長春在東遼河平原之中。瀕伊通河之上流。四境軒然。獨居形勝。故俄人於中國舊城。獨有取於此。然長春以南。若昌圖。開原。鐵嶺。奉天。遼陽。海城。諸郡縣。皆距路線不遠。當日造路之時。未嘗不可藉便爲用。而俄人固不以此爲去就焉。至其停車場之名。煙臺者。乃在奉天以南。遼陽以北。其地南有太子河。北有渾河。而與遼河相通。爲四方適中最宜之處。綜而言之。則胡喇爾溪也。哈爾賓也。掖河也。長春也。煙臺也。此數者。皆俄人鐵道在東三省通行之要區。亦即俄人在

東三省經營之新市也。此等新市。將來是否被兵。尙未可定。惟近數日間之報。日兵已近遼陽。近又占領太子河之左岸。是則遼東方面之停車場。如煙臺之地者。已有受攻之患矣。願俄人受害之地。與中國受害之地。未必盡同。而中國舊有之都邑。又與俄人之建設無關。此則所宜分別言之者也。夫於戰地之險要。不明而坐論其形勢。猶可說也。於受兵之地。盛衰不知而遙度其情狀。不可說也。不然者。但觀日兵之所至。某城已下。某鎮被侵。而無論其地爲何。皆若中國人民之所損失。與俄國建設之所殘毀。同此瘡痕。其數略等。則亦惑之甚矣。今撮其大略如此。於戰地災難之詳情。或猶未悉。而俄國經營新市之所在。則已可知。覽者其有所考乎。

論變法之精神 錄六月二十日時報

昔人有言曰。民之於上。不從其令。而從其意。精哉斯言。其專制國之天津乎。特怪意之爲物。視之無形。聽之無聲。朋輩之間。且有不暇知者。況君民之際哉。然而古之民知之。不惟古之民而已。今之民亦知之。且不惟今之民而已。吾輩爲民之一分子。亦無不知之。惟其無人而不知之。而亦無人能分析其所以知之之故。此人與人相感之所以爲神也。試舉近來兩事之實驗言之。戊戌庚子二年。皆國家之大事也。每一新令下。國中之人。凡與新令有關者。其

便者必大喜。其不便者必大懼。喜之與懼。非徒以其令也。爲隨乎令後者之實事也。是其時之人心固羣。以新令所言爲必踐之事矣。戊戌庚子。其政如鳧鷖黑白之不可合。而朝廷皆以眞意行之。故能動人如此。庚子以後之新令。則不然。應喜者不喜。應懼者不懼。相與漠然置之。頗聞變法之初。樞府卽微譴疆臣。謂論旨如此。而上意如彼。必不可認真辦理。云云。而疆臣之所以預戒其屬者。如政府言其屬之所以商權於紳民者。如疆臣言故凡事皆應以面目而不應以精神久之。遂不必相告戒。遇事輒以此法行之。亦居然無以奉行新法不力而獲罪者。於是其言益信。百姓皆曰新政非上意也。夫上處京師。吾輩處草野。上面且不得瞻仰。遑測上意。而上意云云。所以騰布於天下之口。縈迴於天下之心者。得毋卽百姓揣守令之意。守令揣督撫之意。督撫揣政府之意。政府則視於無聲。聽於無形。不知何所見而云然。而以爲此乃上之意。由是上下皆成誤會耳。至於上下心習已成。牢不可破。無論何事均設此心以爲將迎。則雖太后於學堂等事。屢降明諭。催促趕辦。召見臣工時。亦時時以此爲言。而諸人之心已有先入者爲之主。終不爲動。衆見如此。太后果如諸人之所料。斯無論耳。倘其不然。太后亦將何以自明。使諸人一祛其邪見。而致力於實事哉。本報之愚。以爲今日如欲使天下之人一祛其成見。

社說

一百四十四

七月

無有他法。亦惟師戊戌庚子而已。凡戊戌庚子天下所最駭詫者。即天下以爲上意必行之證也。戊戌王照一妄動。而禮部之六堂官罷。庚子端剛一妄言。而立徐許袁聯之五大臣誅。此皆事之大過乎中者。然而非如此不能令天下之知其必從。今者裁淮安關。粵海關。江南織造。其勢將進向於實行。近又聞將裁併六部。是益欲實行矣。然此等之事。雖不得不謂之新政。然其程度。以戊戌庚子兩次之事較之。亦猶戊戌之裁同城督撫。庚子之飭天下辦團積穀耳。於天下之耳目。未有所震驚也。故自本報之意觀之。朝廷若果知國勢之將危。實力維新。以一破迴鑿以後。小人妄測之邪說。則必有非常之舉動。擇天下輿論所逆億以爲。太后所必不爲之事。爲其一。二而後。其趨向可以大定。不然。雖日下明詔促之。徒見其無益而已矣。遂曰中國人之不可與有爲也。豈不誣哉。

論朝廷欲圖存必先定國是 錄六月二十六日時報

今試泛舟海洋汪洋浩渺一望無極。忽焉波濤洶湧萬怪惶惑。則同舟之人羣焉託性命於操舟者之手。而此操舟者則營栗旁皇收拾帆檣轉捩機械。矗立舵樓目不承睫。神不旁注。期與此同舟之衆請命於洪波巨浸之中。然而風急潮湧如不終日急取望遠鏡測之地平線之距離。尙不知其幾千里。其危險之情狀。殆有窮於手寫。殫於口述者。此何以故。則以此

時。舟。中。之。指。南。針。盤。失。其。功。用。故。故。無。論。操。舟。者。有。如。何。愛。其。同。舟。之。心。出。其。救。護。同。舟。之。大。力。而。終。不。能。達。其。願。望。之。目。的。記。者。觀。於。吾。國。今。日。之。時。勢。竊。以。爲。政。府。之。望。治。安。殆。與。操。舟。者。之。用。心。無。以。異。也。外。患。內。憂。岌。岌。焉。不。可。終。日。此。非。泛。舟。洋。海。波。濤。洶。湧。萬。怪。惶。惑。之。景。象。乎。近。頃。以。來。朝。廷。屢。下。維。新。之。詔。期。與。天。下。更。始。如。釋。戊。戌。黨。禁。節。皇。室。經。費。裁。粵。淮。關。稅。併。江。甯。織。局。令。各。州。縣。錢。糧。載。入。官。報。停。辦。萬。壽。供。應。凡。此。數。大。端。皆。可。謂。以。實。心。行。實。政。海。內。望。治。平。者。莫。不。喁。喁。嚮。風。田。父。野。老。亦。願。緩。須。臾。毋。死。以。觀。德。化。之。成。此。非。操。舟。者。營。栗。旁。皇。收。拾。帆。檣。轉。捩。機。械。目。不。承。睫。神。不。旁。注。期。與。此。同。舟。之。衆。請。命。於。洪。波。巨。浸。之。中。之。情。狀。乎。然。而。外。患。孔。棘。內。憂。未。弭。朝。野。皇。皇。不。可。終。日。瓜。分。之。禍。識。者。所。不。忍。諱。傾。覆。之。狀。巧。者。所。不。能。摹。此。其。故。何。哉。毋。亦。若。彼。舟。中。之。指。南。針。盤。失。其。功。用。之。故。乎。憂。時。子。曰。然。哉。然。哉。夫。置。身。於。洪。波。巨。浸。之。中。出。生。入。死。間。不。容。髮。所。恃。者。指。南。針。盤。之。功。用。否。則。逐。驚。濤。飽。魚。鼈。耳。圖。存。於。內。憂。外。患。亂。靡。有。定。之。頃。時。機。危。迫。稍。繼。卽。逝。所。恃。者。朝。廷。頒。賜。詔。書。先。定。國。是。示。天。下。以。今。上。真。意。之。所。在。否。則。日。日。言。更。張。道。旁。築。舍。多。謀。少。成。亦。徒。滋。俶。亂。而。玩。愒。時。日。耳。然。則。定。國。是。奈。何。曰。舍。改。行。立。憲。政。體。外。其。何。以。哉。詭。說。吾。國。今。日。社。會。之。現。象。朝。野。上。下。殆。可。謂。具。同。一。心。醉。日。本。之。傾。向。者。矣。抑。曷。不。觀。日。

本明治維新得力之所在乎。考日本維新史載。明治元年三月天子親臨議院。議決於公。議院二日。上。事。自

日。一。心。行。之。既。三。日。文。武。一。途。下。及。庶。民。各。遂。其。志。使。人。心。不。離。四。大。哉。王。言。許。讓。定。命。而。日

本開國進步之方針。遂於是乎大定。

又日本維新。其得力於伊藤侯之扶助力為不少也。伊藤自歐洲歸。為維新之主動力。聲勢隆隆。壓倒朝野。而其第一新政。則頒布市町制度。地方自治之制是已。由是觀之。日本丕變之精神。在易少數貴族之專制政體。而為多數民族之代議政體。由集權中央。惟一之制度。而調和以地方自治之制度而已。乃其效果。則三十年間。由不列等國。而進為世界第一等國。文治武功。彪炳一世。豈不懿哉。豈不懿哉。

吾人有言。日本吾同洲同文同種之國也。歐美大國。渺焉難躋。已。故言變法者。莫不曰。師日本。師日本。然而十年以來。徒得其形式。而不得其精神。東施效顰。益增厭惡。則亦國是不定。而徒恃少數之士。夫呼號喧呶於下。而彼握政權之朝貴。方且傾軋而抑制之。不違也。乃數月以來。吾國有大喜過望。易亡為存之一大紀念。出現於黑幕時代。則吾人宜如何鼓舞而。權迎之也。現此一大紀念。維何。曰。駐法公使孫寶琦。琦氏上王大臣書。請立憲法。是已。此一事也。吾敢謂可媲美於日本。日本有伊藤游歐洲歸。首定市町村地方自治之制。吾國

大臣。倡言立憲。自駐法公使孫寶琦氏始。事雖未行。然不可謂非朝陽鳴鳳已。倘我王大臣。據孫使之請。竭力爭於朝。皇上聖明。當機立斷。或不難朝集廷議。夕下詔書。一陽曜空。羣陰匿迹。舉一切蒙蔽壅塞之裨政。一掃而空之。吾知自此以往。將民之親其君也。歡如父母。而君之好其民也。芬若椒蘭。合四萬萬人之心。爲一心。團四萬萬人之體。爲一體。雖謂皇基鞏固。熙帝載而振萬世可也。

右所陳說。凡以明。朝廷欲圖存。必先定國。是定國。是在立憲。法立憲。法之希望。即今日歐美通行之政治學說。所謂最大多數之最大幸福之義也。夫以四萬萬人。公同之義務。使數十百人。爲之謀。勿論此數十百人者。不能竭忠盡智也。即使能之。以數十百人。爲四萬萬人謀。孰若四萬萬人。自爲謀。而少數之貴族。與多數之民俗。仍各明其權限。效歐美之良法。師日本之成規。訂立憲法。布告天下。咸使聞知。以制限主治者之威權。以保護被治者之權利。國家保其安全。人民增進幸福。然後二十世紀之中國。匪惟不即於覆亡也。且也。榮文明之花。揭獨立之旗。又匪特可媲美於日本也。而且將與東西各大國。携手並立於競爭之新世界。如天空諸行星。各行其軌道。相維相繫。永永不墜。殆吾前所謂泛舟洋海。誕登彼岸之一日矣。敬告當軸諸君。往者已矣。來猶可追。通國上下。望立憲政體之成立。已有萬流奔注。不

趨於海不止之勢。失此不圖。則氾濫爲患。禍且甚於古昔之洪水也夫。一轉移間。利害若此。謀國是者。奈何不急起而爲之所也。

論中央集權之流弊 錄七月初二日中外日報

政府自設立財政處練兵處後。日與各省督撫。以文牘相往還。近日乃有派鐵良南下之事。窺其意。無非欲吸聚各省之財權歸於政府而已。無非欲收集各省之兵權屬諸政府而已。而考其意之所由來。則一言以蔽之曰。中央集權而已。本館亦明知中央集權之說。實爲經國之嘉猷。然竊謂是說也可行於各國。而獨不可行於今時之中國。可行於立憲之國。而獨不可行於專制之國。未可震於其說。遽奉爲扶危定傾之不二法門也。何以言之。蓋中央集權云者。謂舉一國之政權。悉屬於政府。而聽其調度也。然以一國之大。土地之廣。人民之衆。政府以一人之身。欲操縱而左右之。則必其人之識見魄力材幹學問。實有餘於全國。而後能舉重若輕。有如身之使臂。臂之使指。而收令無不行。事無不舉之效。試問今之政府。能乎不能。中國號爲專制之國。而至於今日。則大權所在究難指實。政府有權矣。而所下之令。或有不便於時者。則各省疆吏。可以抗不奉行。政府無如何也。即或迫於嚴切之詔旨。不敢據理力爭。而其勢又萬不可行。則相率以陽奉陰違了事。以免政府之催督。而政府無如何。

也。是政府之無權也。督撫有權矣。而用一人必請命於大部。部臣駁以不合例。則不能用也。行一事亦必請命於大部。部臣如執不許。則亦不能行也。甚至其下之司道。若與督撫不治。則亦可陰抗其意旨。而不爲奉行。是疆吏亦無權也。夫疆吏無權。則政府宜有權。然政府實亦無權。則其權竟不知何屬。而猶高言中央集權。論其程度。無乃去之尙遠。猶幸中國歷來以相忍爲國。疆吏雖不盡有權。而亦不盡無權。每值王綱解紐。朝廷威靈不絕。如線政府束手無策。無所施其權力之時。督撫之有材幹者。尙能憑藉其所有之兵力財力。起而承匡復之任。外之則翊戴王靈。內之則捍衛土宇。卒以收旋乾轉坤之效。往事不具論。卽如咸豐之季。聯軍聚於京師。匪焰張於東南。設非有益陽湘鄉諸名臣。力以平賊自任。則當時之大局。豈堪設想。然設使道咸之間。已如今日之所爲。必欲將各省之兵力財力。搜括淨盡。悉屬之京師。則倉卒之間。卽有能任事之人。而苦於無一餉之可給。一兵之可調。則雖有忠憤。又安所用之。政府此時恐悔之已晚矣。安得震於中央集權之說。而不爲不測之慮也。抑尤有進者。政府所以震於中央集權之說者。特以爲西國現行政體。正是如此。故欲取而效法耳。不知泰西諸國。率爲立憲之國。而非專制之國。夫立憲之國。君與民共之者也。政府欲行一事。苟民人不以爲然。則不能行之矣。政府所施行之事。皆爲人民所許可之事。故民人咸握立

法之權。而以行法之權。屬諸政府。此所以有中央集權之說。而其法所以無弊也。若夫專制之國。則立法行法之權。皆在一人之掌握中。亦既令出。惟行言莫予違。其危險實不可思議。使其君若相。尙能明於治國之道。理民之方。則猶有萬一之幸耳。若使其毗於剛而爲暴虐。毗於柔而爲昏庸。不顧民情之如何。而惟率其意之所至。則設施一有不當。而大禍即隨其後。此乃必然之理。並無幸免之方。何也。以大權既在其手。則於民所不願之事。雖至害於而家。凶於而國。亦必逞其意以行之。而無能挽救之人。推其弊之所極。固必至於此也。是故兩害相權。則取其輕。則猶不如持分權之說。令各省亦自有其權。其在平時。不見其益。或且憎其遇事掣肘。無以遂其獨斷獨行之願。而至於存亡絕續之秋。則明效大驗。顯然可知。觀於庚子拳匪之亂。至於宗社爲墟。人民塗炭。其後立約賠款。流毒天下。至今爲梗。則政府有大權之害也。猶幸其時東南各督撫。力拒僞詔。立互保之約。以待時機。雖難語於勤王之誼。要猶著有保境之功。則各省有分權之益也。假使其時各省疆吏。無絲毫之權。事事須聽命政府。除束手受制。唯諾惟命。外不能爲一事。則雖謂至今無中國可也。觀於此。則今之論者。幸毋再以中央集權之說。爲政府告也。

再論中央集權 錄七月二十三日中外日報

中國現今之資性。最不宜於中央集權。此理本報已屢言之矣。今更爲之探本窮源而論之。案我國行專制之政。已二千數百年。自七國時始。三晉田齊均以世稱而空人。自聖政於始。非始也。行專制之教。亦二千年。武始。故以專制之資格而論之。天下之國。莫老於我。是中央集權之說。必創始於我國矣。然而求之我國。非惟無此名詞。并無與此理可相比附之說。而中央集權四字。直至今日。始從外國輸入焉。觀此。即可以知中央集權之說之所託始矣。蓋中央集權者。對於立憲國而有之。非對於專制國而有之也。彼立憲國之爲物也。人各自治。一村一邑。皆若一國。如是。則其勢長渙而不聚。太平之日。固無礙也。然而國家一旦有大征伐。大興造。則非合極衆之力。以赴之。不可。於是謀平居則得自由之樂。臨事又擅專制之長。其道無由。而中央集權之說起。中央集權之於立憲國。猶之衆股東集財於一處。使成巨款。而能作事也。故中央集權之說。若與立憲之制。反對而理實相成。若夫專制。則異是非真異也。蓋適得其理之反也。攷我專制政教。自古之格言。但有分權之說。而無集權之說。此無他。因分權之說。似與專制政體。反對而其理實相成。此與立憲國之講中央集權。皆天理之不得不然也。何謂分權。蓋專制之國。以君爲本。一切政治。均謀君身及其子孫。常保此位而已。然若深求君身及其子孫。可以常保此位之理。則非君之愛民不可。必永不擾害。而又

時喚咻之。使民與君相忘。則君位保矣。而其最不相宜者。則干涉民之財政。若專制之君。不明此理。而橫干民之財政。則無論其用意之爲善爲惡。而君位皆不能保。新莽之創立二十六品之貨。王荊公之行青苗免役之法。皆欲爲民整頓財政也。而天下方且大潰。其餽糶及米。多爲色目。搜索民財者。其立亡更無論矣。惟用分權之法。天子慎擇宰相。而責其成焉。宰相之所爲。天子勿問也。宰相慎擇守臣。而責其成焉。守臣之所爲。宰相勿問也。守臣慎擇牧令。而責其成焉。牧令之所爲。守臣勿問也。如此。則天下可以無事。此非他故。實因專制政體。本爲事之不可深思明辨者。故上下相忘。則太平成。上下相求。則革命起。夫天下之言。豈可以一端而盡。立憲之患。散故以聚。救之專制之患。偏故以平劑之。皆其不得不然之事也。今以專制之國。中央集權久矣。而猶以爲中央未集權焉。更求所以集吾權者。是必吾人皆裸而政府有餘。吾人皆餓而政府有棄肉。而後可以滿其意。此非國家之政體也。故本報以爲政府若真欲中央集權。則當先布憲法。而後議此事。

諭旨

旨著派巴林郡王札萬爾會同輔國公林沁多爾濟巡察圍場欽此 六月初十日

上諭奉天驛巡道員缺著王頤勳補授欽此 十三日

旨翰林院侍讀著趙兆翰轉補馬吉樟著補授翰林院侍講欽此 十四日

旨分發江蘇道吳廣需羅肇燿劉青藜湖南道俞明頤劉篤敬但旭旦山東知府倪毓莖雲南知府鄭志清江西知府吳

祖榜福建知府賴輝煌湖北知府楊萬慶呂會杜宏基湖南知府王壽齡廣東知府吳鴻賓吉林同知德頤江蘇同知楊

夢齡魏汝駒河南同知英尙雲南同知周祚藩安徽直隸州知州朱光瑩山西直隸州知州寶箴四川直隸州知州廖鑑

澄江蘇知州樊恭壽山東知州汪鴻孫雲南知州王作楫安徽知州陳兆蘭四川知州崔同高雲南知州廖崇仁韓際華

江蘇通判李彥鍾福建通判許祿榮湖北通判朱光斗四川通判王緝新王鶴齡廣東通判林翊兩淮鹽運判於蔚先江

蘇直隸州州同曹樹培安徽知縣蕭仁丙山東知縣馬式金原乘密河南知縣傅列鎮四川知縣秦啟賢直隸知縣張家

德潘震聲鄭思僑郭甲三奉天知縣董文海江蘇知縣程鴻遠周南吳昌鼎羅必傳楊光德安徽知縣沈福新徐錦梁兆

獻山東知縣德善曹燦山西知縣培榮河南知縣王篤培秦瑞玠張慶翔浙江知縣陸錦垣江西知縣饒成會亮李式

鏡徐景亮馮際泰福建知縣賴豐熊湖北知縣衛昌齡陳樂秦陳宗揚洪子英湖南知縣彭繼祖四川知縣趙光儼胡士

灃陳秉雲南知縣黃祥光兩淮鹽運大使顧家穀俱照例發往欽此 十五日

上諭欽奉 慈禧端佑康頤昭豫莊誠壽恭欽獻崇熙皇太后懿旨準良代表奏青海住牧盟長車琳瑪多有等以本年

諭旨

五十五

甲辰

七旬壽壽禧年班呈賚賚物赴京祝嘏等情一摺該蒙古王公等合詞頌壽具見惻忱朝廷深為嘉許惟念物方難難籌情正多困苦該貝子等均著毋庸祝嘏及呈進賚物以示體恤所有年班照例來京之處著准行欽此 十六日

上諭岑春煊電奏柳州府紹字各營講變文武各員不知下落等語統領祖繩武著革職拿問交刑部治罪岑春煊調度乖方著嚴加議處柯逢時著一併交部議處欽此 十九日

旨本月二十五二十六二十八日均著推班欽此 二十日

上諭御史為朝廷耳目之官必須學識明通方足以資獻替嗣後宗室滿洲御史均著照漢員之例一體考試惟滿員五品人數不敷自應量為推廣所有各衙門六七品實任京官著各該堂官擇其品端守潔者切實保送其內務府五品以下滿蒙人員如有堪膺此選者准其一律保送考試欽此 二十一日

上諭本日引見考取各省優生列入一等之壽福飛威秉衡孫忠滄陳雲鵬雷佩玉蔣禹廷陳詵林煒燧朱邦傑李書田邱學慎陳鄧慶駝郭懸河易紹生劉世德沈觀平郝增祁郁瀚生王紹翰孔廣德陸璽李鴻文沙煦陳敬德荆青均著以知縣用列入二等之李淮王猷美馮燦章孫世杰蘇鍾貞譚浚鄒開俊王夢齡歐陽漸張廷元馮釐麟梁洽欽董德壽劉熙春章鍾祚李秉梅陳鎮陳子綰郝紹會鍾履晉祖式陳家驥高巨瑗曹佐熙俞嶽霖吳簡廷任鍾澣李春齡胡塔李陸蕃宋作人周鉅璋張湘均著以教職用欽此 二十四日

上諭軍機大臣呈遞袁世凱電據稱永定河水勢陡漲工壞生當經竭力堵護連日風雨大作人力難施二十日南四工漫口二十二日南二工漫口已飭趕籌堵築等情著袁世凱嚴飭該員務期迅將漫溢各工趕緊堵合並派實心任事之員速放急賑以拯災黎毋任一夫失所至電內稱俟過花衣期再行奏報朝廷以民為重時切履懷凡關係國計民生

之件毋庸拘泥遷避欽此 二十六日

上諭袁世凱奏永定河堤工漫口分別參辦並自請議處一摺前據該督電稱河水陡漲南四等工漫口當經降旨飭令趕緊堵築並速放急賑以拯災黎茲據奏報詳細情形漫溢之處沖刷口門寬至一百餘丈雖因山水暴發人力難施在工各員究屬疏於防範兩岸二工良鄉縣縣丞方恩培著革職留工效力南岸同知程鴻賓著革職留任南岸四工因安縣縣丞王治安著摘去頂戴永定河道術杰著革職留任現在因病交卸仍責令留工効力袁世凱督率無方並著交部照例議處餘著照所請辦理該部知道欽此 七月初一日

上諭前據御史朱錫恩奏參浙江道員許貞幹等招搖貪黷各款當經諭令李興銳確查茲據查明覆奏許貞幹雖無招搖納賄確據惟聽信屬員勸餉巨款實屬失於開檢候補道許貞幹著以同知降補仍留浙江著該撫隨時查看孝豐縣知縣趙金壽居官不謹聲名甚劣著即行革職候補鹽大使徐德立辦事浮躁品性貪婪著革職永不叙用以示懲儆餘著照所請辦理該部知道欽此 初二日

上諭鹿傳霖著署理工部尚書葛寶華毋庸兼署戶部尚書著趙爾巽署理欽此 初四日

上諭四川順慶府知府員缺著存恒補授欽此 初五日

上諭袁世凱奏永定河伏汛期內盛漲北下汛積漫一口分別參辦一摺前因南四等工漫口業經降旨將在工各員懲處此次北下汛又復失事雖據稱風狂雨暴人力難施應飭各員究屬疏於防範北下汛宛平縣縣丞程景濤著革職留工効力石景山同知文惠著革職留任署永定河道毛慶蕃甫經接印尚屬籌防不及著免其議處仍著袁世凱督飭各員趕緊堵築並派委員分投查放急賑以拯災黎世任失所餘著照所請辦理欽此 上諭張曾敝奏考核屬員分別

諭 旨

五十八

七月

舉功一摺山西汾州府知府胡半宸薩拉齊廳同知劉瀛河曲縣知縣姚學鏡屯留縣知縣朱善元文水縣知縣劉彤光
黎城縣知縣郭拱辰武鄉縣知縣張嘉楨均著傳旨嘉獎定襄縣知縣董志敏形多詐偽聲名素劣陽城縣知縣鄭授貪
冒無忌玩法營私捐升知縣崑崙州吏目胡志濬工於奔競行止貪污均著卽行革職永不敘用署沁州直隸州吉州知
州節兆訥刑煩行鄧商民怨咨署黎城縣事垣曲縣知縣羅廣熙侵稅病民稟控有案署岳陽縣事平陸縣知縣林步高
心地顛預操守不謹前汾西縣知縣劉慎燠隱匿土稅不恤民艱與縣教諭王本清朋比劣紳鑽營膽大署左雲縣訓導
大挑教諭董濬龍嗜利忘義士民共憤均著卽行革職太原府理事通判文銓信任門丁疏於吏事著以筆帖式歸部選
用以示懲儆餘著照所議辦理該部知道欽此 上諭順天府奏舉劾屬員一摺順天昌平州知州史廷奉署固安縣知
縣高煥均著傳旨嘉獎署順義縣知縣權馬通判劉于祐信任胥役民怨沸騰實堪縣知縣趙元增性好鑽營身有痼結
均著卽行革職餘著照所議辦理該部知道欽此 初八日

時評

政府擬設東三省總督之非時

趙次山中丞之入京也。天下頗聞中丞將有東三省總督之命。及中丞既召對。不聞有是命。既而聞朝廷本欲以中丞督東三省。因日本政府之意。以國家此舉。未與先商。遽相阻撓。遂致不果。夫東三省。今日固在中立之外。然終未嘗告天下曰。東三省爲某國之地。非中國之地也。中國之名分。一日未絕。則派官之權利。一日尙在。以我之地。派我之官。純乎我國之內政。何庸日本之詰責爲。雖然。外交有強弱。而無是非。若日本真不許我設東三省總督。按之於理。亦不得謂之全非。矣。而強弱之間。我國家抑何太不自量乎。按東三省本係我之版圖。然當日中俄密約。以地方上種種特權讓之於俄。此不能拒日本之干預者。一俄人乘拳匪之機。踐密約之實。久假不歸。視同己有。我政府不能逐之。且似有讓之之意。此不能拒日本之干預者。二日俄戰起。我告中立。而委東三省於中立界綫之外。此不能拒日本之干預者。三積是三者。是中國之視東三省。久已置之度外矣。而今乃忽欲整頓東三省。夫吾非敢謂東三省之不應整頓也。但既有整頓之意。則當用之於早。何以俄人佔領該地。歷五年之久。我國並無派總督之說。今於俄師屢敗。日人似有得東三省之機。而我國乃突以派總督聞也。推我政府之用意。殆謂東三省在強俄之手。我斷不可輕犯其鋒。東三省在日本之手。日人固與我有唇齒之誼。者。吾可以爲所欲爲。而不懼其初念。信東三省之必還。既還。則不能不整頓。整頓。則不能不派員。而今日之事。成焉。嗚呼。用意若此。其誤可勝言哉。夫日本非中國之奴僕。有代中國拾命之義務也。中國亦非日本之子女。有受日本財產之名分也。我委東三省於俄。日本於俄取之。已取之後。據爲己有。奚不可者。惟日本既恥效尤於俄。而又欲弭黃

時評

三十九

甲辰

時 評

四 十

七 月

禍之說與其自取不如還我故東三省之來歸亦非無可希望惟我國必須待時機已至抵隙導窺而後可不可當此未至之時不審形勢漫然爲之遂使十得八九之事忽生無窮之阻礙使後日反難於着手此亦不可以已乎吾又竊恐俄人既敗後我國之與日本交涉必有滋世以外之虞蓋人情於一人一事屬望太殷則每至失望而爲怨今我國人因吾親日愛日然所以望日本者已稍踰於與國之分矣他日日本之所爲必不能副乎我國之所望於是不悟前此之過計而轉謂日本之賣我再有他人播弄其間而仇日之念百倍於仇俄矣當此之際而我國再與日本構置其危尙可言哉故吾於此端倪之初見不能無所懔懔焉

政府派鐵侍郎南下

我國之內憂外患至今日而達其極點孟子曰人生於憂患今觀我政府近日之舉措似亦感內外之刺擊而神經爲之一奮他事姑勿論如理財如練兵徵諸月來各方面之報告知我政府無論爲中央無論爲各省莫不汲汲以整頓此兩大政爲急務而觀北京特派員專電則鐵侍郎此次之銜命南來其殆足爲我政府由空言而造於實行之第一明證吾測我政府所以下此特命之原因其一必在於柳州之變其二必由各國兵船近日輒游弋於長江上下其意不可測且已有要求於我之事實其三則因受日俄戰役之影響而又以困於英法粵之交涉也抑練兵處曾電催各省速將練兵費解京則此次查庫之命蓋與前事相因而及又以其爲鐵侍郎之本職也然則鐵侍郎此行之結果其於軍制財務必大有影響中國前途之貧弱富強殆將視此爲定向之機關焉吾深望鐵侍郎破除情面認真整頓一掃積弊而空之其毋負此重慶威嚴之大任命

政府命各督撫年終考察州縣開列簡明事實列入官報

大凡專制政府。其所行之政策。無不似是而實非。如今日責成各督撫。年終考察州縣。開列簡明表冊。列入官報一事。是也。推此舉之宗旨。爲杜絕欺蔽而設也。其意仍不外乎防弊。而不知防弊之政策。其弊即生於防弊之中。吾不知此項奏報。容否經政務處之查核乎。若必經政務處之查核。則任意遲速之權。仍操之於政務處。夫列入官報之意。非欲令天下士民共知共聞耶。而政務處既得任意遲速之則。士民豈能責官報局以從速刊印布告天下乎。即使政務處不任意遲宕也。官報局能按年刊印。頒發天下也。而其將來所收之效驗。亦不過二端。一各州縣奉文之後。若竟據實開列實爲必無之事。即令迫於公令。森嚴不敢不和盤託出。然如是則人人皆犯法之人。人人所爲之事。皆犯法之事。必將盡天下之州縣而置諸憲典。而曹署爲空矣。國家安有此辦法。若竟任其嚮壁虛造名實不相符。則不過令州縣各官多耗若干造冊之經費。及各司道督撫部院各衙門多積數百或千餘分無用之冊籍而已。復何實益之有。論者必謂既經列入官報。則衆目共觀。州縣宜不敢有所隱匿。則請以三端答之。一此項冊籍。計合天下州縣共有一千五百餘缺。即當有一千五百餘分。不知國家所辦之官報。何時始能登畢。即使官報刻期登載。而天下之人。豈暇一一購閱官報。而一一考究其虛實。則其無益者一也。即令官報刊登後。人人從而購閱。而州縣所報之虛實。豈人能知矣。然州縣浮收之數。往往就全境言之。則覺其多。就一人言之。則覺其少。則孰肯以少數之虧損。起而與官爲難。而耗無限之認費。以投身於不測之地。則其無益者又一也。即令地方紳士。確有力願大局之人。能持官之短長。起而與之爭執。然州縣既能蒙蔽於前。豈不能敷衍於後。又官之勢。聚則利害相同。必互相回護。紳民之勢。散則一人起意。他人未必附和。則仍無濟於事。且反得多事之名。則其無益者又一也。是則責成州縣。將錢漕入數。開列表冊。其不能有明效大驗。固可知矣。嗚呼。居今日而言整頓官制。殆非明定憲法。將州縣所司之事。分數人任之。以厘定其權限。而專其責成。而又厚其廉俸。增其公費。不爲功。

矣

時 評

四 十 二

月

練兵處與兵部之並設

兵部之與練兵處。固不能並設者也。近聞練兵處所辦各事。固不與兵部協商。即升調將弁。亦不使兵部知之。兵部堂司。頗為憤妬。然亦無如之何云。按本朝官制。不免疊床架屋之弊。識者早已病之。蓋以兩衙門。同一事。權限不清。非互相推讓。即互爭勢力。其結果。必至於此消彼長。一攬全權。一為虛設。而後已。今練兵處與兵部之不相能。實出於勢所必至。現知政府。亦洞悉兩者並設之無謂。而亟議裁併矣。

廣東商務局聯合商羣

商務局通行各商家。共一百餘行。諭令公舉行內董事數人。為代表。擬俟舉定後。着聯合各行。建立一公會館。以便聯絡商情。研究商業云。夫中國商情。散漫無歸。各行之中。不相交通。即一行之中。亦隱若敵國。互相傾軋。互相猜忌。以有此現象也。處商戰劇烈之時代。不能合大羣。以與外界相競爭。而復分崩離析。以自耗其內界之能力。嗚呼。此中國商務之所以不振也。

咨添浙學生之特別費

近由駐日公使楊樞。移咨浙撫。據云。在日留學士官學校學生。今因日俄戰事。縮短卒業期限。於西十月間。即行卒業。先時須特別演習。演習之費。計步兵日金二十五元。工兵三十元。騎兵三十元。而砲兵則需五百元。凡官費學生。皆應由官撥款。匯寄增加。又高等師範學生。亦須加休息旅行費云云。希撫准咨。當照會浙江高等學堂。及杭州府學堂兩總辦。而藩司翁曾桂。則不肯另籌的款。欲於原已撥定之出洋學生經費一萬元之內提撥。查各省紛紛派遣學生東遊。潮前已

多至二百餘人。湖北已多至二百數十人。日前四川又有二百餘人到滬。即日乘輪船東渡。他省派遣學生如此。真漸江僅有兩學堂。派出十餘人。稍稍增加費用。而藩司不肯竭力若此。

鄂督張制軍札知幼稚園文

張制軍之用意。竊有所未喻。如云女學堂聚集青年婦女至六七十之多。誠恐習染紛歧流弊。多云。母。待。婦。女。豈中國之女學。竟不可設立歟。又云。挑選粗通文理之節婦一百名。或尙有人能應其選。然無夫之婦。可以就學。有夫之婦。及未嫁之女。則不可就學。其義何在。又云。挑選略能識字之乳媪一百名。則今之爲乳媪者。率係貧家婦女。方肯其子女。而乳他人之子女。若其粗能識字。則其家已不甚貧。豈肯出爲乳媪。此例。母。乃。虛。設。又云。以備將來紳富之家。延女師之選。以備將來紳富之家。雇用乳媪之選。然則。教育之益。惟紳富得沾之。而中人以下之家。皆不得與。母。乃。與。教育。普及之義。有所不合。歟。此誠有所不解者矣。

聖路易場會之國恥

此次聖路易會場。吾國陳列各品。頗受外人揶揄。已爲極可恥辱之事。蓋吾外務部。以搜羅物品之任。授之於客員之稅務司。彼輩外人。實有爲吾國保全國體之心。故所羅致各物。往往雜以吾國極野蠻之器具。如窄小之弓鞋。黑獸之烟具。皆置於吾國出品內。外人過者。無不嗤之以鼻。是則此次出品名曰。陳。實。無。異。於。獻。醜。也。

外務部索還裴犯於粵督

自二十年來。各地方教案之事。其各省督撫辦理稍有頭緒。輒爲外務部所敗者。不知凡幾。今日裴令之事。想葡使當無向外務部交涉之理。想各使亦無爲裴令向外務部關說之理。則此事之因。乃外務部羣公之自發意而爲之者也。其意

時評
四十四
七
固。何。所。爲。令。人。百。思。而。不。得。其。故。且。政。府。近。來。日。以。地。方。官。之。中。飽。毒。民。戒。天。下。矣。而。乃。於。一。中。飽。毒。民。之。代。表。者。故。曲。意。保。全。之。是。明。告。天。下。以。墨。吏。之。可。爲。而。明。詔。之。不。足。信。也。

洞庭鄱陽湖必不可許德人屯兵

予今條舉其必不可許之理由。蓋有七。二湖爲內地要隘。古人所稱天險。二湖既失。德人勢居上游。則全江無所用之。其不可許者一。德人據我膠州。山東全省爲之蹂躪殆遍。二湖既爲屯兵。則將來特力要索疆臣。更難抵制。必成東三省俯首讓俄之覆轍。其不可許者二。二湖既可以演習兵艦。將來陸地何不可以練兵。要約之端禍自此始。沿江內地且非我有。其不可許者三。揚子江流域久爲外人勢力範圍。所幸英美諸國猶以通商爲名。不敢任情騷擾。德人既於南省商務無甚關係。將來藉口必多。迫我難堪。俄人據東之漸。可爲殷鑒。其不可許者四。然此猶僅言德人之爲我內疽也。而禍之發於外。競者更爲急迫。英人久視沿江爲己之勢力圈。所以不即暴動者。既慮地廣難以猝制。尤以商務坐獲重利。英之忌德必不異日之忌俄。兩國競爭。我受其禍。黑暗風雲。必繼北方而起。即小而言之。俄人旅順陷落在即。英方久占威海衛之無名勢。必于沿江屯駐兵艦。我既以二湖許德。則將來英人之要求更無詞可以拒絕。其不可許者五。東三省禍端難測。各國方視我之處置。以作對付我之政策。此時俄法方極以責禍之說。激動全歐。冀得瓜分中國。徒爲英美日三國所沮止。若德人忽於南省增大勢力。更予俄法以藉口。英美忌德之分利。必變其平時保全和平之政策。而我中國求爲目前之安甯。而不可得其不可許者六。處今日之國勢。而猶不能奮發圖新。瓜分之禍。固日後所必不免。然猶冀苟延數年。得待人士之奮興教育之普遍。而力守主權。以爲後日計。乃既促之亡。復舉內地要隘而盡以拱手讓之外人。一旦瓜分坐而待斃。北方不守。猶可內渡。東南淪喪。將于何而立。耶。其不可許者七。

外務部與英商訂定安徽開礦合同

觀夫癸卯年前皖撫聶中丞與英人伊德所訂安利公司之合同。並聶中丞上外務部書。及擬立全皖礦務總公司之章程。與外務部批駁之函。又觀甲辰各報所載。凡關安徽礦事。與京內京外皖紳之動作。及英人窺伺之情形。誠欲使安徽全省士民。急起直追。以制外勢之侵入也。願安徽紳士之舉動。雍容紆徐。往往失時。彼勇鷲之外人。遂得抵要乘機。以獲莫大權利。四月間。已傳聞英人凱約翰運動於北京。而得銅陵縣銅官山之礦權。近日復得外務部與凱約翰所立開礦合同二十三條。此合同中所最要者。即此礦地四邊。各二十華里。則共佔礦地八十里矣。又許修鐵路。至最近水口。而不指明何處。更不可解。蓋商務部開礦新章。請開礦者不許復及鐵路。今外務部竟自毀其法。以徇外人。果何為哉。其他合同所載。足以搖安徽人之命者。尤難一二數。殆哉噫嘻。

鐵路宜握主權

夫吾國之路礦。必先自辦。而開辦方法。則必擇我國已成之人材。授以主權。不足則以外人為之輔。一方專派工藝學生。留學東西洋。責以幾年學成路礦之學。并於各省會各要鎮。大開工藝實業學堂。務使三四年內。一省足一省之用。然後盡舉所有路礦而開放之。恣官商以造築。而後主權不言保。而無不保。外患不待拒。而無不拒。吾國上下。若既知路礦權之重。宜亟集現有人材。竭其力之所及。以經營路礦。復聯絡上下之勢。各省盛興工藝學堂。多派學生留學工藝實業。必期數年而後。人材足用。工藝如林。夫然而礦路之利益。可收今日所爭之礦路。始為我久長之主權。而非外人所能移。

粵漢鐵路已成爲外交案

當光緒二十四年。今鄂督張制軍奉命與美公司訂約時。即奏言不可使中國南方辦鐵路。復爲歐人所管理。蓋即鑒於

蘆漢鐵路之已事。名爲比人承辦。而實則與法人聯合。即與俄人聯合。無異。故深恐粵漢鐵路復爲比人所覬覦也。又光緒二十五年。總理衙門會行文於英使云。倘南方之鐵路。美國人不自建立。則比人亦不能過問云云。蓋亦逆料及此矣。今者故牘猶存。前言在耳。若使南北兩方之幹路。全爲一國所管理。則中國將來之危險。殆於不可思議。中國本無治外法權。在內地之外人。即非中國所能約束。而外人在中國築造鐵路。亦例有自行保護之權。彼英美兩國。在中國築造鐵路。究以與商爲言。其利害猶居於得半之數。自餘諸國。則大約此路爲何國所造。即其國與中國。因之有絕大之關係。俄人在東山省之已事。是其殷鑒矣。可蹈其覆轍。哉。竊謂美政府若能切實聲明。所有粵漢鐵路之工事。當合同未滿以前。仍在美人之掌握中。固爲正辦。否則。既不爲美人所有。即不當爲美國以外之人所有。除遵守約言。註銷合同。而外。殆無他法矣。

韓國朋黨之病根

韓國當此存亡危急之秋。而朝內朋黨之激戰益烈。近又有所謂排日黨之事起。蓋韓國之有門地聲望者。其生平苟有結黨相爭之機會。必出其全力。以互相排擠。不問其與國家有無干繫。徒逞一己之私意。以相報復。故在韓國之外人。每得因此。敗漁翁之利。韓人既有外人之援助。乃更囂囂然曰。我俄國派也。我美國派也。我日本派也。實則其所謂某國派者。於政治上無所計畫。不過借以爲牛。朋黨之相閱而已。近來日本既勝。日本派驟然得勢。故至激而致有排日黨之舉。蓋韓國之政黨。非因爲政黨之消長。而致與國利害之大小。實因與國利害之大小。而致政黨之消長者也。故韓國朋黨之相擠。不過爲官職利祿而已。苟既得官爵利祿。則又不如是。而即已一朋黨得權勢。則其反對黨必爲其所窮。追奪其身命。沒其財產。而使之無立身之地。其反對黨亦知其苟他黨得志。必無可立足而不得不出死力以謀抵制。故苟欲

自○救○即○或○危○國○家○亡○社○稷○亦○在○所○不○惜○嗚○呼○若○韓○國○者○真○所○謂○亡○國○之○民○哉○國○之○危○如○累○卵○而○向○爭○此○無○謂○之○朋○黨○何○其○不○自○愛○也○雖○然○我○念○宗○國○我○心○憂○更○烈○

日本滿洲軍總司令部之出征

日本出征之陸軍。前此所派遣者。曰第一軍。曰第二軍。曰大孤山上陸軍。後此尚有陸續調發。軍情深秘。不能宣布。但各軍有各軍之司令官。不相統屬。而皆仰節制於東京之大本營。蓋在今日電線大通之時。實可以爾爾也。雖然。終有遠慮。不甚統一。不甚敏捷之患。故近日有派總司令官總參謀部之事。其滿洲軍總司令官。曰元帥陸軍大將大山巖。其滿洲軍總參謀長。曰陸軍大將兒玉源太郎。大山氏當此中日之役。以陸軍大臣而總前敵軍者也。兒玉氏當時為陸軍省次官留守者也。其後復任臺灣總督於臺灣。民政最有功者也。今次登壇。日人之歡。可想。此總司令部。以五月二十三日。首途。大山氏。乘日皇所賜馬車。與兒玉氏同行。東京全市。家家懸國旗。戶戶揮手巾。全市閭閻。所經之街。萬頭如蟻。相與攢視。歡呼。萬歲聲。拍掌聲。如連爆十餘里。不絕。新橋驛。站人山人海。肩摩。擊。幾無隙地。上自現內閣之大臣。及赫赫在野之元老。下及茶紅裙袂之女學校生徒。全國中各階級之人。皆備相與瞻仰。風采握手。手幾為之腫。云嗚呼。從軍樂。從軍樂。立憲文明國之軍人。真從軍樂。

丁汝昌第二

事○有○巧○妙○不○可○思○議○無○奇○而○有○偶○者○如○甲○午○中○東○之○戰○今○年○日○俄○之○戰○勝○敗○之○數○往○往○偶○合○近○得○旅○順○消○息○言○俄○司○令○官○司○德○塞○耳○業○已○自○盡○此○尤○與○丁○汝○昌○之○自○殺○於○威○海○情○形○相○似○也○但○不○識○俄○軍○中○亦○有○牛○繼○超○其○人○者○樹○白○旗○以○投○降○日○軍○否○案○乙○未○丁○汝○昌○困○於○威○海○初○欲○出○戰○李○合○肥○電○丁○言○船○械○可○棄○將○材○難○得○以○阻○止○之○及○丁○被○圍○久○彈○糧○將○竭○李○乘○衝○

時評

四十七

甲辰

時評

四十八

七月

復率回救。威海之兵。不敢迎敵。於是威海後路之榮城陷。而威海援絕矣。丁汝昌仰藥死。其部下有副將牛繼昶者。偽爲丁書以投降。其實投降出於丁死之後也。聞丁臨死時。拔劍斫去海軍提督印一角。今留存於日本之降書。其印正缺一角可證。

日俄交戰之關係

日本某政治家言曰。歐洲大勢。在日俄未交戰前。因俄國之野心。德皇之雄略。遂啓列強疑懼。彼此汲汲備戰。大有盤馬彎弓之勢。設無遠東戰事。一洩其機。則歐洲十年之間。必肇大亂。乃未越一年。世界大勢。爲之頓變。不意日俄之衝突。反於歐洲得均勢之良果。英皇愛華德善乘其機。故親歷各國。與列國君主。先後歡會。莫不締結盟約。以固歐洲均勢之力。故害則歸於交戰國。而利則歸於旁觀國。從來歐亞兩洲之關係。殆無逾於是。按列強嚴修戰備。在歐洲既免兵禍。則必轉鋒而東。以發洩其兵力。今謂害歸於交戰國。利歸於旁觀國。實則利歸於歐洲之強國。而害遺於亞東之弱邦。英人伺隙窺我西藏。是即英皇善乘其機。得與列強締約之良效果。願我國人一審其中消息。勿以日勝俄敗而忽其遠見也。

俄人乘亂以擾中國

事關兩國。不願他人干預之言。日本既聲明於前。俄人亦隨而宣布於後。俄人既不使於既敗之後。邀請別國。出爲調處。又不肯視然面目。自向日本求成。欲勉強支拒。爲困獸之鬪。終不低首。則又方有所不逮。俄人至此。計惟轉而被攘。中立無理。取鬧與中國。啓釁。糜爛大局。以牽動與有關係之各國。迫之使不能不出。而調處此固勢所必至。理有固然者。中國處茲危險之境。尙其勿俾一時之無事。儉目前之苟安。早爲之所。亟自善謀。有備無患。毋使猝然變作。措手無方。噬臍不及。則幸矣。

英艦被損責在俄皇

六月間有英船麻六甲。在紅海爲俄艦所損害一事。而其責實在俄皇。按俄國義勇艦隊。是否軍艦。或係私船。此爲一大問題。然若係私船。則無在紅海捕拿中立國船舶之權利。若係軍艦。則土耳其之韃靼里海峽。向來按照柏林條約。不能任俄艦經過。乃該義勇艦。先則懸掛商船旗號。及經過該峽之後。遂即濫用其非軍艦不能行之權利。而捕拿麻六甲船。故英國之輿論。將該義勇艦隊。認爲海盜。必欲擊沈之。或令俄皇聲明謝罪之意。否則斷難了結。刻下輿論囂然。英人異常憤激。而未有所解決。蓋無論該義勇艦隊。是私船。或軍艦。俄國之行爲。實爲明背萬國公法之條規也。

法人蒲米氏之論英人性質。引法人維爾南之言。以挾英法兩國在北美殖民事業成敗之原因。其言曰。英人之成功。多由於其沈默性。英人者不曉舌之國民也。於他人喋喋喃喃之間。而彼必深思。而熟考。法人在殖民地也。無事則夫妻談笑。婦與夫若出一轍。其婦則漫爲容隊。漫爲批評。漫爲爭論。其夫則或怒。或絕望。或奔赴友家。或奔赴郊外。攜獵銃。以消煩悶。及其既返。則又夫婦談笑如故。談笑者。實彼等一生不可缺之生活。余嘗問彼。以何以去談笑。彼則曰。若置我於沙漠之中。與熊同居十里之內。無人烟。則亦已耳。而英人之在殖民地也。則不然。朝餐既了。其夫即出外治事。其婦料理家事。既畢。亦出而或耕田。或伐木。天雨則在家整理房屋。或修繕倉庫。或製作家具。苟有機會。每售去其耕種。既熟之田。而更致力於他之荒地。故彼等之能成功者。非偶然也。維爾南氏以英人爲不曉舌之國民。可謂一言而破英人性質之的。夫英人之愛曉舌。也不如其愛活動。何謂活動。活動者。致實力於其事。而能使其事。日有進境之謂也。然而我見今世之所謂教育者。不過製造喋喋喃喃者而已。其於真愛冒險。真愛健闘。真愛活動者。蓋不多見也。故我甚恐我國民之前途。以口擊敵者。日以衆。而以手擊敵者。日以寡。按此篇乃摘日本國民日報論個人活動中之一節。日本國民之務實行。

時評

四十九

甲辰

時 評

五 十

七 月

不務空言。於此日俄一戰。已可概見。而其憂國之士。其言猶若此。我國人士。其何如。我國人士。於此言。其真藥石。

美國擬改國名

美國之國名。為 United States 譯言合衆國。或為 United States of America 譯言亞美利加之合衆國。至本年西六月。曾提出改國名之議案於國會。謂自今以往。則改爲 United States of America 譯言亞美利加云。聞此案已由議院通過矣。往後則舉凡全國之錢幣。郵票。及一切教科書。皆用此名矣。此亦美國政客。日趨於帝國主義之明證也。其野心亦可見矣。

美學校嚴拒異種之人

五月二十三日。有菲律賓學生四人。欲進乾得技省路士威埠之市立高等工藝學校。時該市中之文部部員。即管理一會者。授意於該校之總理。使拒而不納。蓋謂其面色之不同云。噫。所謂文明者。如是。如是。所謂人類平等者。如是。如是。吾不知華盛頓與林肯兩君。於九泉之下。聞此事。當如何也。吾不知南北美戰死者之幽靈。聞此事。又當如何也。

內務

論整頓州縣爲變法之原 錄六月初六日中外日報

本報前著一論言國家變法當自下始不當自上始云云斯言也非謂變法必與革命並行也蓋同一平和之變法而其命意之處入手之機有事理灼然不可不辨者請詳言之凡今日西人之善政所謂治道也橋梁也路燈也水利也郵孤也養老也救貧也治盜也團練也學校也繙我大清會典而觀之無不畢具然而彼之行之也百廢具舉經久不懈事之明備也若彼我之行之也急則騷擾緩則廢弛其叢脞也若此此豈人種有優劣哉亦治具之成有自上自下之分而已矣自上來者原於一二人之理想其意匠之所到本與億兆不相謀有俗所淡忘而上急營之者有俗所未厭而上急禁之者非上之有意於賊民所處之地位異則智慮有不能相度者矣其樸而愿者曰此官家之事吾但能中其程焉可告無罪矣其巧而黠者則務與其制相適以蒙蔽愚弄於上下之交如此而爲治雖有周禮吾知其未必行於世也自下來者原於同羣之實驗其所設施必與其羣有公同之利害不如是焉不足以動衆且人情內已而外人既非公事而爲私事稽察者多聯繫者鉅不如是焉不足以

塞責明備。叢腥易地。皆然人心不甚相遠矣。庚子以來。非無新政。其所以無效者。卽此故也。今我政府。既自覺危亡已近。而謀所以圖存之理。則當鑒前日變法之無效。而先變變法之法。今日之事。必自州縣始矣。而所以整頓州縣者。必更革其制度。非空言激勵文告往還。所能有效也。發軔之始。當分一縣之權爲三。一立法部。以地方紳士領之。凡縣中興利除弊之事。皆由此部任之。其紳士之被選。繼任罷黜。皆由其本村多數之人會議決定。二行法部。以地方官領之。執行地方一切政治。三司法部。以專官領之。專管詞訟。如此。則民之利病。不能不上聞。而地方官有餘力。以舉其職。法官獨立。無旁撓。其弊亦必較地方官兼理者爲少。難者曰。中國之民。不能具有議政之資格。應之曰。此卽演成其資格之法也。若待其自成。則百年無此日矣。難者曰。如此。則紳權太重。可以抗官。應之曰。官紳云者。一縣中有此名耳。自國家視之。皆爲國民之一。何分別之有。且正賴其兩黨之軋轢。而弊不容隱矣。難者曰。如此。則民可以謀叛。應之曰。依此行之。則一村一鎮。皆成獨立。愈分愈小。豈能爲叛。況軍械鑄造。電線之權。皆在政府乎。此制之總理。無他在。期民間戶口產業之實。其真相可以上聞。國家收租印稅之權。其實力可以下及。必俟根底既清。機關既設。而後積而上之。之道。府督撫部臣。乃徐有可以著想改革之處矣。不然。雖悉舉歐美之善法。舉而加之。十八行省。其社會之情。

狀固與今日無異也

防疫篇 錄六月初九日時報

中國有三大害而中國之民族可以絕何謂三大害曰兵曰貧曰病兵之害其跡顯其事不
 恆其危險人多能道之貧之害其來也漸其源也長其救之也非一朝一夕人多不能知之
 惟病則界於二者之間其害之來不甚緩亦不甚速其害之迹不甚顯亦不甚聞披其害者
 不甚多亦不甚少救其害者不甚難亦不甚易而言其害之大小則與兵與貧實無異兵之
 害是使人死貧之害是使人不得不死故兵之死人也譬如利劍貧之死人也譬如細繩而
 病之死人也實兼二者而有之何謂兼二者而有之其一曰虛弱之病乃貧之類也其所謂
 貧精血之貧也近於熱心有志之士每多見之其故蓋由於用心多而運動少不如意之事
 多而得志之時少因而煩悶煩悶而憂鬱憂鬱而至於病療病療而至於死熱心有志之士
 我見死於是者不知其幾人矣二曰傳染之病乃兵之類也其所謂兵者蓋指之兵也之傳染病
 夏秋之交每歲必作其故由於起居之不潔飲食之無度因而其病發生發生而傳染
 傳染而至於死者以百數以千數以萬數矣其傳染之病類甚多有赤痢有痧疹有猩紅熱
 有黑水病即熱核症廣東等處同必作而其至劇烈者則為霍亂霍亂一症實為傳染病中之最速者其

內 務

七十四

七月

時期甚長。自四五月至八九月。隨時可作。其地域甚廣。自西南至東北諸省。無地蔑有。其致命甚速。自起病以至死亡。多不過一二日。少不過一二時。其由來甚久。三十年來。連綿不絕。平安之年。多則數萬。流行之年。少則數百萬。或數百萬。我之親戚朋友。鄉黨鄰好。我見其死。於是者。不知其幾人矣。我見之人。亦見之。然而人多。不以為意。多不以為計。者豈真不。畏死哉。徒以死歸於天命。非人力所可為。即有計者。亦不過譙。禱。祈。禱。送。藥。施。棺。等而已。其治本之計畫。非所聞也。然而此傳染之病。非從根本治之。則其施救必無效。從根本治之。其術若何。其上者。使國中之人。皆有學問。道德無事。無物無不合於衛生之理。改良街道。改良溝渠。改良房屋。改良衣服。改良器具。食物。其源清。而其疫自絕。然而其道雖善。斷非一時所能成。其次。則多使人講求醫術。考其病之本源。究其治之方法。廣開醫院。以救濟患者。此亦治標之法。而拯人於衽席者。然而其道亦非一時所能成。而其效更用力多而成功少。故最便之法。莫如清流。何謂清流。一曰。設傳染病病院。夫傳染病之所以可畏。為其病之能傳染。故也。何以是病能傳染。病者之身。有微生毒物。其化生甚速。頃刻能生無量數。其物自口鼻。各竅流出。無病者觸之。立即感受。故往往有一家八口。轉再相傳。而至於慘無一人者。非真骨肉義厚。甘同生死也。蓋以逃避無可。避聽天。任運而至於是也。若傳染病病院。設

立則已。患者雖未必能盡爲之救治而未患者必不至蔓延而疫之勢必可少殺。一日行隔離法。東西文明國之遇有疾疫也。則必令患者與不患者分離。使往來之交通斷其分離也。不但患者一身而已。其同居之人。其所居之地。其與患者有關係之器具等類。亦莫不隔離之。使與不患者不相渾亂。其所以如此者。重性命之道固宜然也。而我國之風俗。則適與之相反。不但同室之人無可逃避。且有因親戚朋友鄉黨鄰好之死。喪徇俗禮之吊訊。而故爲趨就以求傳染者。非真好義。蓋以不明病理之原由。貿貿然爲之而不爲意也。若隔離之法行。則世俗之迂禮可破。而無故受害之徒亦可以少減。一日用掃除法。傳染病人之有微生毒物也。前既言之矣。然而此微生毒物。不但麗之於患者之身體而已。且亦附於各種污穢之物。故東西各國之遇有患疫而死也。則凡患者之所居。無一不加以消毒之藥水而消滅之。甚則且投之於火。凡患者之所居。無處不用石灰水等灑灌之。其則舉其房屋而亦投之於火。此非不知吝惜也。生命與財產其輕重固自有別也。而我國之風俗。則又與之相反。身死未寒而爭產之人。已攘臂而起。授之者以是爲惠。取之者以是爲利。而生命危險在所勿顧。故生命亦遂因之而多喪。若掃除之法行。則害人之物少而貪小利受大禍者亦稍有艾矣。凡此三者皆所謂不清其源而清其流也。不得已之舉也。蓋爲今時所可行之而有有效。

內務

七十六

七月

者言也。知高言之必空談而無補也。今者夏秋之期至矣。因疫而病者死者。又數見而數聞矣。凡我國人。其有閱此而起以爲計者乎。勿謂此事小。半生所經營之功。名富貴事業學問。轉瞬而卽已。勿謂此事可稍待。歲每數十萬歲。每數百萬不及百年。而四百兆之衆。庶可以立盡我國人。其敬聽我國人。其早自爲計。

禮部遵議順天學政奏請改生童經古場爲頭場摺

光緒三十年正月二十六日准軍機處交出順天學政陸寶忠奏請改生童經古場爲頭場一摺奉旨禮部議奏欽此。欽遵到部查原奏內稱禮部奏准變通科舉章程內載歲科兩考先試經古一場專試中國政治史事及各國政治藝學策論應由學政酌量命題等因。遵辦在案。惟從前所設經古場者係考試經解詩賦雜著生童應試者寥寥。今改試策論凡學者涉獵之淺深程度之高下先於此場覘之。其有志上進者無不報名投考。人數與正場無異。而因沿舊習仍稱爲經古場名實已不相符。且直省例章經古場由學備卷教官賢否不一。學書門斗專以卷費漁利難保無影射勒索情事。欲革其弊不得不先正其名。應請將經古場改爲頭場。正場作爲二場。仍兩場合校以定去取。所有試卷仿照正場均歸各州縣承辦。仍嚴定章程不准州縣禮房借端多索。並由提調官出示實力稽察。以恤寒峻而杜影射。

其提覆卷亦如之教官無庸蓋印造冊則學書門斗無從作弊一切陋習不禁自除至生員歲科試亦分爲頭二場生員歲試例不准無故不到惟其中年齒不齊願考頭場與否仍聽其便科試乃爲錄送鄉試地步其未考頭場者概不列優等以示區別等語查政務處會同臣部奏准變通科舉章程內開歲科兩考先試經古一場專試中國政治史事及各國政治藝學策論生童願考與否仍聽其便童試正場試四書義五經義各一篇覆試試四書義一篇生員歲科試正場試四書義五經義各一篇覆試均試四書義一篇又臣部議覆江南湖南各學政奏准通行考試章程內載經古一場應由該學政平日考查該省士子文藝學術果素有專長仍於中國政治史事及各國政治藝學中隨學命題算學乃藝學之一端並准其繪圖演草等因各在案是向例生童經古場考試詩賦雜著今既改試策論仍謂之經古場本屬名實不符惟童試正場及生員歲科兩考原定章程各試四書義五經義誠以生童考試爲士子進身之始與鄉會試稍有不同必先取其經術湛深然後講求史事時務乃爲學有本原體用兼備若將經古場竟改頭場恐試士者往往以論策當先意存偏重致啓陋學荒經之漸臣等悉心商酌擬請量爲變通將童試及生員歲科試正場作爲頭場照章均試以四書義五經義各一篇生童經古場均改爲二場仍按照新定經古場考試命題離合

校兩場以定去取俾曉然於 國家取士之法經學爲先庶可挽時趨而收實學間有年老諸生無志進取者二場願考與否仍聽其便其覆試一場應各照章辦理至所稱書斗禮房勒索卷費應如該學政所請嗣後童試兩場試卷仍歸州縣一律承辦仍責成提調官實力稽察不准稍有需索以恤寒畯而杜弊端如蒙 俞允卽由臣部通行各直省一體遵照謹奏奉 旨依議欽此

閩浙總督李奏閩省設立警務局實行警察摺

竊查光緒二十七年七月三十日奉 上諭前因各省制兵防勇積弊甚深業經諭令各督撫認真裁節著將原有各營精選若干營分爲常備續備巡警等軍等因欽此先經前督臣許應騫奏明將通省練軍制兵汰弱留強別練巡警一校共四千四百人分爲二十二隊每隊二百人派管帶一員哨官四員分駐各屬奏後隨將省城制兵改設巡警軍第一第二第三共三隊以二隊交福州城守協管帶以一隊交督標中協副將管帶餘均未及編定上年九月後經前兼署督臣崇善奏明改爲全省編設警軍三十八隊每隊正兵一百六十名共應設巡警軍六千一百六十名亦未舉辦卽值卸事臣到任後體察情形前督臣之請以練軍制兵改辦巡警原以綠營虛惰無用久爲世詬不得不急圖改良以冀化無用爲有用惟

是警察之學最爲精密東西各國講求此事均先設立學堂教育合度然後授以巡捕之任
用能衛民生去民害闡之間可以夜不閉戶道不拾遺間有遺失之物疑難之案告知包
探巡兵無不可廉得其情故論者謂王道之行必自辦警察始其精妙如此以綠營弁兵目
不識丁安能勝任且巡兵之設固重巡練而其用尤在於除無形之隱患而非責以征戰之
力既設巡警則居民舖戶均須立門牌編籍冊有清道之舉有貿易之場大抵悉關地方之
事故部署之法亦與防軍大異其每隊巡兵之多寡且視事體之繁簡爲等差更難拘定每
隊一二百人之數因其任事之艱苦不得不優給餉需則月餉亦轉視防軍爲重臣曩歲調
署廣東巡撫到任即與督臣商酌先就省城設立警務局委臬司專辦其事調撥防勇數營
挑作巡兵雖用其人而仍去其籍近見四川督臣錫良奏報辦理四川警務亦係擬將綠營
分別全撤騰出餉項另設巡兵此則但取其餉而並不用其人蓋實有見警察事斷非綠營
弁兵所能爲非變而通之難以施行盡利也臣與司道再四籌商當於上年十一月飭就省
城設立警察總局刊刻福建全省警務局之關防札委臬司朱其煊充當總辦先將城守中
軍及副將所帶之巡警軍各撥出一隊凡四百人交該臬司認真挑練悉除其綠營兵籍此
外尙有不足則另行選募又因新募者驟難合用別將常備軍之曾經教練合於警察法度

內務

八十

七月

者騰挪挑補以期速成調派江南學堂畢業生兩人充當教習設立學堂逐加訓練一面清查戶口編立門牌凡數閱月始覺漸有頭緒計省城除總局外另設分局四所城外之南臺一帶只設南臺警務局一所而以四分局輔之每局均用巡長二名巡目六名巡兵一百二十名統計各分局共得巡長及督兵一千零九十六名其總局則專設暗查親兵而無目兵並就需次各文員遴委提調稽查總巡分巡巡紀等官分任其事凡舊設之保甲緝捕清道等局均一概裁撤同濬河丁夫均歸警務總局經理現在城內已於三月初一日南臺已於四月初一日陸續派兵站街實行警察之政惟城內旗街向歸旗營管轄情形略別當查照廣東省章程咨由將軍督飭旗營撥兵辦理以免互相鑿枘至城內外各局經費兵餉就現時核算已月需額支銀七千餘兩尙有開辦經費及製辦衣靴軍械等項應歸活支項下核計不能預定謹 奏奉 硃批該衙門知道欽此

出使法國大臣孫上政務處書

竊自東方戰局既開各國陰謀昌言不諱寶琦痛心禍切曾合電上陳籲懇 頒行新政以救危局溯自庚子以後維新 諭旨不爲不多督勵臣工不爲不切而百事之玩泄依然天下之精神不振者則以未立綱中之綱而壅蔽之弊未除無由上下一心共扶危局也伏維

我 朝開國之初文法科條務從簡畧而君民一體上下情通伏讀我 聖祖仁皇帝

聖訓有云明朝末世君臣隔越以致四方疾苦生民利弊無由上聞我 太祖

太宗 世祖相傳以來上下一心滿漢文武皆爲一體情誼常令周通隱微無由或問

一游一豫體恤民情創作艱難立萬世不易之法等因欽此 祖訓煌煌垂訓千古今者

外侮迭乘內憂間作欲圖補救惟有恪遵 祖訓破除壅蔽上下一心而後可收臥薪嘗

膽同休共戚之實效欲求所以除壅蔽則各國之立憲政體洵可效法夫日本之由變法而

強固朝野之所共知也攷明治維新之初祭告天地神祇宣誓五條一曰廣開議會萬機決

於公論二曰上下一心廣行經綸三曰官民一途下至庶民各遂其志勿令怠倦四曰破舊

來之陋習基天地之公道五曰求智識於世界大振皇基此日本變法之宗旨至明治六年

確定爲立憲政體隨命元老通儒合集討議至二十二年始發布憲法於通國於是君民上

下一心遂成鞏固不搖之勢歐洲各國除俄與土耳其外若英若德若意若奧若西班牙皆

爲立憲之國而尤以英德之憲法爲最美備雖以法之民主而其民猶多羨英德之政體者

英爲立憲最古之國其法成頒布在南宋嘉定八年距今幾七百年矣乾隆中葉美法大倡

共和英幾爲之搖動乃遂壹意脩改憲法以防亂而固本各國憲法多本於英德國當百年

以前列邦之宗旨不同即憲法之興廢無定同治年間力與法奧爭強始列邦上下一心既分立各邦獨用之憲法又合立聯邦共遵之憲法民心固而外侮自除此英德兩國所以能俯視列強鞏成大國也寶琦嘗詳攷各國之大勢確見夫政體既立則弱者寢強亂者寢治何也合通國之民共治一國何弱不可強何亂不可戢不立政體則民氣渙散國勢日微弱者被兼亂者被取何也君臣孤立民不相親也蓋國勢縱極艱危苟能固結民心勵精圖治外侮自不足慮譬之人身中氣既足疾病自無由侵犯攷之英德既如彼徵之日本又如此日本之立憲非同歐美各國之迫於他國兵力或迫於民亂其勢由大以及小其事由上而命下故順而不逆安而不危其立憲政體第二條特爲剖明日日本帝國萬世一系之天皇統治之所以定一尊而防流弊蓋立憲政體者實所以尊君權而固民志與我 大清一統撫馭全國之宏謨適相吻合近年中國民志大開凡有血氣者無不痛國勢之衰微憤外侮之憑陵昌言改革莫之能遏寶琦竊維倡論自下恐爲釀禍之階決議於上乃爲致治之本伏願王爺中堂大人思窮變通久之義爲提綱挈領之謀籲懇 聖明仿英德日本之制定爲立憲政體之國先行宣布中外於以固結民心保全邦本 飭儒臣採訪各國憲法折衷編定 飭修律大臣按照立憲政體參酌改訂以期實力奉行憲法關係全國之精神必須

從容考定頒布自必需時急應博開議會以鼓舞羣材庶一切應行改革之事皆賴衆論決
議施行無復盈廷唯諾築室道謀之患各國議院咸分爲二曰上議院大抵以元老及貴族
充之取其與國同休戚之意曰下議院大抵以鄉紳通儒充之則專取其才望以繫萬民之
觀聽以聚天下之英俊下院詳議上院覆議國君決議故下院之責任尤重議紳由民公舉
別有選舉之例中國似可先行變通舉行查二十七年奉 旨設立政務處實爲議院之基
礎擬請卽定爲上議院 特派資深望重之大員爲院長王公世爵以及年老之四品以上
官員皆可充院紳由軍機大臣及京外大臣保薦其都察院爲 朝廷耳目所寄各科道原
有批駁之權應卽定爲下議院請 特簡通達時務饒有才智者爲院長不拘官階之大小
其現在翰林院及科道人員擇其才學兼優品望相孚者由 欽派大員會同院長嚴密挑
選約大省挑取四人中省挑取二人小省挑取一人並由各省督撫於各省每府訪問平正
通達之紳士一人不拘士商咨送京師下議院協議凡所興革之事分股職掌而又合衆詳
參下議院議妥送上議院覆議議定奏明請 旨頒行各部院及各省督撫所行之事非經
議院核准不得擅改條例議院應隨時考查各部院各督撫如有辦事貽誤及有擅專情事
卽可臚列事迹請 旨懲辦至於各省城及各府縣城尤足繫民之觀聽宜仿古鄉校之制

名爲公議堂特設公所就地之大小酌量選舉紳士大抵省城合各府縣之紳一府合各縣之紳一縣合各村之紳凡地方應辦之事如學校農工商務工程善舉各種捐項皆由地方官與公議堂紳士詳細籌商以期衆擎易舉自無阻撓之患目下國民程度只能如此參酌變通十年當另詳定選舉之規則更足以順民心總之不外破除壅蔽之積習冀決是非於公論使營私罔利之官吏無所竊其威福使草野之愚民皆得涵濡 德澤揆之古者謀及卿士謀及庶人之意並不相背非第取法於外國或謂中國之言官講官皆可指陳時政之得失 朝廷隨時採擇施行何必定開議院不知議院係集思廣益終年聚議平時有考查之功臨事有辯駁之權與言官講官之風聞言事徒逞一孔之見者迥殊中國言官講官頗多才智之士祇以於 國家政事無從考查確實又不能與政府當面辯論無由互証其得失即無由擴充其才識此中頗關係人才之消長或謂中國目前人才尙不合議員之選倫所舉不得其人徒成具文不知人才由討論而出現在各省聰穎有志留心政事之人日多一日未能廣行擢用正當位置於議員以歷練其才識俾院長得以密察其品行心地可爲儲養人材之地或又謂議紳結黨各國恆有不可不防不知目前中國之官吏營私何所不至議紳宜願清議何能如官吏之貪妄如果有執法營私之員院長固可向衆聲明立即斥

退如有聚衆違抗與政府反對之事 朝廷自有解散議員之權何虞尾大之不掉寶琦前者承乏政務處檢閱中外章奏惟李盛鐸摺內有請定政體以立大綱之語而未詳陳其得失盛宣懷請譯政治書摺內謂英德日本之政體可爲效法而未敢明言陶模摺請立議院以除壅蔽實暗寓立憲之意寶琦彼時以爲難以驟行故未建白且未深攷各國之政術來歐年餘悉心參考再四思維非此不足以飭紀綱而臻郅治實屬有利而無弊 朝廷宵旰憂勞王爺中堂大人公忠體 國與其嗟嘆時艱束手無策何如痛除積弊得慶更新輔我皇太后 皇上圖救危局之憂勤紓我 皇太后 皇上涕泣臨朝之焦憤苟能明定憲法則中國亘古未有之美名胥歸頌於我 皇太后 皇上而皆由我王爺中堂大人翊贊之功不但遠軼漢唐且將與英德日本比強不然則外侮日逼民心驚懼相顧自鋌而走險危機一發恐非宗社之福寶琦奉使海外日聞異族危論椎心疾首無地可容迫切上陳干冒惶恐伏祈俯賜鑒察造膝進言冀邀 天聽用扶危局天下幸甚

各省內務彙誌

京師 內務府堂官以爲 內廷職事頗多無甚可裁不得已僅將額外委署各名目裁去至吏部則將承發科裁去戶部則將該部并田科現審處督催所裁撤又將十四司中滿多設之郎中員外主事等缺裁減計員司留郎中員外主事

滿漢各一缺戶部筆帖式原設一百二十員缺今議定裁減六十缺 兵部清檔房傳奉堂諭現在奉 旨整頓部務會同練兵處王大臣等籌各項事宜必須特設處所派有專員經理方昭詳慎即在本署內設派辦處一所派司官袁玉錫爲總辦慶蕃等爲幫辦務各常川入署認真辦理一切事宜即由各員妥擬章程至先行試辦繕寫文冊即將檔房各司等處筆帖式考取十員聽候點派先行試辦 兵部長大司馬及徐鐵兩侍郎銳意整頓調查歷年舊卷專設派辦處詳加查覈與練兵處奏定之新章參酌比附另訂新例以便頒行各省 外務部近者考取供事均令一體照相一合照一分照聽候傳到時當堂呈驗如有人照不符者立即扣除查究

直隸 據天津歸還條約章程中國不得駐兵於天津城外二十里以內故直督袁宮保夙有擴充警察制度以保持地方之意今日日本三浦警務顧問向袁宮保稟議袁宮保採用其言議決在鹽山縣靜海縣青縣南皮縣慶雲縣廣保甲局改設警察署又從各州縣選舉吏員入北洋警務學堂肄業另派警務學堂卒業生爲教習始開辦於衝要鄉鎮漸及遠邨僻邑以期普行警察制度 南段巡警局天津道府等會稟直督采擇日本獄制分別緩急辦法當蒙批准如議辦理飭司核定監名旋據臬司議請將天津現建監房改名爲習藝所分立賃役力贖做惰三監分別安置軍流徒遣債務詞訟竊賊土棍秀民惡丐等犯均蒙諭允撥款開辦

山東 臨朐縣創設牛痘官局由歷任捐廉辦理前經該縣張大令稟奉撫院批准立案並發給牛痘新書及引種保嬰牛痘方書由縣委派典史稽查種痘事宜所種男女嬰孩數百名頗爲得法近又稟請將種痘新書飭局排印頒發各州縣分給紳民廣爲傳種其書價即由各屬捐解已奉周中丞批候檄飭廣仁善局刊刷千本分發各屬

江蘇 江督魏制軍遵奉 諭旨裁併局所已飭將省垣派辦處工程局譯書局歸併近又飭將江北查禁私運局及海

贛商捐局裁撤爲節省經費之計業已分別下札 端中丞近因庫款支絀除本省裁局併辦節省經費外特札飭各屬及蘇松太道袁觀察着將各種糜費切實撙節以歸正用並着查明所屬釐卡等各項冗員應得酌裁之處詳細稟覆以憑察辦

湖北 襄陽府屬光化縣之老河口五方雜處良莠不齊襄陽府金太守爰仿照省城沙市宜昌等處稟奉批准開辦警察以資整頓而保商旅已於六月初一日開辦

湖南 常德警察總局現由署武陵縣余大令總理各事認真稽查不懈站街之勇每人站立八點鐘日夜輪班梭巡不絕茲又更換號衣草帽並每人手執木棒一柄

浙江 浙撫聶中丞以近奉 諭旨舉行新政公務繁劇特創設派辦處挑選熟諳公務之員分司承理如洋務營務最關鄭重另立二處專辦所有公牘立即批行 浙江仕途擁擠異常偶有差缺爭相營求浙撫聶中丞飭令藩司翁方伯大加整頓嚴定章程無論州縣雜職教官悉以班次資格編挨輪委惟各州縣繁要之缺或於應輪之員人地未能合宜准照向章挑選惟各項差使則不在此例

四川 雅州府屬打箭爐地方現爲漢夷通商要口不獨交涉日多而外洋人之遊歷者亦屢經其地又值巴唐開辦墾務爐地遂成繁盛之區故亦擬改爲直隸廳共轄八屯二十七土司

各國內務彙誌

俄國 俄律國境二十里以內禁猶太人居住今由內務大臣提議廢棄此律已付國議院會議

英國 英理藩院頭等書記官勒答爾登云英政府已允脫國自明年爲始改爲立憲政體

內 務

八十八

七月

法國 法首相空姆司君照會各大臣開特別會議於是法總統出巡之期爲之改緩

美國 美國各丈都會高屋櫛比偶肇火災則救火會中之水器輒不能灌及近定新章凡窗戶間皆裝設水管俾得通
過屋頂以防不測 美國以前檢查赤眼病者只限於三等船客近來更加嚴重即一二等客亦必實行檢查

墨西哥 墨西哥國近又公舉波化路復任該國總統

澳洲 澳洲糧膏防城上下議院中已擇定新南惠爾斯省達爾爾城爲共和政國京都

軍事

論中國南方宜用水師保守中立 錄六月十七日中外日報

近者日俄戰事。其在旅順遼陽大石橋海城蓋平諸地者。勝負之局。固已顯判矣。我國簡派重兵。控扼遼西。嚴守中立。中外論者。鮮不謂此舉。實爲中立國能盡其義務。雖俄人問欲挑釁。然內而鈞軸。外而督師。皆能嚴立界限。不中俄人之狡計。即此尤見當局者之能先事籌備之慎密也。惟近觀中外各報。以及本報所得之專電。西則俄艦詐出韃韃里海峽。橫擾地中海及紅海之間。屢次凌犯英德兩中立國之商船。東則海參威艦隊。縱橫於對馬津輕北海。而延及東太平洋。由拘捕擊沈日本之運兵船商船始。而浸至擊沈英國之郵船。此其用意。果安在耶。良以俄國亦明知俄之海陸軍威。在遠東已聲名掃地。勢已不能挽回。惟有遺其黑海及海參威之殘艦。無端出而肆擾。初則爲圍趙救魏之策。欲以緩旅順各地海陸之攻。今則見日本海陸各軍。凡事皆堅依豫定之計畫而行。並且每戰必克。其初計已不克行。乃再變一策。在西則欲激怒一國使爲第二國而加入戰事。則彼可求助於法德而有詞。在東則深入日本領海。遙窺台澎。使日本海陸各軍不免起內顧。遠救之意。而即可以緩遼旅。

諸處海陸之急攻且欲擾動世界平和之局得數國之助而藉以自救此其用意本館執筆人雖愚亦竊自謂於俄人之狡計窺見其萬一者也雖然各中立國之肯加入日俄之戰與否日本海陸各軍竟因此而返顧與否本館亦不必爲他人代作杞憂惟所慮者我中國正當貧弱之餘爲嚴守中立之故外而備邊內而防亂處處皆獨負其責任其初日俄戰地之限制本祇在渤海以東黃海以北苟使戰事就緒不出於初定限制以外則我責任之界線猶狹卽我盡義務之方面亦小今則俄人西欲激動世界之平和東欲延長侵戰之界限則我國雖已告中立不能不隨時布置圖所以自備之方竊謂遼西之守陸旣已嚴防則今者南方沿海之防禦亦不可不預行布置以爲不虞之備以防俄軍之銳而走險雖我國自甲午以後海軍盡燬至今未克恢復然合南北兩洋軍艦尙有兵艦數艘魚雷艇數艘且水師提督薩軍門又頗負時名當今之時似宜由朝廷授以專權令其合統南北洋軍艦駐防東海南海之洋面而嚴扼閩省台澎交界之海峽外以耀示軍威卽非與俄艦有所交涉然亦足以寒他國窺伺閩浙之心內則固守海疆可與遼西之陸軍聲勢相應益足以完我中立國之義務語有之曰先事而備乃能制勝竊望我當局諸公勿輕視芻蕘而貽誤大局斯則天下之大幸矣

論俄羅斯進擊橫濱之計畫 錄六月二十五日露江報

旅順急矣。俄人遂有進擊橫濱之舉。然則日本其危矣哉。以余觀之。是大不然。俄之爲此。乃圍魏救趙之策也。不如是。則旅順之圍不解。旅順之圍不解。則大局將去。東事遂不可問。俄其危矣。

夫苦魯巴金。俄之名將也。此次之來。旅順爲阿力喀塞克夫之無功。俄皇特重以統領海軍之命。則夫朝野上下。暨旅順之人民。孰不翹首跂足以觀其計畫之何如。而卜其安危之究竟。

乃自蒞旅以來。數月於茲矣。未聞有建一謀。發一議。足振軍中之氣者。或者謂老謀深算。未肯躁以圖功。是固然矣。然而日人之圍旅也。如故。據各種新聞。多謂陷旅之期。當不在遠。雖其言或不免稍袒日人。然以大勢度之。亦有未必不如此者。危哉。旅順急矣。旅順。

今聞俄人率其艦隊。以臨橫濱。橫濱。日本之要島也。地距東京不遠。俄蓋欲聲東擊西。使日本疲於奔命。或藉以稍減旅順之兵力耳。

獨是聲東擊西。兵學家之常事也。余謂俄人此舉不當。在旅順將陷之日。而當在苦魯巴金蒞旅之時。何則。兵法固有先聲奪人者。當阿力喀塞克夫之退職。俄之兵威一挫矣。苦氏接

之。日。人。正。莫。測。俄。軍。優。劣。之。實。際。即。地。球。上。各。國。亦。莫。測。俄。軍。優。劣。之。實。際。此。時。而。聲。言。進。攻。日。本。或。進。攻。臺。灣。世。界。之。人。誰。不。信。之。當。局。之。人。誰。不。懼。之。以。爲。俄。人。新。立。名。將。振。刷。精。神。固。如。此。也。

至於今日陸軍之敗既已疊見旅順之困又已共知強弩之末不能穿魯縞豈能舍近交而爲遠攻之舉。

然據近日傳聞則明明謂俄人進攻橫濱考之南清電報亦云已發見海參威艦隊於橫濱海面并聞礮聲然則俄人真有此舉矣真有此舉則旅順之圍將解亦未可知滿洲三韓之地面日本兵力因此稍衰亦未可料遠東之事乃有如是大展布也或者困於遠東者將以取償於日本歟。

雖然日本於此等暴動早有以備之也故自兵興以來外間紛紛時或謂俄艦將赴臺灣矣時或謂俄艦將游日本矣不特日本人防之即稍諳兵事者亦知日本人當防之豈有智如日本而罄全國之兵以赴遠東致國內反有空虛之慮乎余謂俄人此舉仍不足以解其困者理也又勢也。

雖然俄人於此夫豈無意政府之謀不專爲旅順計也亦不專爲苦魯巴金之爲旅順計者

而計也。彼其國內之渙散民人之議論。君相之憂思。固已如是其憊矣。不有以運動之。則其國將不振。

顧余獨有疑者。以日本艦隊遊弋於海面者。特占多數。海參威之艦隊。豈易飛越雷池。以竟達其目的。乃觀德臣特電。則謂英政府不准俄國義勇艦。拘拏往來輪船。即船上文件。亦不准查閱。美國亦信海參威艦隊。已過津輕海峽。以搜尋滿載糧食之美國輪船。柏林電亦云。俄國義勇輪船管駕。已接有嚴諭。謂此後不得再有如馬六甲之事。是諸國聳動。皆因俄國海參威艦隊。故則不得謂必無發見海參威艦隊於橫濱海面之舉矣。

抑余又有說者。日本島國也。空懸於海中。其港口或不易守。俄若果率偏師以擾之。雖不必期於獲勝。然亦足爲東方和局之問題。

不知俄之力。必不足以及此日之志。又不肯因此而沮。唯是既有此舉。則東事愈形喫緊。而愈無結果之日。

俄方向巴黎籌借款項。而日本所貸之債。又已浮於豫算之數。譬如博者。方拚孤注。而囊載而來者。且欣欣然。出其所有以求再試。而謂能收場。撤局否乎。又如商者。方虧折本銀。而謀罷業。閉歇。忽有人焉。攘臂而前。或添益。或拼股。此正奮興整頓之時也。豈有徑行遽止之理。

或問然則旅順破乎曰必破余非於他事決之也決之於日人之敢死有敢死之志則雖數十萬衆或數百萬衆亦無如其猛烈何拚命而前有進無退日能爲之俄不能爲也故以余觀其大局俄不能勝也俄之進擊橫濱特迫於求勝不勝而出此下策耳夫圍魏救趙策之上者也何謂下策抑知是策也日人識之即全世界之人亦識之故彼之所謂上策乃吾之所謂下策也謂余不信請觀其後

廣西巡撫柯奏剿除峒匪籌辦善後請以桂林同知移駐並派營專紮巡防摺

竊柳桂交界之區青山蟠屈三百餘里其陽爲四十八峒大半在維容轄境陰爲三十六峒大半在永甯轄境猿壁獠巖地形險阻向爲盜匪窟穴其峒口無數與永福柳城融縣處處可通歷朝以來皆用重兵咸豐年間曾聚匪滋事迭煩兵力始克綏靖乃歷時未久仍爲逋逃淵藪時肆劫掠爲害閭閻上年署督臣岑春煊派營剿捕雖經拏獲匪首覃老發懲辦而遊土各匪盤踞其中者尙不可僕數乘間出擾劫案無數凡近峒之村無人不入其會潛爲供給糧食偵探官兵蹤跡互相煽誘勾串益多有不入其會者則火其廬掠殺其人口擄其財畜而後已地方官亦無從查緝該地距省僅百餘里臣未蒞粵即聞桂林屬境伏莽潛滋履任後查聞峒匪實繁恐遂滋蔓迭經撥營堵剿每有擒馘而藏垢納污愈聚愈衆本年正

月派奏調河南候補知府黃鳳岐統領親兵三營往剿管帶左營周天長奮勇直入其巢雖多斃悍匪而山徑險巇單兵深入陣亡弁勇共七十餘名旋又派親兵一營復飭署慶遠府知府白玉書調慶防三營適署右江道王芝祥帶領常備前營來會分五路進兵又派奏留道員褚興周前往調遣一面分飭永甯雒容等州縣選派得力鄉團爲各軍引導免致疏虞並飭永福柳城融縣諭令公正團紳調集壯丁在於峒口之處日夜梭巡認真防堵以杜零匪乘虛竄入貽害地方計自二月初旬以來仰賴 天威官軍合力進剿緝幽鑿險逐處窮搜竭數月之力擒獲積年悍匪章世德羅榮才掌祖英章祖欽陳十四莫永旺莫土金秦小五萬章遠章仲向覃章勳覃章安黃酸梅四等訊明正法先後斃匪約三百餘名焚去匪巢二百七十餘間匪殲除殆盡餘皆遠颺亟應將善後事宜妥爲籌畫以期斷絕根株一勞永逸峒內向住獠獯久已逃散現在並無居民餘如洞梧村等處皆有田地可耕必得設官整理方能還集勞徠查桂林府同知本係閒曹即以該同知移駐峒內以資彈壓而便巡防該同知俸廉役食等款一仍其舊勿庸另議查有候選知府雷震南前帶楚軍頗稱得力堪以署理桂林府同知所有前派剿匪之親兵四營除死亡病故外現經簡其精壯併爲桂防正副兩營即委該員統領自帶正營於峒內建造營房並飭於要隘修築碉樓派兵防守各

峒小口一併填塞峒外各村派副營駐紮辦理清鄉一俟部署周妥再行詳細陳明謹 奏
奉 硃批著照所請該部知道單併發欽此

河南巡撫陳奏擊獲會匪審明就地懲辦摺

竊照豫省緝獲中原五方雜處外來會匪勾結地痞遊民平日伏莽甚多民氣已形不靖近
自日俄開釁我守中立匪徒不免生心藉端滋事疊經臣出示明白勸誡並督飭地方文武
不動聲色嚴密防範查緝適有哥老會匪在汝州魯山一帶放票煽誘經管帶精銳營參將
田振邦督同哨弁張鳳閣訪獲會匪趙德幅一名搜出黃白票布會規木戳印紙等物連犯
送交洛陽縣收審時河北總兵郎桂林巡閱營伍適在河南府城即會同該府督縣提犯研
鞫訊悉尚有匪黨魯山民人張有才九龍山道士張姓等稟經臣批飭嚴拏務獲旋由洛陽
縣知縣徐明麟派撥隊勇協同河南參將遴派之都司石慶堃並宜陽汛外委張福魁帶同
魯山縣差役將夥匪張有才設法緝獲又由魯山縣知縣聞捷購線帶同兵役掩捕道士張
半仙到案起出偽書木印票布等件據該營縣先後稟報均經批司飭將該犯等解交河南
府歸案審辦訊得張半仙即道士張至極又名張知機及張有才趙德幅分隸湖南武陵河
南魯山汝州諸州縣張半仙係中年出家各處遊方度日光緒二十六年赴安徽朝九華山

路遇江西人王得運勸入哥老會二十七年來至河南裕州關帝廟擺攤賣卜有四川人雷振遠至廟閒遊告說廣東九龍山會主係大正國定安王朱洪寅伊與廣東人龍得水均是保主親信頭目帶有書本名爲定安天書張半仙索看借鈔雷振遠即以張半仙爲九龍山幫辦併將隨帶之木刻大正定安王玉璽印信繪樣紙一張據張半仙照刻印上執照以便封授大小官職又告以會中人見面問答口號及一切會規名目維時趙德幅經禹州販烟葉之曹幅運張有才經素識之寶豐縣人王萬同亦各勸誘入會均給有蓋印票布執照等件二十八年二月張半仙由裕州靈山寺去至魯山縣與五虎廟之張有才相遇即給張有才黃綾執照一張封其爲大正國吏部主事復囑張有才幫辦魯山汝州一帶會匪並經曹幅運撮合張半仙與趙德幅在汝州城隍廟見面張半仙回魯山後因託張有才送給執照一張升授趙德幅爲大正國兵部主事亦令刻戳印照糾夥勸人入會張有才隨併告趙德幅會規口號暨大頭目姓名及約定起事日期等語趙德幅刻戳印照在各處散放先後共勸一百餘人張有才共勸四五十人張半仙以靈山寺爲總局分遣會友徒弟勸人入會甚衆每勸一人領錢一百零八文得錢各犯隨時花用上年十二月間雷振遠龍得水引朱洪寅到靈山寺囑張半仙出見朱洪寅即封張半仙爲副軍師爲職先是趙德幅於十一月底

軍事

二百七十八

七月

赴嵩縣馬迴鎮一帶勸誘入會行抵大辛店經巡勇盤獲送案供出張有才張半仙稟經批飭拏獲併案質究各供前情不諱據河南府知府袁鎮南審實錄供稟報復經檄委候補知府王紹廉馳赴河南府會同提犯覆訊供情無異稟由藩司瑞良臬司鍾培詳請核辦前來臣查張半仙以一出家道士輒敢投身入會膺授副軍師偽職又復刊刻偽號木印私授偽官分遣徒黨放票誘人入會而以所居靈山寺爲總局與開立山堂無異實屬悖逆不法蓄謀甚險趙德幅張有才甘心入會均膺主事偽職領受票布展轉散放多張張有才並幫同管理會事亦屬同惡相濟厥罪維均際茲時局艱難人心浮動該匪等乘機糾夥煽惑約期起事倘其黨羽既成勢必滋蔓難圖爲患何堪設想幸託 朝廷威福先期破獲自應按法懲治藉遏亂萌當經批飭將該匪等一併就地正法梟首懸竿示衆以昭炯戒偽印票布等件案結銷燬一面飛咨兩江兩廣兩湖督撫臣嚴密偵緝匪首朱洪寅龍得水等並飭屬將逸匪曹幅運等務獲究辦其無知鄉民被誘被脅誤受匪徒票布飭令自首呈繳從寬免究現在地方悉臻安謐堪紓 宸廑謹奏

辨論招匪公牘彙錄

外務部致駐華日使照會

昨准盛京將軍電稱日招馮麟閣等馬隊二百餘名日人二員初十過康平屬哈拉沁屯金壽山率馬隊二百餘日人五員十一過康平西莫力克于家窩堡均向東北遼源州蒙境去近俄又以華官任聽日本在遼西招降馮杜各匪欲壞中立爲言匪隊隨同日人往來沿邊各屬既不能有所攔阻設生他變大局攸關迭據各口總巡暨各縣稟報已飭堅守中立妥爲辦理等因前來本部查貴國與俄國用兵以來中國確守中立迭經聲明在案近日傳聞日本武員有在遼西一帶招匪情事俄人屢以華官並不攔阻欲壞中立爲言雖經迭與駁辨仍多疑慮現在貴國大兵雲集紀律嚴明此等匪徒本不足用且恐假冒滋事擾累地方自可毋庸招集以免俄人藉口貴大臣洞察情形顧全大局相應照請轉行貴國武官不必招匪并勿令在局外邊界往來游弋免生事端是所切盼

駐華日使覆外務部照會

接准光緒三十年五月二十五日來文內開傳聞日本武員有在遼西一帶招匪情事雖經迭與俄人駁辨仍多疑慮照請轉行我國武員不必招匪云云等因閱悉之下當經本大臣詳加查核乃知我國武員並無招募匪徒情事而俄人反在日俄開釁以前即行招匪現仍用爲臂助且有俄軍隊屢次渡越遼河或又派人到小庫倫及其迤東各地並在蒙古邊境

等處迭經勒買軍中要需本大臣確有所聞惟因似此舉動殊屬有碍貴國確守中立之例應請由貴國政府照會俄國嚴行查禁是爲至盼

外務部政駐華俄使照會

本年五月二十五日本部照會日本駐京大臣文據傳聞日本武員有在遼西一帶招匪情事俄人屢以爲言雖經迭與辨論仍多疑慮照會轉行日本武員切勿招匪免滋事端等因去後茲准覆稱本大臣詳加查核乃知我國武員並無招募匪徒情事而俄人反在日俄開戰以前即行招匪現仍用爲臂助且有俄軍隊屢次度越遼河或又派人到小庫倫及其遼東各地並在蒙古等處迭經勒買軍中要需本大臣確有所聞惟因似此舉動殊屬有礙貴國確守中立之例應請由貴國政府照會俄國嚴行查禁是爲至盼等因前來相應照會貴大臣查照

駐華俄使致外務部照會

按照本大臣屢次請貴國政府注意於日本在遼河以西無理任便招募華人並准復文以已經轉飭阻止各情近查此事仍未斷絕且係明顯招募除錦州外此事出於溝邦子及附近各處招集小股前往毀壞鐵路外刻已招齊數百人成股給以月俸俟日本武官到來前

往東省各情惟日本力駁此事而該地方人所共知明談此事到該處之各國武官及遊歷人可爲證據雖百方推駁而此係無疑可見貴國政府雖據理聲明然本地方官陽奉陰違稟報不實暗助日本茲有如此暗助之局外中立較不及於明戰矣相應據本國之命照請貴王大臣設從嚴之法以絕該地方官及日本之遺員妄爲爲要

外務部覆駐華俄使照會

本年五月二十九日接准照稱日本在遼河以西招募華人一事仍未斷絕除錦州外出於溝邦子及附近各處刻已招齊數百人成股給以月俸俟日本武官到來前往東省日本力駁此事而該地方人明談此事到該處之各國武官及遊歷人可爲證據貴國政府雖據理聲明然地方官陽奉陰違稟報不實暗助日本請設從嚴之法以絕該地方官及日本之遺員妄爲等因本部查遼河以西地在局外前擬由北洋大臣派兵駐紮貴大臣屢次言其不便未允照辦以致該處匪徒出沒常難驅除至俄兵曾在溝邦子一帶往來以及俄員招匪等事日本以中國未能攔阻甚有煩言近聞日本人招匪即以此爲藉口中國地方官已將干涉此事之人緝獲懲辦並設法稽查隨時告誡如此辦理可謂毫無偏袒至若匪徒來去無常無兵彈壓乃係力之不逮並非禁之不嚴該地方官斷不陽奉陰違稟報不實亦絕無

暗助日本之處茲准照稱前因除已由本部照會日本駐京大臣詰阻並咨行盛京將軍北洋大臣仍飭地方官嚴守中立切實查禁外相應照復貴大臣轉達貴國政府勿信浮言實於大局均爲有益

奉天將軍增府尹廷通飭各屬酌留巡隊札

案查前准俄武員廓米薩爾三百九十八號照會內開案准光緒二十九年十二月三十日貴大臣第一千五百四十九號照會貴軍督部堂接奉北京外務部電開中國政府定於日俄開仗時嚴守局外之例等因查此節留守遠東大臣深爲允許第一中國既守局外之例須將隊兵離去鐵路兩傍及駐紮開仗之際各處不得在六十俄里以內駐紮等情是以敬懇貴軍督部堂迅即飭將所有中國隊兵由鐵路兩傍及駐紮開仗之際各處離去六十俄里期以四日爲限又查光緒二十九年十二月二十九日貴處照會內開云云則貴國軍隊遇有可疑之人均不得放入鐵路兩傍六十俄里以內之處乃可將鐵路保全如該各軍隊有在距駐紮開仗之際及鐵路六十俄里以內者即係毀壞遵守局外之例而敵國軍隊不以局外視之等因當以各城巡捕隊兵原爲彈壓地面巡緝鬪匪之用若果悉數遠調匪徒不免乘隙竄起必須照舊駐紮萬難調動只有剿匪遊擊隊可以於臨時調開以符局外等

因照覆並飭交涉局員面與磋商去後茲准該俄員六百七十五號照會內開奉彼留守遠東大臣飭以每縣內能留警察局隊二百名並已知會邊界隊官提督齊車國夫等因爲此札飭遵照辦理

裁營中止

粵督岑制軍前經奏請將粵省綠營武職全行裁汰改練新軍奉 旨交政務處議奏頃政務處以廣西土匪勾串游勇糾衆起釁實因裁汰綠營之所逼今已激成巨禍若再裁汰則兩粵干戈併起將成不治之疾因奏奉 諭旨岑春煊所奏裁汰綠營一摺著不准行近已由政務處行咨該省矣

改練新軍

練兵處議裁各省綠營冗員另編新軍並加增月餉每名每月八兩設遇陣亡並給相當撫恤長養遺族至所定兵額計每一大省設兩軍中省設一軍一鎮小省設一鎮一協云

酌裁制兵

浙省綠營制兵奉 諭酌裁提督呂軍門已接彙中丞咨稱浙省綠營制兵酌裁二成騰出餉項以補練軍津貼軍門當飭韓中戎分知各營遵照辦理

湘防嚴密

湘省近因廣西警報日至沿邊各屬紛紛請兵駐防經護撫飭營務處將南門外金盆嶺之剛字左右兩旗調往永順府駐紮又飛飭駐衡州府之輝漢兩旗前往思恩助防又將常德府之勁字旗調至省垣然後遣派前往上游各屬分駐護撫又以省垣空虛恐會匪遊兵乘間竊發飭兩司會同保甲團練總局飭各鄉一體舉辦團練分駐要隘現西南兩路已有黃道忠浩及張提督慶雲統帶忠健兩軍扼要防剿其剛發毅字各旗則分紮永寶靖各府州而江督所派杜雲秋觀察統率所部至湘填紮亦已於六月十七日乘輪赴漢擬於到湘後分派各營向粵湘毗連最險要之地六州縣扼要防堵

派閱法操

直督袁宮保奏明派遣武員赴法國觀操茲查有花翎侍衛選用游擊王治國正定右營游擊涂芳蘭均在北洋將弁學堂肄業嫻習武備堪以委令前赴法國惟官秩較卑懇恩將王治國涂芳蘭賞加副將銜以勵勤勞而崇體制已奉諭旨准如所請

兵丁改裝

京師練兵處近議定兵丁裝束衣帽參照德日兩國式樣將來各營一律改換已將擬定衣

帽旗轎車帳各樣式繪圖進 呈聞該處當差各員無論文武現擬統行改服軍裝將髮辮盤起以振尙武精神云

廣西軍事紀要

桂柳 永甯永福維容三州縣交界之要隘中渡墟實爲省城屏障原駐有桂防正副兩營委雷太守震南統領五月二十日探悉匪由柳城東泉司辰塘至屏山一帶盤踞百餘里數逾萬人械精且多意欲進昇犯省當即飛調正副兩營堵剿旋副營在屏山進剿被匪圍困即飛飭幫帶歐陽翰祚督正營星夜馳救奈寡不敵衆又經匪層疊圍攻兩營力戰一晝夜萬分危殆加派土頂三哨赴救仍未能解圍中渡土匪蜂起雷統領親帶小隊力爲接濟一面電稟省憲速派大軍馳援即經省憲飛調大軍九營力堵中渡匪始不能犯省改竄融縣長安一帶將入慶遠府境然大股雖趨慶遠而永福永甯境內仍有零星小股滋事云 又卸署右江道王觀察之紳甫由柳郡卸篆回省經柯帥札委統領常備軍督辦桂柳慶三府清鄉緝捕事務尙未啓程當道得柳州警信飛飭該統領即日督常備軍星夜赴進容防堵相機進剿柳州叛匪爲宋尙傑一軍聲援

桂林 六月十二日廣州電柳州叛兵聯合會匪於十一日晨將距桂林百里之永福縣攻破桂林戒嚴 六月十六日湖南電桂林府屬之永甯州業已失守粵匪竄入湖南邊界城步戒嚴

柳州 柳州亂後各屬匪黨四出搶劫馬平縣屬之沙江村被該匪三百餘人圍攻進村搜掠銀錢衣物牛隻炮火等項該村百餘家俱係韋姓破傷韋果恩韋扶養等數人并砍死鄉民三人擄賊而逸又三都汛地方大發墟有遊匪二百餘人行劫放火燒去十餘家銀物被掠一空墟內胡姓一家槍傷二人居民大小婦女擄去十餘口盤匿兩晝夜始置入山

洞而去。維容縣屬馬步團木梁鄉突遭匪黨攻劫附近鄉民集練堵禦斃練丁三人婦女二人匪入鄉後盡將物件擄去鄰鄉練丁不敢追捕該鄉距城十二里馳縣稟報請派駐防各勇救援至次日始到匪已遁去無從緝捕矣。柳城縣屬大埔墟約有匪黨千餘人盤踞兩日之久該處駐紮水師七號扒船被匪圍困勢力不敵鎗長劉止龍陣亡水勇傷斃數人匪乘機下船搜掠一空并將船焚燬附近八號扒船聞警駛往救援亦為匪黨圍攻槍斃水勇數人後照字營經此與匪接仗斃匪多名始退竄而去但該墟被焚已成焦土。駐紮慶遠防軍照字營統帶黃鎮軍自聞柳州降匪叛城即拔隊赴援甫抵柳城屬維崖墟地方適遇匪黨由柳城上竄約有千餘人多半身穿紹字營號衣并隨行婦女數百人擔負布疋衣物甚多又有擡運槍彈數百箱絡繹在道黃鎮軍令營勇由山邊繞路而行匪黨由河干直上勇于列隊從中截擊匪黨失措勇追至河邊斃斃二百餘名匪黨拚死拒敵戰約半日之久被營勇斃斃及落水者約百餘名餘黨散竄羅城境而去。降匪陷柳州後搶掠數日乃竄走來賓象州更佔羅武宣縣屬之燈盞石龍等墟近已竄走柳州上之四十八洞地方該洞高山峻嶺林深菁密且路最險要易守而難攻云。六月初一日賊匪陷懷遠縣縣令張榕蔭棄城逃走柯撫奏報請旨嚴懲當奉 旨即行拿獲就地正法懷遠賊匪旋於初八日退去。慶遠 南丹土州近有遊匪串通土匪章二黃滿譚八等股約千餘人分竄州屬李湖場等處滋擾勢極猖獗附近河池州牧督飭親兵會合防勇往剿在五隘五里山脚與匪接仗連戰數日追匪至靈芳村匪登山四面埋伏開砲下擊防勇與親兵團練亦分數面攻衝上半山斃斃匪黨多名擒斬數名匪始散走餘匪竄往內山而去是役兵勇受傷十餘人陣亡數名。六月十九日北京電桂撫急電報稱降匪陷永福後流掠四竄有一股西下慶遠府城失守政府得報即電飭兩廣雲貴湖南各督撫迅速調兵前往合剿。

思恩 思恩府屬土匪陸采邦王特燕周特仙各股黨約千餘人勢極猖獗四出劫掠五月中竄擾長安團各鄉村復在趕南村廣聚被殺造中營圍剿始各獸散旋又劫新良村破斃鄉民二名又至雙橋八橋大路各處沿途搜擄布塘鄉福祿鄉耕牛馬匹概被搶盡此處上至郡城九十里商旅難行下至高峯隘七十里雖派有護商勇丁而商人仍不免被劫縣城西路丁沙鄉又被劫去牛隻槍斃五人擄去男女十餘口其仙湖寺墟各處尤多搶掠 百色屬恩陽理苗一帶遊匪擾亂不堪一股百餘人身穿號衣冒充兵勇潛至動淨墟搶擄去婦人多名索贖又該處鄉民三十餘人入山砍柴遇遊匪攔截聲稱奉營官委來此處搜山捕匪強逼鄉民引路迨至山坡僻處即將三十餘人細縛祇放一人回鄉通知各家備銀往贖聞總聞耗馳報恩陽州判朱別駕帶同勇練往捕甫到凍印山右左遊匪已先登山踞險開礮下擊勇練各分散隊互相夾擊戰約兩時之久斃匪數名匪始由小路竄去救出被擄三十餘人在匪巢搜獲婦女一口即係爲匪擄去者已送官訊明發落

南甯 橫州與廣東靈山縣接壤遊匪來往無常遊匪目林勝元莫十等二百餘人乘船數艘至南鄉江口墟登岸假冒官兵辦案身穿仁字營號衣各持槍破擁進墟內劫掠焚燒并將該處統稅局新關搶掠一空槍斃司巡二人居民數人又擄去男婦數人財物數十担經過橫州經團練探悉會合親兵追剿至新墟附近山洞擊斃匪黨數名然大股已挾賊先遁僅擒獲落後八人即在軍前正法

歸順 邊防榮字軍陸幹卿統領剿甯明州之巴羊山球山等處匪穴後復於三月二十一日整轉而西二十三日安平土州屬之包墟該州襲收李德普輕騎來營而陳派線探悉匪首許精神保江金生農二黃贊黃四兆等糾衆二百餘人聚于下雷土屬之二十四村騷擾上陝龍英恩城養利交界地方懇約陸軍會剿該襲收協同太平土州各團練扼堵

下遊以防竄逃二十四日陸統領馳抵石龍星夜飛報所部前營黃管帶率隊二百名左營譚管帶率隊二百名中營李幫帶率隊一百名而該匪等分據二十四村隴江匪穴四月初三日黃管帶扼堵李幫帶包抄左路譚管帶衝鋒攻破匪穴擒匪首黃許精神保及弟許亞錦斬梟示衆並准匪黨趙亞添許心等十五人繳械投誠均經遣散歸農具江金生等股匪羣伏上峽界內上爲李幫帶包抄左路之隊會同上峽土收許乃文率練勇擊潰江金生左脚受傷黃譚李三員會隊後不分兩夜跟踪追剿連數日夜該匪且戰且敗四散逃去山多林遠搜捕無蹤旋據安平襲收又報羣匪潛伏養利屬之安村星夜派練飛報陸統領於柳崗行營處距穴計一百七十里許山路紛歧十七日仍分三隊冒雨進剿安村之匪負隅抗拒四面山高林茂宛然天塹處處預爲敵備以逸待勞十八日黎明官軍突然往攻不克前進陸統領飭率衆奮力互用長短礮轟擊自辰至午匪勢不敵蜂擁而逃山勢峻狹如處甌中各隊踞山放礮轟擊匪黨男女共六十餘名陣擒八名即在軍前斬首並於屍上搜出三點會盟帖一張其江金生一匪身受兩傷率十餘散匪扛抬逸去

附錄警電

(一)延寄 六月初十日 官柯達時電奏融縣長安鎮被匪攻破峒匪迫脅多名有三路直撲省城之謠傳省城兵力甚軍湘省援軍暨東省各軍尙未到等語廣西省城吃緊著張紹華飛飭黃忠浩迅速兼程前往防剿無稍遲緩並著岑春煊飭催派出各軍趕緊赴援合力攻剿勿任蔓延仍將近日軍情隨時電奏

(二)湖南新撫陸致護撫張電 六月初六日在南京行次奉 電旨杜俞一軍著在湖南道州一帶扼要防守衡州後路宜有水師速爲援應著陸元鼎妥籌酌撥實靖一帶原有駐紮防營并著嚴飭該軍加意扼堵以免竄越毋稍疎虞欽此等因弟初二日午刻由清江起程進出金陵因聞湘省軍火不足與魏午帥商准移借應用准于初九日由甯啓行赴

湘權事關軍務緊要請先轉飭欽遵除另行電奏外特奉聞

(三)粵督岑致護湘撫張電 張筱帥鑒接吳帥電有人自長安來言初一匪據融縣之長安墟初三日據懷遠縣城初五日尚未退出約三千餘人等語匪破長安已派棠字營武匡柳防各營馳往追剿懷遠被踞確否向未有的耗備該縣與湘接壤果被竄踞難保不擾及湘境務飛電嚴飭龍勝古宜各軍探明匪蹤迎頭兜剿並另拔勇隊扼守邊界以免竄越為患古宜龍勝有無防軍現在如何調撥及黃忠浩一軍已否啓程何日可以抵桂乞示復

(四)護湘撫張復粵督岑電 梧州岑督帥鈞鑒洪電謹悉西望焦灼龍勝駐有剛字三旗現已撥一旗赴桂古宜沅江惟有發字一旗兵力甚單又多病卒省垣自黃道一軍拔隊後省防亦單薄異常更無營旗可以增防杜俞一軍向未來湘南奉 電曾派駐道永能否分屬駐防尚須待商衡邊一軍關係湖北緊要黃道本飭往西路駐防所部陸續已西往嗣飭折赴桂林沿途添兵昨已啓行由西督隊赴桂匪情仍乞示

(五)鄂督張致護湘撫張電 張護院司道營務處善後局洪密聞桂林匪警又逼廣東將軍巡撫奏留岑雲帥駐梧慶度岑帥已不赴桂黃忠浩一軍由湘西赴桂取道不免紆曲其由全州至永州大道及當年髮逆由桂出湘熟路最關重要僅有張家鈺一軍駐紮黃沙河一帶兵力既單其軍亦不足以當強敵杜道愈所統江南常備軍後防未知何時永州防務較靖州尤為吃緊鄙衷萬分懸系必須有宿將重兵出境力振其衝方為正辦查劉提督光才膽識過人戎行老練近日廣西匪情尤為熟悉前聞已由廣西回寶慶原籍經督撫奏署大同鎮奉 旨令來京 陛見接尊電云劉六月來長沙此時想已將來省鄙意擬即奏明令其就地速募八營照湖北營制一營分三哨每哨八十四人一營共二百五十二人外加員弁護勇火夫統共二百九十八員名八營共員弁兵夫二千三百八十四員名歸劉提督統領管帶官聽劉

軍事

二百八十九

甲辰

軍 事

二 百 九 十

七 月

選派駐紮湖南道州邊境以便在廣西全州一帶扼要防截相機迎剿總之至桂林省以北為止所有軍械餉項均由鄂省籌撥俟半年後察看湘省沿邊及桂林以北匪徒情形或仍令劉留防或劉自赴晉而留其勇屆時再酌與晉省湘省商明奏辦此時劉提督無論在籍在省在途請尊處用六百里錄電飛咨一面驛遞一面另錄一通專差星夜送往劉爲保衛桑梓起見稍緩赴晉赴都諒無不願此時新自桂回湘部下驍弁精卒尙未潰散成軍甚易務望切實勸駕索其復音尙願任湘省南路邊防鄂中餉械當即日派員解至長沙交劉軍門收用祈速電復

(六)護湘撫張復鄂督張電 張督憲鈞鑒宙元電謹悉劉提督本擬留湘辦防屢與司道籌及因春帥履任在即正擬稟商辦理茲蒙憲諭遵即錄咨并另錄一通專弁迎報仍飛函敦促動之以顧全大局保衛梓鄉當無不允其部下劉游擊世金李守備天仲日前率隊乘舟過湘已電飭岳州截留如到漢乞飭回湘現長安鎮遠縣城相繼失守古宜張嘉鈺一旗頗形危急西防萬緊黃道前本令其往西助防部卒陸續已西發及奉 旨後始趕飭折赴桂林是以黃道亦往西督隊前進而日前軍情似西路靖州一帶較緊于道永黃道中途恐尙須相機策應南路飭張慶雲一軍併陳明

(七)鄂督張致護湘撫張電 張護院宙密真電悉湘西吃緊祇有實力舉行團練一法凡與桂邊連界各州縣務速一律舉辦但必由省籌撥軍械酌給津貼辦團庶有實濟湘省現存幾響毛瑟不少似可酌給第團練用 膛槍亦好此法較募兵已甚節省似宜速圖黃道由西路赴桂係由何州縣入桂境後赴何處望速示

(八)護湘撫張復鄂督張電 張督帥鈞鑒宙密湘邊團練久經飭辦近又派員周歷認真整頓并議由省籌發械款黃道擬由寶慶城步一路入桂境後逕赴桂林茲西防萬急中途恐須援應容隨時電稟武忠營官王者化赴鄂領餉繳軍械請飭速來

藏英戰事紀要

六月初八日東京電英印度總督特將英軍征藏之事在下議院答復議員等之質問曰英政府對於俄政府因欲防止其誤會之慮故特送公文於俄畧言英政府現仍守定一千九百零三年十一月六日印度政廳電文所宣布之政策云云英政府籌畫征藏之事非欲占領西藏或永遠干涉藏事乃專欲匡正其不法也俟一達此目的當立即撤兵云云 且英國在藏舉動有一定界限藏人如何舉動則英以如何對待而不稍逾範圍英政府當不改變向來之政策但若他國不干涉西藏之事則英政府決不併吞西藏或以之爲保護國或干涉其內政之意向 十一日倫敦路透電往西藏之英兵統帶官密唐奴少將已占領高羅辣山徑之西藏人所住之地此戰係在該處冰河一帶 又北京電駐藏大臣電致外務部云達賴喇嘛近日因聞俄軍遠東敗報故其信賴俄國之心亦漸薄并自知藏軍之終不能抵敵英軍頗願議和了結本大臣當乘此機會保護達賴喇嘛而力助之乞知照駐京英使請其轉電本國政府暫行停止英兵前進以便開議和約云 政府據赫稅司函稱現英國決擬進兵拉薩到時如達賴喇嘛及駐藏大臣即出而商議尙易和平了結否則祇得暫踞其地以待達賴乞和云當即電令駐藏大臣力勸照辦 二十五日甘志電英兵根枝一戰計死陸軍大尉戈登一名印兵三人傷陸軍中尉措勃爾陸軍少將不烈斯登陸軍少尉克蘭脫陸軍少尉密起耳印度兵三名英兵二十名 二十六日又電藏兵退至塘子地方適與英兵一隊相遇而戰各有傷亡又云達賴喇嘛使人議和一事仍未提議 二十七日成都電六月中旬英軍逼近拉薩喇嘛並不抗拒二十二日英軍遂入拉薩圍大寺寺有喇嘛七千五百名達賴喇嘛亦在寺內 二十八日香港電進抵拉薩之英軍已於達賴喇嘛之花園安營所有藏官皆已出城達賴喇嘛或已離拉薩或自行隱匿不見皆無確實消息 政府近又得駐藏大臣有護戎急電謂英兵現已深入藏地勢難阻遏而藏人仍復頑梗強強抵抗甚力似此相持不下日久終非了局

軍事

二百九十一

甲辰

軍事

二百九十二

七月

擬請飭強幹大員指示機宜速來西藏購停鎮攝以弭邊釁而固大局 七月初二日香港電英兵直入拉薩合藏震動現達賴喇嘛已派員與英人議和

日俄戰事紀要

蓋平戰

日本第二軍既佔熊岳城俄人遼陽之屏障又撤其一自此北進必更攻取蓋平方可以逼遼陽日軍爲得寸得尺之謀遂於五月二十三日進攻維時俄守備兵千六百人分駐四方臺東北一里之山頭及北方一里之山頭日軍分兵擊走之其本部一隊則驅逐俄軍騎兵自金家甸經小蓋旗達二道河左翼一部則占領崔家屯高地却俄兵於蓋平附近翌日復進逐沙崗臺附近俄軍惟塔子溝至大望海寨東方高地一帶各有俄步騎破兵防守不得前進至激戰之餘俄軍卒不敵盡向東北而退是時俄軍兵數在蓋平附近者約二萬人在海山寨及其附近者約萬二千人西臺以北附之高地並有破兵若干而大石橋附近屯兵亦逐漸增加俄軍據此一帶列陣復由鐵路運兵至海山寨增厚防方以禦日軍日軍偵得之即於二十六日上午五鐘二十分向蓋平附近之俄軍燃礮轟擊至八鐘太平屯高地蔡家屯高地及東雙頂山俄軍皆棄走惟扼守石門及海山寨諸地力抗日軍相持至午後復不能支皆爲日軍奪取並佔據高家屯蓋平遂陷時俄破兵之在紅旗廠腰子嶺石佛寺諸處者猶礮擊日軍追兵至午後三鐘礮聲方息是役也日將小泉少將受傷兵士死者二十四人傷者一百二十九人

細河沿戰

細河沿在太子河左近連山關直北東南距賽馬集西北距遼陽俄軍根據地側面之防禦線也其障地之高約二十邁

當至一百適當可以俯瞰一切壘左有山甚險峻非攀越不得過其右爲楊馬谷路窄難行所設防禦且甚堅固是於地勢之中而又濟以人力焉六月初六日日軍黑木大將這一縱隊進攻午後四鐘俄軍似稍却向北退日軍前哨大隊前進偵稱俄步兵二大隊攔截入會突出奮擊日軍戰殊苦逾時他聯隊來會協攻俄軍至晚俄軍始退然日軍仍戒嚴終夜不撤陣俄軍二次來襲皆擊退之夜半大軍繼至遣砲兵由紅廟子山谷至南方山地自以一軍當敵正面別遣枝隊向俄軍右側更以一小枝隊據守本溪湖老母嶺以爲各軍聲援初七日晨發砲擊俄軍俄以野戰砲三十二尊應戰及九鐘聲稍息是時派往俄軍右側之枝隊已越險前進午後三鐘行抵其地而他縱隊來援之步兵亦同時並至於是日軍主隊復行擊敵砲兵協攻勢殊劇烈惟俄步兵抵抗甚力故日軍不能長驅直入旋派往俄軍右側之枝隊及來援之步隊肉薄而進迫其背側於是俄軍右翼亦與勁敵相持五鐘三十分細河沿陣地卒爲日軍主隊攻入而攻擊俄軍右翼之兵復邀擊其敗兵俄軍益不能支至八鐘餘細河沿附近一帶之地已全爲日軍有矣是役也俄軍之與戰者步兵第三十四聯隊之四大隊第三十六聯隊之三大隊哥薩克兵一聯隊野戰砲三十二尊戰後潰敗逃往安平其餘一部則向北方而去所失戰品計彈藥車三輛槍三百桿他物無算皆爲日軍所得死屍爲日軍所埋者一百三十一具攜歸及受傷者約千人以上並傷及聯隊長一人日軍死者七十二人內將校二人傷者四百五十二人內將校十六人

大石橋戰

六月十一日日軍第二軍由蓋平取道華耳山與俄兵交綏得勝遂佔據柳家溝至五臺山一帶之地翌日黎明復進攻其重要陣地是時俄軍所駐之處頗占優勢太平嶺附近及牛心山青石山一帶地勢高聳足扼日軍進攻之路且設防甚固濠壘環列旁擊破眼上覆圓頂四圍植立鹿角並設地雷鐵網營寨之外尤有翼蔽使敵軍無可窺其虛實而敵軍

軍事

二百九十四

七月

舉動則皆爲所瞭見以故日軍進攻殊無長策雖有礮兵掩護步兵屢移陣地大肆攻擊然卒限於地勢無可奏效惟右翼統將志在必勝不顧損害揮令全隊前進於是皆冒礮火突前攻擊因地勢不便不得奪佔要隘之一同時右翼一枝隊鼓勇直入俄營亦因防護過堅寡不敵衆終被擊退時既日落兩軍停戰而俄礮兵司巡哨者猶時搜索日軍所在以圖攻擊直至九鐘方止時日軍右翼統將以夜攻之策進與大將然之遂傳令各兵速行預備至十鐘率領前進衝突甚猛太平嶺附近俄營爲日所佔並據其第一礮臺兵士傷亡甚多然不顧損害復攻克其第二礮臺其餘小隊續佔山西頭高地及其附近之處時正夜半三鐘也天明臥龍崗左右日軍發礮擊敵規知俄軍勇猛較遜前日乃即立時前進佔據青石山左翼日軍既開右翼獲勝亦鼓勇前進佔據牛心山其騎兵則掩護其側背以故俄軍騎礮兩兵爲之辟易至是俄軍陣地盡失遂統全部退往大石橋又有一部則向海城而退方其退却之際日軍發礮擊其殿軍及至大石橋又遣各縱隊進擊俄軍遁去遂佔領大石橋及其附近一帶之地此次預戰俄兵係第一第二第九第三十五各師團及西伯利亞預備兵一師團礮一百二十尊陸軍大將苦魯巴金親臨指揮與薩喀羅夫中將坎特雷維茨少將皆受重傷軍士死傷者二千餘人日軍死傷之數約八百人是役也俄軍之爲日軍追擊頗極狼狽後至青石山左近猶冀與日軍決戰然至夜半又忽退却蓋因日軍右翼強襲俄軍左翼業已失敗故也是日營口俄官聞大石橋受攻甚急立率兵奔往援然卒無效各官遂分路逃避至下午四鐘同爲日軍所佔據云

折木城戰

距大石橋東南有名折木城者俄軍之所防守也與大將得大石橋後遂以迅雷疾風之勢分兵攻奪之當時俄軍布列之處由缸窰嶺以北之高地經長山圩延綿至三角山以東之高地所築防堵各物堅固異常六月十八日日軍主隊佔

據大房身以西之高地直至下八分溝以北之高地一帶左翼一軍佔據唐家堡子以南之高地至永樂山西南之高地一帶十九日黎明發砲擊俄軍俄軍還擊相持至下午三鐘卒遂退之於北方是日日軍主隊攻擊太平嶺西面高地之俄軍亦於上午十鐘將其擊退卒以長山圩及小房身東面高地之俄軍砲擊日軍甚猛故為其所阻不得再進下午五鐘俄兵逐漸增加將有反攻日軍之勢日步兵及砲兵極力抵禦俄軍大挫然砲火之猛仍不少減故日軍仍不得前未幾日落兩軍停戰是夜彼此相距甚近日軍左翼兵士乘夜抄至其後設疑兵誤之俄軍驚駭遂向海城而去是役也俄軍有堅固砲臺乃竭數月之力築成者且所用皆係快砲故日軍砲兵大為所困其臨前敵者步兵兩師團砲兵七隊俄將阿勒克雪夫統之與遠東總督姓名相類傷亡之數殆在二千以上遺屍七百具為日俘者三十三人所失戰品野戰砲六尊麵粉八百九十石麥五百石此外槍砲彈藥器具等甚多日軍陣亡者將校八人兵一百八十六人受傷者將校二十四人兵六百四十二人

榆樹林揚子嶺戰

日本黑木大將佔領細河沿後其前面防禦之俄軍日漸增加將有反攻日軍之勢於是日軍不得不先發制人乘其準備未成而急擊之六月十九日拂曉以右縱隊進攻榆樹林以左縱隊進攻揚子嶺更由左縱隊中派遣枝隊迫榆樹林右側背面以為右縱隊聲援顧此兩地峻巖深谷複雜交錯行軍頗極困難俄人則利用其地勢各依絕壁安設砲壘且於扼要之地徧築寨堡藉以翼蔽全營遙擊日軍陣地使之進可以戰退可以守日軍右縱隊之右翼隊既與俄軍前鋒搏戰即於午前八鐘五十分佔據其陣地午後前進至榆樹林西方高地以待左翼來會俄軍逆擊數次皆擊退之時右縱隊之左翼隊行抵徧嶺遇俄砲兵二聯隊亦為日軍所敗左縱隊中所派之援兵一枝隊於午前一鐘由下馬塘起程

軍事

二百九十五

甲辰

八鐘途遇俄步兵一大隊擊退之追擊至偏嶺適俄軍之自信嶺敗退者絡繹而來行經其側即猛攻之俄軍損害甚大遂全部潰走午後復進攻檜樹林附近俄軍之右翼卒因地勢險阻未能奏效相持至次晨俄軍漸次退却日軍右翼隊乃直前追擊其左縱隊之一部亦於是日午前三鐘三十分擊退塔灣東方高地之俄步兵二中隊而即佔領其地其他各部亦均有所得惟破兵團則因路工未竣阻不得前且是處地勢險峻非冒險前進別無他路可入乃卒於十一鐘行抵俄軍陣地另有二中隊已於天未明時占領金家堡子附近之陣地其左翼主隊亦於是日黎明攻擊麥棉開其分遣之團隊因欲繞行俄軍右側背面故更為數縱隊不避險惡由間道進是時揚子嶺及附近高地有俄破兵四中隊向日步兵轟擊而日軍左翼破兵因地偏仄僅用破位二十應戰且相距太遠未能悉中故日軍之攻其正面者至正午仍無進步而統行俄軍之隊跋涉山谷困苦異常午前十一鐘始得達其預定之高地午後兩鐘右翼隊所屬破兵破擊塔灣及其北方之地而以步騎兵一隊前進偵探塔灣西北約三千邁當之高地有俄兵潛伏突向日軍破兵猛擊自是左右兩翼復起激烈之戰午後四鐘日軍右翼步兵從塔灣附近左翼步兵從麥棉開附近均冒敵前進逼近揚子嶺於是兩軍互以槍擊惟日軍步兵難以破兵掩護而進然因地勢太險究多阻礙加以俄軍抵死相抗故至日落時仍未全奪俄軍陣地至晚停戰天明復戰持至午前七鐘數十分俄軍遂棄揚子嶺及附近一帶之高地而走是役也俄軍之在檜樹林者步兵第九師團之一旅團及第三十一第三十五師團之破兵四中隊第十軍團長古耳青斯克統之其揚子嶺者狙擊第三第六師團之全部隊伍步兵第九師團之一旅團及破兵四中隊西伯利亞軍團長開拉統之敗後被俘者將校八員兵一百四十九人傷亡者二千餘人日軍傷亡者將校四十員兵九百零六人

旅 順 戰

第十二次 旅順自五月初十日一役以後日俄戰事之息約逾一月嗣於六月十二日及十四日連戰於鮮生角龍王廟廟皆小戰不足述此外陸戰數次各水師營羊皮山徐家店諸處大率攻奪俄軍之砲臺亦有未可殫述者至六月二十九日兩軍戰艦又劇戰於港外先是二十四日日艦滅魚雷艇兩艘至港口偵察忽俄艦十一艘猛駛而前攻擊日軍意圖竄逸卒爲日軍所敗不果逸至是復以水雷艇隊之半及戰艦六艘巡洋艦四艘衝尾而出意將衝過日軍艦隊逕往海參威午前六鐘甫離旅順俄艦卑耶誤觸水雷即復退回港內而餘艦仍前駛十一鐘至離旅順二十英里之處即遇日軍聯合艦隊彼此相戰約歷一鐘三十分日艦注意俄提督坐艦環聚攻擊故餘艦得以乘間逃逸其察利肥次一艘方至山東海岸忽爲日艦追及再相接戰至五鐘半忽一砲彈至船橋炸裂海軍大將維脫知夫全身不見僅餘一腿其餘死者二人傷者數人旋即盡力駛行向青島而遁此外勒斯起及納逃往煙臺娜伊克逃入膠州灣格羅蘇福意及奧斯科爾兩艘逃至吳淞江餘均遁回旅順先是海參威俄將電告旅順艦隊以旅順一隅陷在旦夕宜當乘間出口相約在朝鮮海峽會聚聯爲一氣日本艦隊偵得之迎頭攔擊故有此役然俄軍已船燬師喪狼狽不堪矣此次日軍死六十九人傷一百五十九人

俄國防務

陸防類誌 俄兵於南門外二里餘之渾河經營防禦不遺餘力沿鐵路一帶十英里及通遼陽大路十英里掘穴頗多形如井字深約五尺掘成四五日後又復填塞掩埋地雷穴之近旁曾設高三尺之鐵網以防騎兵 六月初十日烟臺函旅順各座砲臺外俄兵添築抗壘二十座有深及六七丈者並於距外港十四啓羅邁當之處築有抗壘彼此相距約一啓羅邁當二分之一東隅鷄冠山砲臺西南北三面皆布鐵網築有長壕埋有地雷山上羅列十二寸口徑巨砲數十

軍事

二百九十七

甲辰

專 事

二百九十八

七月

尊查該處為旅順最要之地此地若為日軍占領即可在此瞰制旅順全部其次即為水師營南鞍子山及椅子山兩處亦備有口徑十二寸巨炮數十尊由松樹山至鞍子山椅子山之間皆有鐵條網深濠環繞防禦亦頗嚴密 十二日錦州電俄人現在鐵嶺迤南十二里之毛山修築炮壘十四處壘前仍復掘濠塹列木柵設鐵網為負固計並於該地西南之馬蜂溝亦設炮穿濠預備退守 又電海城俄兵現在該地東山炮臺前面掘濠數處長短交錯深五尺寬一丈長二里許引流著水中設木柵以鐵網又城外周圍二里之間掘濠塹寬一丈深六尺海城至營口間之原野亦鑿濠十餘處三五錯綜列柵設網一如東山佈置 奉天俄兵深恐奉省南方兩家山地方後路為日軍所斷特派兵三千前往防守 十五日馬關兩俄人於旅順背而所設防禦工事尚稱完備所布鐵網可容四列之軍並設流電以測日軍遠近又於某處開鑿塹壕築堰積水擬俟日軍進至近處即將積水決放以礙日軍進路 海城俄軍近在城西約四五里之五八山子地方鑿一塹壕長五里許並由壕之東向迄整舖莊一帶之地建築小礮臺二十四座建法頗巧炮身不露現皆駐兵嚴備 七月初二日倫敦露透電隨黑木大將之露透電訪事於七月初一電稱俄軍於遼陽前面各事皆顯有備戰情形並於遼陽前面新築防禦數處

轉運類誌 聞俄海軍隊之最大鑿冰艦名愛爾馬克者近在克郎司達接有海軍部命令準備一切駛往遠東該艦此行因波羅的艦隊駛往遠東時須在西十月內而沿海各口行將冰凍是以波羅的艦隊須用此鑿冰艦也按該鑿水艦係已故旅順水師提督馬加維甫所製俄海軍中人莫不視為利器云 俄黑海兵艦東來之柴拿木維池其載重一千二百二十四噸速力一點鐘行三十半海里中有大炮十尊一千八百九十一年在泥殼蘭甫地下水屬於俄黑海艦隊 聖彼得堡電現有俄國穿山炮隊四隊攜有快炮多尊已由西排司刀包耳起程前往遠東 六月二十日倫敦露透

電俄水雷驅逐艦兩艘又大汽船兩艘皆懸俄國戰旗於昨日過丹國洋面之格例特貝爾特向北而去 二十日倫敦電俄國新造之巡洋艦端及烏拉爾皆已由波羅的海開向紅海 二十三日倫敦電有俄國巡洋艦四艘水雷艇四艘已由古郎斯他德開往遠東 二十四日錦州電俄軍在鞍山站所存之糧食子藥等物由俄帥苦魯巴金飭令以車輛運往遼陽

日本防務

海防類誌 六月十九日香港電得俄京消息謂有日本鐵甲巡艦六艘在海參崴口外埋伏此必日本上村中將所統艦隊也

陸防類誌 六月二十五日錦州電日軍近日輸運糧食子藥以入營口故日夕防備甚嚴以防不測凡有行跡可疑之船隻皆一律禁止並於六月二十三日起在此設一檢稿所查檢由營口所發各項電報

轉運類誌 六月十七日東京電近有日本運兵船七八艘載有巨炮甚多從佐世保開行展輪北駛 又烟臺電日本陸續運兵前往戰地其在大孤山上陸者最多又有從鴨綠江口及花園溝等處上陸者

戰事雜記

參謀長大山岩兒玉源太郎既受遼東總指揮官之職已於五月二十三日由東京啓程茲接遼東某聯隊長電知總指揮官已在遼東半島登岸即擬駐紮金州以便指揮各軍為進逼旅順之計 六月初二日錦州電俄人在興京界內拿獲日諜三人送瀋陽俄官一再究其軍之虛實行動而日諜不答俄官遂飭令暫行禁錮 滿洲各地馬賊之勢力日盛一日於東清鐵道附近尤甚俄軍雖傾全力以防之馬賊忽散忽聚疲於奔命阿力喀塞克夫曾發嚴厲告示責成居民

保護鐵道居民因此生長相率他徙阿無如何乃於五月十四日復發一示畧謂汝等若聞馬賊蹤跡速報於附近之俄軍佐捕之如是則汝等即可告無罪而吾亦無所用其懲罰則吾將使吾軍悉力保護汝等云 聖彼得堡以五月三十一日發一勅令以波羅的克海岸之來維亞蘇維波克里被瓦三要港及波羅的海軍悉為克命斯坦軍港司令官之所管轄其司令官改稱波羅的克海之防禦艦隊司令長官以謀管轄之統一焉 初四日東京電布哈拉國王現捐助一百萬羅布為俄海軍擴張費 日皇致電於第二師團大加稱賞因該師團前在摩天嶺能奮勇擊敵故也 初十日烟臺電俄人現在烟臺東南五英里之處山上豎立無線電桿已將竣工所豎電桿離地約一百三十尺之高距海則有三百尺現役工人五十人及在該山麓建造房屋一所安設電機 十八日又電烟臺日本領事報告云據得營口軍政委員高山少佐電報言除於軍事有要務之人及向在營口有確實職業住處之人外餘均不准前往 日人在牛莊設立民政廳由高山少佐主持政事 日本東京帝國大學校被火查係俄諜所縱已於五月十一日捕獲該諜直認不諱謂縱火於機器畫圖學堂因欲乘間偷取製造魚雷及兵艦等秘稿也 日軍入營口後即出示嚴緝向充俄諜之華人 二十五日烟臺電俄督阿力喀塞克夫因旅順勢將陷落南滿洲兵事無可挽回故欲振作北方兵勢以逼日軍北進之計乃乘間逃出旅順意欲遁回哈爾濱指揮陸軍如苦魯巴金傷痊則俄督尙擬退駐海參威保守遠東第二軍港為恢復海軍之策 日本人兩名偽裝旅行之德國廚房中大服布加利亞衣服於五月十四日行抵那哇為俄人所執並搜出波羅的海沿岸地圖及測量器具被執之日人皆已供認不諱已將此兩人送往俄京矣 七月初一日錦州電俄國在鐵嶺所設糧臺於六月二十四夜有馬賊三千餘分兩路往襲守兵已睡倉卒間疑為日兵來襲軍心皇亂自相殘殺俄兵損失六百餘名馬賊遂奪取俄人所儲糧餉軍械其有不能攜帶者則放火焚燒俄人之被困於馬賊者當以

是役爲最鉅 俄政府由奧斯堡公司向阿根廷國購得巡洋艦兩艘一名納興一名克蘇茹現已抵海參威歸入海參崴艦隊由司克列多夫大將統率 自日俄戰後至四月十七日止日本各船行之向外國所租之船如下日本郵船會社共租船二十一艘合計載重六萬噸大阪商船會社共租船十九艘合計載重三萬四千噸三井物產會社共租船九艘載重一萬六千噸北海道炭坑會社共租船四艘合計載重一萬三千噸其餘各船行共租船二十四艘合計載重四萬三千噸以上合計共租船七十艘載重十六萬六千噸 日本軍艦製自英國及本國者爲多亦有製自他國者其派別如下戰艦朝日三笠敷島富士皆英國造其他尙多尙有大戰艦二艘在英定製將次竣工巡艦八雲德國造吾妻法國造其最長笠置千歲皆美國造春日日進皆阿根廷造嚴島松島皆日本造此外尙有多艘凡重量不逾五千噸者日本皆能自製即大戰艦亦能自製然不及英製之捷蓋英國如遇戰務緊急時每二年可製成大戰艦一百艘云

中國中立彙誌

駐京俄使屢以馬賊毀壞鐵道爲出於日本嗾使詰問外務部外務部對以決無此事馬賊之跳梁由貴國屢屢招撫而發成其勢力貴國當任其責云云俄使亦無如何 六月十七日煙臺電有一華船欲以牛肉雞蛋嚴密運往旅順現爲本地稅關查出扣留 馬玉崑軍門近已統率所部駐紮八溝地方其朝陽平泉松嶺子新臺梨樹溝等處則分兵駐守 俄使前以我國但禁牛莊米豆而於天津米豆運往日本則不之禁殊爲不公現已由外務部電請直督袁宮保辦理 日俄兩國以中國未能確守中立屢任戰國人探買戰時禁物遂各遣偵探隊至中立地方互相緝捕 有某輪船載運電器機具駛抵煙臺據云俄人欲在附近設立電桿安設電燈等事爲其官署夏季納涼之用該處海關查係戰時禁物即將該機器扣留充公 當日軍未攻大石橋俄軍未退出牛莊之先外務部恐俄軍敗退闖入中立界內故電飭駐

俄胡星使轉致俄廷旋得胡星使覆電云俄外部已允禁止兵隊侵入中立界內 奉天府尹廷京兆因俄國近在滿洲之舉動實有犯中立條規當電告政府云東三省自日俄開戰以來黎民震驚失散現雖由直督派員赴榆關一帶極力招撫而俄人每遇潰散之際所過之處無論官署民房悉肆焚毀難民欲逃歸故鄉亦大都無容身之地因此甚為困苦俄人此種舉動實係違背中立條規刻下馬軍門之練軍憤俄軍背約軍勢洶洶頗有與之開釁之意或將釀成巨患亦不可測故請政府速與俄使理論速令俄人勿違中國局外中立之例 俄軍派人借華人王熙榮至庫倫買牛八百頭並設法募人為兵事為日人訶知執王殺之並捕執俄人而去俄使照會外務部請向日人索回並責日人之破壞中立旋得日使復文云此係俄人先破中立日人不得已祇得前往捉捕非先破中立也且俄人暗結蒙古王公率多受其煽惑此尤破壞中立之大者何得反以責我 昌圖府屬康平縣前有拘繫之蒙匪由日人新招蒙古馬賊強行索去增將軍電告政府請向日使飭禁抑或逕與黑木大將面商禁止 日人在庫倫熱河拿獲採買禁物之俄人數名當由政府電飭駐日楊星使商請日本外部轉飭日軍將所獲俄人解交華官辦理日本外部謂須俟陸軍省議覆後方能定奪 二十三日北京電俄使請於中國外務部云滿洲臣民近來徧布深怨俄國之檄文有不靖之舉動足以擾害俄軍請速發訓諭以警戒各該地方官云 二十五日煙臺電近日海關盤查出口船隻甚嚴以防奸商運載戰時禁品出口接濟有礙中立 日本捕獲中國西平輪船於六月二十六日在審檢所開釋一切貨物之除戰事禁制品外餘皆交還貨主北平輪船亦於七月初一日釋放 七月初一日夕俄國驅逐艦勒斯起及納目旅順逸圍遁至煙臺為日本驅逐艦潮汐所捕與以出港時我國海軍統領薩軍門鎮冰方駐艦於此力阻不聽駐華俄使奉有政府訓條謂中國如任日本破壞中立即係中國自願必敗他國效尤之漸又謂薩軍門懦弱無能或係有意侮弄須由中國償還並須治以應得之罪

云云政府向日本索取勒斯起及納日使謂該艦載煤將遺故特拘捕不能交還且俄人曾在煙臺設立無線電報先係破壞中立何獨責我云云德法兩使以中日兩國均遠公例頗有違言英美兩使允為調停而陸軍門則已照溺職例革職 初二日有俄滅魚雷艇格羅蘇福意自旅順負傷來滬傷痕有七翌日又有巡洋艦奧斯科亦自旅順至已受重傷煙囪一枝若已被擊斷者皆就浦東船廠修理駐滬日本領事聞之馳牘江海關道請嚴詰俄官限時答覆又謂此乃戰敗軍入局外中立之港與春間俄艦滿洲戰前在滬者不同不得徒以起卸軍械了事關道因告駐滬俄總領事令其轉告格羅蘇福意艦長於二十四鐘內退出或起存軍械俄總領事允照第二條辦理而日本總領事不允惟言二艦或作兩樣辦法因奧斯科傷處甚多顯係戰敗脫逃決不能依滿洲例關道旋照會俄總領事詢俄艦來意是否來購食物抑係修理初三日俄總領事覆稱此實未犯中立國公法關道乃復據公法詳為駁辦而俄總領事實欲修竣出口又請派關員會同俄官往驗艦傷許其修繕如欲稽察其不作犯禁之事亦可惟旋泊在滬亦須中國擔其責任嗣由海關稅司皆俄總領事赴艦查驗遂將艦傷函覆關道續聞俄總領事又有照會謂格羅蘇福意雖屬受傷不必入廠但須就船修理中國如不肯公法俄國亦可遵守公法辦理並請設法不使再有如日人在煙臺捕獲勒斯起及納之事云而日本總領事所擬辦法有二一限令立刻出口一起卸軍械機器不准修理即拘留於口內一定之地以戰事結局為止並謂中國如不能自保中立則當電達日本政府派艦來滬自行入港捕捉駐滬各領事及海關稅司均擬出而調停至外務部之意以為俄艦略加修葺而後出口尙合公法但限期不可過久竣工之後如逾二十四鐘延不出口仍當起卸軍械並取其艦員不預戰事供狀當即電飭關道照辦初八日駐滬日總領事移牘關道謂俄滅魚雷艇格羅蘇福意到滬六日藉辭久留中國明知該艦無意修理任其自便均屬有背中立關道乃照會駐滬俄總領事請將修理格羅蘇福意

軍 事

三 百 三

甲 辰

及巡洋艦奧斯科期限見覆旋得覆文謂期限不能預定翌日飭稅司赴船廠查勘修理情形始知兩艦入廠欲將傷處一一修竣關道因即駁覆謂昨奉外務部電准俄照會訂定五日期限倘再延緩惟有收存軍械拆卸機器人船悉歸中國管理保護及初十日而兩艦修理如故關道因照會俄總領事謂既不遵照辦法倘有他人亦復似此行事使口內俄艦出有事變或牽動別項一切受損之處均係俄國責任與中國無涉俄總領事得此照會惟以電請俄使與中國政府交涉等情照覆而日使照會外務部謂中國如不令俄艦遵照期限修竣出口及起卸軍器辦法則日本當自行辦理至十四日關道忽接俄總領事照會謂俄皇諭將兩艦軍械拆卸即於十四日晚七鐘下旗惟應修之處仍須續修請照會稅司會商詳細辦法兩艦弁兵以一分遣送回國自下旗撤退護兵日起一切應歸中國政府設法保護看管至拆卸之詳細辦法一俟奉到政府訓條即可辦結惟日總領事之意以為既允拆卸萬難續修弁兵移居岸上亦無遣送回國辦法擬援德人處置俄艦逃至青島之例請關道切實駁覆而日廷派來吳淞探察此事之艦隊司令官瓜生外吉所統艦新高三艘得有俄艦允准拆卸消息即繕具應行拆卸各件之清單交由日總領事轉致關道會同稅司照單驗起江督已飭福山鎮總兵徐軍門督率策電兩琛鏡請三兵船照料俄艦拆卸事宜業由關道商准稅司訂期十九日統行起卸運至製造局之日字月字光字各棧與齊存設在兩湖軍械之庫附近妥為安頓屆日由水巡捕頭及新關官員等監守將兩艦要件起卸至二十日尙未卸畢先將軍械裝箱運局存儲其奧斯科艦極重之軍械須俟修竣出塢方能運出嗣經日本領事照會關道請飭停修以符條規並奉外務部電諭准日使照會飭即照會英領事請飭耶松船廠迅速停工該艦遂於二十日停修至其出塢日期因近日潮小不能下水約須俟至八月初云

各國中立彙誌

六月初五日柏林電德國郵船名潑林司亨利者行至紅海時爲俄國巡艦司木藍司克阻止後將寄往日本郵袋搜去旋德外務省向俄京詰責各報亦以嚴詞痛斥俄國謂其違背國際公法形同侵佔嗣經俄國承認歸還信袋及賠款之事並將其船釋放 駐滬日本總領事小田切照會駐滬各國總領事聲稱接奉東京外務省來文內開日本政府業已決定以後所有中立國船隻及中外人等皆准其一律往牛莊惟不得運帶戰時禁品與俄軍或俄國百姓云 俄艦懸掛商旗出達且納爾海峽留阻英輪數艘英即派戰艦十八艘至亞力山大並照會俄政府意謂英國不特力拒俄國義勇艦捕捉英船且不許盤查船牌槍單云 十三日倫敦電俄京露透訪事電稱英商船一艘名阿多哇乃於五月初二日由紐約開往小呂宋及日本者亦於紅海爲俄義勇艦所捕但俄國外務省大臣拉斯道夫爲此事照會駐俄英使聲明義勇之捕阿多哇係尚未接到新訓令所致故也 又英國商船名尼愛特克姆曼打於六月十二日在橫濱港外爲俄國海參威艦隊擊沈英外務部藍斯唐及上議院諸議紳皆痛責俄國違背國際公法向俄國要求釋其船員又令俄國出令禁止以後不得再有此舉旋經海參威捕拿物裁判所判斷此案謂其船貨例應捕拿因其中有由日本運往濟物浦之鐵路材料也英外務大臣於上議院宣言不認此事且謂俄人此等舉動有損英國商務無論其事如何兩國政府皆當研究一法以了此案 十七日香港電俄國已與各國公使商辦紅海諸案以便公斷了結 二十一日柏林電俄國近日請德國准其開往戰地之波羅的海艦隊由凱沙章廉運河經過德國以業經宣明中立却之 又倫敦露透電英外務省書記官培爾西於下議院宣言英國以俄國將食料列入戰時禁品之單內已向其詰責 又柏林電美洲轉運公司皆不願裝載貨物赴戰界之內故有請運者皆却之 二十三日倫敦露透電美國爲俄人捕拿商船之事照會他國政府及俄政府聲明非裝濟戰國海陸軍之糧食終不能視爲戰時禁品而美國始終不離此主義云 二十九

日倫敦路透電君士坦丁有電至德京聲稱土耳其政府已允俄國義勇艦隊由達旦納爾海峽經過惟聲明不得冒掛商旗潛行駛過該海峽云 又柏林電戰時違禁各物於糧食等類須逐件查明再由船中人自作見證申明非載往交戰國者方准出口 俄國現欲將煤斤一物載入戰事禁制品中向英美兩國商議均不允其請 七月初二日香港電據英京所接俄京消息內開俄國政府特簡大員數人由國際公法主義內查察義勇艦隊之所為

各國軍事紀要

韓國 韓政府已聘定日本陸軍中佐野津鎮武為軍部顧問官其約如下 日本政府允許韓政府聘用日本陸軍中佐野津鎮武為韓國軍部顧問官二待遇該顧問官應照高等之禮三該顧問官應軍事上之諮詢及奏陳意見四月俸致送日銀五百圓五若不備官邸則月送官邸及器具費一百圓六五年為限 六月十二日東京電韓國京城現已施行軍事警察制度命解散將來釀事之保安會又捕縛不逞之徒

俄國 駐俄胡星使來電言俄國內部大臣石丕理甫輕信阿列喀塞克夫之言以開戰端俄人銜恨謀為反對內亂將作云 六月十八日香港電倫敦得聖彼得堡電現在芬蘭海爾新福地方又有亂事因有著名芬民數人被俄政府以之充軍芬民不服故叛 六月十九日柏林電聖彼得堡亂黨聚集甚多現俄皇正在出示禁止 俄國芬蘭首都自哈魯星革弗魯士氏刺斃芬蘭總督柏佈尼哥以來亂事紛起近又有所謂瑞典改革黨者聯絡多人擁入總督署殺戮故督屬下十八人如阿脫米拉賓孔之子亦在其內警察署亦盡被擄毀此外尚有亂耗因俄官嚴禁洩漏故外間不得而知云 俄政府於其內地各州大施壓制革命黨之政策兵士民人遂為至猛烈之格鬥革命黨之被捕而審判而處刑者甚多僅以瓦爾森及莫斯科兩府言之被捕者六百人乃合二十人為一團而槍斃之 又俄國有私印報紙分送各

處工人以散佈亂種者警察兵因此訪查極嚴如雪立可夫拖羅司托夫拖拉聖彼得堡等處有多人已被拘獲有片爾末可夫即前殺害俄相雪皮琴者現其母及妹均自行報首以冀遮蓋留施鴿姆槐加夫人之逆跡因其家中曾搜出殺人信據故也

英國 英國海軍水師艦隊近由勃勒司福特頒發新律每日七鐘半至八鐘互相操練其司令官由各船按日輪充便人人練習為將之道不至臨時無主復令各艦在黑暗中往來操練艦中兵士以六箇月為一輪換一次 六月二十六日香港電英屬婆羅州之克爾灣土人叛亂已於夜間攻擊仄西爾頓及派派兩處中間之居留地計被殺者二十人傷者無算 七月初三日倫敦電英陸軍省書記官阿娜爾福斯他改革兵制之策欲革除之軍共十四處並防軍五大隊當兵期限長期九年短期兩年炮兵隊每隊裁炮六尊至四尊減兵六十名阿爾打瑣特祗留兵一萬五千名義勇兵則減至十八萬名以上可節省英金二兆磅云

土耳其 倫敦電土國屬地奧爾班尼亞大亂歐洲為之震動亂黨與土兵相戰數次奧發偵探四處播謠請布加利亞各國會同彼等反對土國恐亂事四起以致土保所議之約終歸無用又恐將為大亂以反對土國之霸略也

荷蘭 南洋蘇門答臘北方愛欽地方與荷蘭有戰事五月初七日荷兵往攻立克脫族人是役立脫族人死四百三十二人中有婦人二百八十一人幼孩八十八人傷者五十四人被虜者十七人荷人計死司令官阿爾格脫一人武弁二人兵士十三人至五月初十日荷人復往攻辣刺排司族人是役辣刺排司族人共死六百五十四人其中婦人一百八十六人幼孩一百三十人受傷四十九人被虜二十八人荷人受傷武弁一人兵士二十二二人軍役六人

德國 六月初十日柏林電德國商船數艘滿載援兵定於七月開往非洲西南德國屬地 二十六日柏林電德陸軍

軍 事

三百八

七月

少佐革來司那已於非洲西南境奧克哈尼地方將希拉羅斯叛黨擊退德軍是役陣亡者三十二人陸軍中佐都爾於附近奧甘支拉地方亦與叛黨大隊相戰八小時該叛黨有來福槍三千枝先由都爾中佐擊退兩陣繼由德軍擊入大隊全數擊散是役德軍陣亡者計兵官兩員騎兵兩名受傷者甚衆

法國 聞法議院議論海軍事時議員洛克羅當大以海軍大臣伯蘭登所行政策爲不然惟伯君則仍持前議首相克姆勃斯贊成之現議院已決議一切海軍中章程將另行組織云

美國 泰西諸國目擊日本逐水雷艦與俄慶戰迭著奇功無不欽佩不置美國海軍部意欲師其成法大將軍制更新交下議院計議咸謂逐水雷艦海戰時必不可無因擬製造一等戰艦一艘鐵甲巡艦二艘司誇之式巡艦三艘巡洋快艦二艘并用新法製造潛行海底水雷艇五艘及上之上議院則謂尙須添製逐水雷艦若干艘及戰艦一艘其海軍人員之列名議院者亦以爲今後宜實力講求戰務製造軍艦俾大張海上威權云

外交

敬告中國外交家 錄七月初六日大公報

或曰。今之世界。一兵力戰爭之時代也。奪地攻城。水陸震撼。槍林彈雨。血肉紛飛。若者兵力強而存。若者兵力弱而亡。其事實相望於史冊。或又曰。今之世界。一商業爭戰之時代也。勢力雄而國權可振。資本厚而大利可收。若者商業盛而強。若者商業衰而弱。其事實昭著於環球。故今世之人。不震懾於兵戰之險危。即震懾於商戰之劇烈。吾以爲。兵戰商戰俱不足論。今之世界。實一外交家心機戰爭之時代也。何則。兵力之戰爭。係爲外交家心機戰爭之後援。商業之戰爭。必賴外交家心機戰爭之調護。今之歐美各強國。其稱雄於大地。無不得力於此。我中國向來最短於外交才。最拙於外交術。故著著皆敗。屢來外界之欺凌。今日既爲外交家心機戰爭之時代。我中國之外交家。亦不可不留意焉。茲有敬爲中國之外交家告者二事。略陳如左。

一宜明天下之大勢。我中國之辦外交者。目光甚短。但知目前。不能洞悉世界全局。須知今之天下。將有大一統之象。無處不互有關係。精於外交者。凡世界各國之一動一靜。無不

隨時注目。以潛窺其用意。而況我中國國氣不振。謀我者甚多。我中國之外交家。尤當鼓動其全副精神。以觀察於無形之地。某國強其影響於我國者。若何某國弱其影響於我國者。若何某與某戰。其影響於我國者。若何某與某和。其影響於我國者。若何某與某仇。其影響於我國者。若何某與某盟。其影響於我國者。若何某與某不盟。其影響於我國者。若何某與某皆當一一研究。事事揣摩。無事則見微知著。成竹在胸。有事則用剛用柔。措施悉當。外國之名外交家。無不如是者。試問我中國之辦外交者。能如是乎。我中國之辦外交者。當未起交涉時。則安居無慮。惟盼外人之無所要求。一旦交涉起。則亦惟按外人之所來之照會。設法對付。但就事以論事。至外人懷有何等深心。則非所計也。噫。處此外交家。心機爭勝之時代。中國之外交家。而竟如是。宜其為外人所玩視也。

一宜識破各國對中國之方針。為強國之外交家。易為弱國之外交家。難為治國之外交家。易為亂國之外交家。難於中國既弱且亂。其外交之難。勢亦不能不為辦外交者原焉。然惟其難也。故愈當出其特別之手段。以因應於其間。試問我中國之外交家。其知所以辦外交之手段乎。大率毫無意識。不能審察於其微。外人於表面上。與我親近也。則以為真與我親近。舉一切權而隱為其所奪。且茫然不知外人於私交上。予我便利也。則箇人得沾其

利。遂。舉。國。家。公。共。之。利。權。暗。為。其。謀。去。而。茫。然。不。知。出。一。交。涉。也。文。牘。中。示。人。以。可。乘。之。隙。而。茫。然。不。知。訂。一。條。約。也。詞。意。間。予。人。以。無。上。之。權。而。茫。然。不。知。噫。中。國。現。在。之。情。勢。即。以。極。精。明。強。幹。之。外。交。家。當。此。外。交。之。重。任。尙。恐。偶。爾。疏。忽。或。為。外。人。所。乘。乃。今。之。辦。外。交。者。竟。無。特。別。之。手。段。反。且。不。免。為。外。人。所。玩。弄。言。念。及。此。令。人。浩。歎。須。知。今。日。外。人。之。對。於。我。中。國。皆。各。有。一。定。之。方。針。而。其。所。以。謀。我。之。法。則。各。有。不。同。或。利。用。剛。或。利。用。柔。或。利。用。明。或。利。用。暗。皆。各。求。達。其。目。的。而。後。已。我。中。國。之。辦。外。交。者。平。日。宜。熟。察。各。國。之。性。質。預。先。識。破。其。對。我。之。方。針。以。為。抵。制。之。策。勿。為。猛。威。所。動。勿。為。甘。言。所。愚。表。面。上。不。能。不。敦。睦。誼。而。遇。事。則。萬。不。宜。遷。就。致。失。國。權。今。日。日。俄。構。峙。於。中。國。有。直。接。之。關。係。於。其。他。各。國。有。間。接。之。關。係。而。各。國。復。因。此。戰。於。中。國。有。直。接。之。關。係。何。則。日。俄。戰。事。之。結。果。中。國。必。不。能。仍。援。局。外。中。立。之。例。而。不。與。其。事。而。且。其。結。局。我。中。國。與。日。俄。間。之。交。涉。必。有。一。大。變。動。其。他。各。國。放。其。如。炬。之。眼。光。以。窺。伺。於。其。旁。將。來。所。以。謀。中。國。者。亦。必。乘。機。進。步。為。問。我。中。國。之。外。交。家。此。時。已。知。俄。之。將。來。如。何。對。中。國。否。乎。已。知。日。之。將。來。如。何。對。中。國。否。乎。已。知。其。他。各。國。將。來。如。何。對。中。國。否。乎。吾。知。我。中。國。之。外。交。家。此。時。必。仍。以。得。過。且。過。為。主。義。其。善。後。策。大。約。尙。未。籌。定。也。

外 交

一 百 五

甲 辰

外變

一百六

七月

嗚呼。滿洲之戰。峙開而各國之兵船竟羣集於東方海面。俄國之兵氣挫而英國之軍隊忽闖入於西藏都城。滿洲既難爲我有。西藏亦勢欲滅亡。兼之粵西匪黨滋蔓。難圖倫其他各會黨勾結紛紜。財內亂久不能平。實足爲外力內侵之引線。嗟彼外交家。其將何以爲計乎。中國之練兵以爲兵戰之備。誠急矣。中國之興商以爲商戰之備。誠急矣。其亦計及今日外交家心機戰爭之爲尤要否乎。此則不能不爲我中國之外交家告也。

外務部奏議定英屬南非洲招工章程請

旨派員畫押摺 章程見後

竊臣部迭准出使英國大臣張德彝函稱英於南非洲新屬亟欲招工開鑛以期振興其招募華工一舉既於該處鑽利大有關係自可乘此機會立一專約將華工到洋後當如何與各國工人一律看待之處詳切訂明以免受其苛虐查咸豐十年條約亦謂該省大吏當查照各口地方情形會定章程保全華工是會定章程係屬照約辦理現當彼急需華工之際執約以爭或富有濟又華工出洋不外閩廣兩省應令該省督撫出示扼定約中會定章程之語所有工人俟有定章再行應募前往等語當經臣部按照咸豐十年中英約章第五款所載招募華工應由兩國會定專章照會英國使臣薩道義轉達該國外部與出使英國大臣張德彝議定章程俾資循守並行知南北洋大臣查照暨函復張德彝妥速商議各在案

茲准張德彝電稱招工事會議多次詳與辯論共議章程十六條其第五款所粘係運工璋章將來附各款後送部並將約章全文電達部經臣等將來電恭錄呈覽在案臣部復准張德彝電稱英外部久稱約款奉行年限似須載及第十六款擬改此次所定約款即於畫押日奉行以四年為期期滿以後兩國如有欲廢棄本約者無論何時均可先期十二箇月通知屆期即行作廢等語查華人應募出洋充當工人原為貧民闢一生路無如各國苛例繁興出洋工人往往受其苛虐現當英屬南非洲招工之際自應照約妥訂專章以資保護茲出使英國大臣張德彝與英外部所訂工章十五款臣等逐款查核該章第六款所載訂約之兩國船隻均可僱以載運華工等語查專用兩國船隻載運華工誠恐不無窒礙當經臣部電令張德彝將該款刪除其餘各款於保護工人尚屬周密相應請旨飭下出使英國大臣張德彝與英外部定期畫押以昭信守謹 奏

直督袁咨外務部南非洲招工請遴派領事保護文

據津海關道唐紹儀詳稱竊照職關前奉憲臺札行外務部咨送南非洲招工章程飭即遵照辦理等因蒙此遵即遴派楊守按照定章辦理天津稽查保工事宜業經詳報並請轉咨在案茲據該守陸續稟稱現在出口華工計共四千名左右并准新關稅務司復查無異伏

思津埠出口華工一月之間已及此數嗣後仍擬陸續添募此外各關應招之華工人數當復不少查工章第六款內載我國可以簡派領事官或副領事官前赴華工所至之英屬或歸英保護之地照料彼等利益安樂俾該工等及該處所有各色華民得以格外妥行保護該領事官或副領事官所享之利權與他國所享者無異等語目下華工應招出口人數既繁業經先後載往工次亟應預籌保護以免外人凌虐所有第六款章程載明派領事官或副領事官前往照料一節似宜從速遴派俾已出口之華工得以早沾保護利益擬請鑒核轉咨外務部核奪辦理實爲公便等情到本大臣據此除批示外相應咨呈貴部謹請查核酌奪辦理見復施行

奏定英屬南非洲招工章程

第一款 按照上開之中英續增條約第五款所載其應議之保工章程所載既須籠統不得專指一處現兩國訂明自後凡英屬各處或歸英保護之地如須招用立約爲憑之華工當隨時由大英國駐京欽差大臣將該英屬或歸英保護之地名以及將來招載華工出洋之通商口岸招僱條款擬給之工價一一照會中國政府中國政府當毋須別項照會立飭指明之通商口岸地方官竭力設法俾招工事宜得以迅速辦理每英屬或歸英保護之地

前來招工止須按照本款所言照請一次若該英屬或歸英保護之地照請在某通商口岸招工後停招至三年者則再來招時當另行照會 第二款 通商口岸之關道接奉上開之飭文後當即委派一員名曰稽查保工事宜委員會同該口英國領事官員或其委派之員將華工須行畫押之合同以及一切細情凡關涉該工前赴之地方之情形該處之法律而稽查保工事宜委員以爲該華工所不可不知者一一出示曉諭並刊入報章以便周知

第三款 下列各款內所稱之招工所及一切須用之房屋應在何處暨如何設立之處均由該口之英國領事官員或其委派之員與稽查保工事宜委員商辦該所及房屋等或建造或改造俾得辦理招運華工事宜費用均由英國國家支給所中須備有房屋以便稽查保工事宜委員等在內辦公 第四款 一須在招工所衆目易見之地尤須在該所中所稱之接收華工處粘貼招僱華工合同條款漢英文配齊如招僱華工之英屬或歸英保護之地曾頒有招工則例該則例亦一律貼示二須備有名冊一本凡應招之華工之姓氏均須一一登載漢英文配齊其應招之華工若年未及二十者非具有該工父母或平日照料該工之人准其應招之憑據如無父母又無平日照料之人則非具有該工本縣縣主准其應招之憑據不得註明於冊應招之華工於按照中法將合同簽押後非領有稽查保工事

宜委員之准單畫有英領事官員或其委派之員之花押則於上船之前不得擅離接收華工處其已稟准稽查保工事宜委員將名扣除不願奉行合同者當作別論三載工船開行之前各華工須由考有文憑之醫生詳細驗看該醫生由英國領事官員或其委派之員揀派應招之華工須在英領事官員或其委派之員及稽查保工事宜委員或其派委之員之前排列成行詳為詢問以察合同中載各節該工等是否明曉 第五款 凡按照此約載運華工之船只准在中國通商口岸載運仍照下粘之章程辦理與本約一律奉行 第六款 大清國 大皇帝可以簡派領事官或副領事官前赴華工所至之英屬或歸英保護之地照料彼等利益安樂俾該工等及該處所有各色華民得以格外妥行保護該領事官或副領事官所享之利權與他國領事官所享者無異 第七款 凡按本約訂立之應招合同須將該工所往之地方之名以及合同期限如該合同可以續訂其續訂條款若何每做工日之做工時刻招作何工工價幾何如何付給合同之中如載明該工及其家屬回華之船價由工主發給者則其往返船價並在英屬或歸英保護之地之時或在途時所須之醫費藥料俱由工主備給之處又口糧衣件並應得之別項利益等均須詳細載明如醫生等以某華工務須種痘則於該華工到接收華工處後即可施種如種而不發可在船再種

此節亦可於合同內載明 第八條 該項合同須在稽查保工事宜委員或其委派之員及英國領事官員或其委派之員面前畫押其不能寫字畫押者可按中國通例簽畫花押合同所載曾否於畫押之前與其詳細講明中英兩國政府惟各該員是問各工須給與合同稿一紙漢英文配齊該合同須俟該工上船後方可視為定而不易 第九款 凡華工前赴之英屬或歸英保護之地須派一官員或多派一員其專責惟使華工遇有身家產業被傷之處可得前赴公堂控訴毫無窒礙一與他人所享該地法律給與之保護無異不分種族 第十款 各華工在英國或在歸英保護之地之時須享有一切郵政利便俾得與本鄉通問寄銀至家 第十一款 各該華工及其眷屬等因合同期滿或因按例辦理之故或因疾病或因受傷而不合工作須載送回國者其回國之國字係指曩日該工登船放洋之通商口岸而言凡遇此項載送回國之案只可將該工實在送回本國得付銀作抵 第十二款 現訂明工主不得以按照本約訂立之合同所載謂可與該工商允稟准中國領事官或副領事官擅將該工撥歸他主者該工所有按照合同應得之利益不得因而稍減 第十三款 現訂明凡按照本約所招訂立合同之華工每招得一工須納費銀交付中國政府以充稽查招工事宜之需至稽查保工事宜委員及華工登船放洋之通商口岸

外 交

一 百 二 十

七 月

之各地方處均無須繳納他費以上所開之費當於載工船具領紅單以前呈交海關銀號收存按照下開之數計算如招得之工人數不過一萬每人應抽費墨洋三元一萬以外每人抽費墨洋兩元惟此係指該項華工同在一通商口岸招運而前後招運之時又未逾一年而言若其登船放洋之通商口岸不在一處而前後招運之時又不在一年以內則應繳之稽查費應照初次招工辦法交納 第十四款 此次所訂條款之漢英文字業經詳細校對將來於兩體文義如有爭執之處當以英文作為正義 第十五款 此次所訂條款何日畫押即於是日奉行以四年為期期滿以後兩國如有欲廢棄本約者無論何時均可先期十二箇月通知屆期即行作廢本約訂於英國倫敦共繕四分兩漢兩英

黑脫擬改限禁華工條款 附駐美欽使梁說帖

第三款 一千九百零二年四月二十九日美國議院所立禁例第一款名為限制華工來美條例應即改訂如下 凡一千九百零二年四月二十九日通行限禁華人來美寄寓各例以及一千八百八十八年九月十三日批准之名為限禁華工來美條例之第五第六第七第八第九第十第十一第十二第十三第十四各款應即仍舊照行嗣後若非特別聲明不得另有更限上項條例須即推行於美國屬島凡在屬島之華工其未入美籍者無論當

該島歸附美國之時是否已在該島均不得由該島來美此項華工亦不得在美國屬島往來惟同羣之島不入此例其附美國某省或附亞拉士架之地管轄各島均應作為美國內地 查此款與一千九百零二年四月二十九日所定條例第一款大意相同惟此款曾將期與約章不相違背俟行至另訂新例為止句刪除去係為預防將來訂納我來利益彼得悍然不顧逕行苛禁地步並將嗣後若非特別聲明不得另有更限字樣添入則直謂此種苛例必須永遠奉行而已 第四款 上項仍舊照行之條例專為美籍人及例准寓美之華民而設惟准兩項華民入美寄寓 第五款 上項條例所稱華人或華人後裔凡人之祖宗係蒙古種現在或自一千八百年後均係中國子民者而言此兩項華人如經美政府禁阻驅逐所派管理僑民入口官員誓明指實為上開兩項之人即作實據惟該華人若能取具憑証向該管官或審事衙門自行辯明而該管官及衙門亦知其誣者不在此例 查禁工原議係專指華工與別項華人無涉今以華人後裔周內羅織甚至推及百年來之遠祖無非為苛禁挑剔而設 第六款 限禁華人各例所稱工人一字凡例未經聲明准入美境寄寓之華人一律包入在內至一千八百九十三年十一月三日定例第二款所稱此例暨改訂此例之例中所指華工二字即包括上等工作一節應行刪除 查一千八

外交

一百十三

甲辰

百八十八年九月十三日所擬續禁華人例第二款准中國官員教習遊學經商遊歷五項人來美例內聲明與條約並行其餘各例未見言及教習遊歷兩項之人一千九百二年四月二十九日定例並未得一千八百八十八年九月十三日定例第二款包入將來教習遊歷均在禁例之內 第七款 美國政府官員有權判定華人後裔准否歸入美籍等案與判定限制外人入美境無異 查判定限制外人入境係工商部委員之事判定外人入籍係審院之事各有機限今所言美國政府官員有權判定華人後裔准否入籍與判定入境無異是專爲土生美籍華人而謂直欲於工禁之外強施苛禁也 第八款 凡例准來寄寓之華民除遵照禁例外應按照美國於一千九百三年三月三日所定外人入境則例一律辦理 查向來華人入境專按禁例辦理外人入境則例內經已聲明華人不在此例近年該管理官員每擇外人入境則例之尤苛者施於華人經本署時常駁斥彼謂不便故加此一款以嚴限制 第九款 一千八百八十八年九月十三日議定限禁華工條例第十三款應即改訂凡美國審署所派之委員判案後十日以內准美國政府或華人呈訴提案赴美國下審署再判美國政府并得按情再赴美國上審署或美國上察院上控惟華人如以美國下審署判斷不公准請美國上察院於六十日以內復判此六十日係除去停訊日

而言 查美國下審署判案不公例准上控惟上審署呈控較易上察院呈控較難今准美國政府在上察署上察院控告惟華人則只准在上察院控告顯爲軒輊不公之至其意直欲絕華人上控之路也 第十款 一千九百零二年四月二十九日議定限制華工條例第二第三兩款凡所云戶部大臣字樣均應改作工商部大臣所有戶部大臣准將奉行限禁華工之權均改隸工商部大臣辦理 第十一款 管理僑民入口總辦一事工商部大臣核准如以事屬公平無礙大局者可將一千八百九十四年十二月八日以前在美之華人及曾經有功於美國政府之華人酌量入美境不必拘執禁例

右載條款採自時報原本自第三款起想第一第二兩款無擬改者故未之載 本社附錄

駐美欽使梁致美國上議院說帖

美國議院以中國政府近曾知照美廷將一千八百九十四年中美工禁條約停止故另議新例以冀施行查上議紳柏得勝於西本月九日在上議院演說之時雖曾言明須訂新例並聲明應將一千九百零二年四月二十九日定例所稱期與約章不相違背一語刪去其演說中並未有意將現行限禁各例加增其餘上議紳亦未從中駁論嘉省下議紳黎哇那斯累爲拒華黨魁當其在下議院議改禁例之時亦只欲將一千九百零二年定例第一款

外查

一百十五

甲

內之期與約章不相違背等語刪去乃至西本月十八日下議院所改撥款例中始有增添九款其八款不特爲另限禁華人而設且屬格外嚴刻爲議院向所未經訂定者如議院以再訂禁例爲然亦不宜歸入撥款例中以致有違議院定章且禁例一事有關重要理宜詳細裁酌不應於議院將在停議之際即時商訂查中國政府知照美廷不願將一千八百九十四年定約續行諒係欲與美國酌將該約變通辦理俾得加意保護華民並可彼此謹遵約款如下議院將西本月十八日所改之條款照行則於議約之事甚有關礙此不能不亟爲辨明 下議院訂改條例第三款將一千九百零二年四月二十九日定例第一款所載期與約章不相違背等語刪去竟係奉行上議紳柏德勝訂例之意查一千九百零二年四月二十九日定例凡通行各例須與約章不相違背惟未見實力奉行雖經中國政府迭次爭辯而究竟毫無實效以致不願將約續行 下議院訂改條例第四款曾經中國政府與美國管理華民入口官員力辯有違定約如果議行則辦理銀行各商以及經理商務諸人暨例中並未聲明准入美境之上等華人均亦一律歸入限禁之例 第五款 所指合例華人一節不特未經定約允准且應如何作爲實據所定辦法於華人甚不公平並可任由管理僑民入口委員藉端滋擾此項官員向不喜悅華人素所共知此例一行則華人更被

虐待 第六款 工人名目所包甚廣凡華人在例內所稱之官員經商游歷游學即入禁例之中按僑民局所定章程凡辦理錢銀以及經理商務諸人均不在商人之列其所謂學生亦須欲習高等各學或習專門之學凡本國無可習者始得以學生相待此款如果議行則例准來美之人祇是有名無實 第七款 顯然違背美國律綱下議紳黑脫曾在下議院講解用意而上察院亦曾判定如按律綱之意則凡華人在美生長者即是美民按一千八百九十四年八月十八日議院所定撥款以爲政事各項費用之例其中有云凡管理外人入美之官員一經判斷華人不應入美若非提上戶部大臣再查更判即作極末判語不得翻案上提此例用意明係不准華人前赴審署上控若准僑民局官員照第七款定華人之籍則審署無權判斷可知而華人享受美產之權利亦盡歸此項官員掌握隨意上下矣 第八款 所指外人入境則例向來不任華人遵行似可無須議及且其中苛例亦已間有施行如因患有傳染等症不令入境便是 第九款 所擬一節各上議紳應宜先行詳考通行各例與及審署所定判語並非一時所可定議此款似當俟至議院下次聚會再行裁酌 第十一款 與第七款同係不應准行其第十一款之末節即如議紳熙地所云迹近便引華人受賄立拒其本國之人想美國議院本旨斷不允於頒行條例之中有此

外交

一百十七

甲辰

項污礙公平之事也 此例一經上議院議准即可頒行惟按一千八百九十四年所定條約無論日後是否另行訂定仍須行至一千九百零四年十二月七日為止至現時美國通行定例亦應與條約意義不當違背以昭信守且一千八百八十年中美定約內有言及凡已在美之華工及別項華人無論常住暫住美國應即盡力設法保護與待各國最優者一體相同等語美國固宜知所遵照惟議院現在所擬更改條例顯有不顧定約情事試問仿此辦法推行於英德諸國可乎否乎 此說帖來自時報原缺第十款茲仍其舊

中 外 交 涉 彙 誌

中日韓 六月十四日日使及韓使照會外務部云所有在津之韓人均歸日本保護 日使照會外務部云所有圖們江間海島華韓劃界一事暫緩再辦

中日 日廷擬於奉天省會及安東縣添設領事官外務省則以中日貿易日漸擴充擬遣官吏分駐所佔各地此項官吏歸軍政署管轄近已議訂章程 日人既得營口袁慰帥即電商外務部照會日使擬派道員文韞前往接收並須將日旗撤去換照龍旗已而該處武員高山君覆言懸旗一節係照行軍章程辦理未便擅易至中國派員接收一層須俟兩國大皇帝議定如何交法方能交出嗣外務部又催詢日使日使當電詢日本政府作何措置現得回電允令華官前往駐紮 近聞日使因我政府擬於東三省改設督撫一事未與商榷致來詰問

中俄 俄人由遼瀋至京津之電報現已中阻意欲我國為之轉報外務部謂須俄國先將遼陽電局之俄兵撤去方能

願辦 蒙古舊債紅黃二款俄人在彼一意籠絡活佛故活佛深喜俄人現在交涉頗快

中英 英外部副書記官波沙不願宣布英國或將威海讓出之政策 袁泰兵輪被印度皇后輪撞沈一案由江督飭令古柏律師為代表赴英臬署控告臬司威金生君前曾傳集人証推訊數堂因錯在被告斷令賠償現聞被告不服已至倫敦上控 英國每日電信報訪員愛特西爾誤被華兵槍斃一案業已了結中政府所給愛特西爾家屬撫卹銀二萬五千兩亦由津關道送交美領事署轉給兇手照例治罪管帶官革職按愛君自充電報特派軍事訪員以來月薪約英金二百磅此外又有電費游歷費 聞有英國水師弁兵在新安縣屬華界內沙頭角勇卡後山暨英國旂測量山水形勢並未知會該管地方華官有背條約現在稟由大憲照會領事查明辦理

中葡 葡官於六月廿三日下午九鐘將裴景福提交華官押解回省廿八日上午八鐘抵省當經委員及兵輪弁勇協同巡警軍緝備軍押赴督轅隨由滌臬飭令釘上腳鐐裴絕無愧懼隨發交南海縣西便看役房屋監禁當道廣有意外添派孫委員及按經廳嚴密看守一面電稟粵督行轉請示辦理

中德 鄂督張宮保近電外務部云前接德總領事照會請借洞庭湖為演操德國水師之地業經力駁恐該領事稟請駐京德使向貴部商借切宜力担其請即南洋所轄之鄱陽湖亦應照辦 德國派駐亞東水師提督乘坐兵艦來甯即借駐甯德領事蓋薩特君晉謁江督面言奉德廷之命請租借江西鄱陽湖為屯泊兵艦之地江督力駁其說該提督領事要求不已江督惟言容再緩議俟商之外部及各省督撫再為答復云云德員始興辭而出

中法 法使照會外務部云本使館現有中國觀象臺儀器事件請即領回現經外務部領回暫存聞此器係庚子兵燹後遺失而未知下落者今法使舉而還之中國云 福州之自來水建設權初係法國資本家稟請當局得准自後又有

外 表

一 百 十 九

甲 辰

他國商人更別訂條約商請會辦法公使謂與前約不合向外務部詰問外務部已電致閩督准令法商編辦

中比 外務部近接比使照會畧謂敝政府現在特派伯爾爾充敝使館頭等參贊該員業已到館將來一切文件統由該員辦理

中美 美國禁工之約將屆期滿開外務部與政府諸公商議擬派熟悉法律之伍侍郎作為議約專使往美國會同梁使與美外部磋商一切云

各國交涉彙誌

日韓 駐屯韓京之日軍司令官原口少將以執行韓京警察事務之通告文交駐韓日使轉達韓政府略謂保持韓京治安之舉俾日軍無後顧之憂我駐屯軍觀於現時之情勢已認明此為最要之事自今以後當由我之軍隊執行韓國京城內外之警察事務特通告貴政府云 韓國保安會前此集議於鐘路地方為韓政府解散旋復集議於天洞 地名 之韓國小學校到者五六百人選定決死員十三人又送質同書於韓外部公舉申箕善為會長李祐寅為副會長其會員中有商人有培材學堂學生有天主教徒韓外部大臣李夏榮已因此事自請罷職現該會選派會員三人往謁韓政府及外部質問日本公使要求鑿荒之公文會否交還旋因知此項公文尚未交還乃益示其憤激之狀其臨時會長嚴世成上奏韓皇云臣願以死守境土苟不達此目的甯受斧鉞之誅亦不能奉解散之敕令復對政府及外部聲言要求鑿荒之公文應速交還日本公使且日本警察所拘留之前會長宗秀滿須即釋放此二者不實行則保安會斷不能解散云翌日韓政府即照會日使拒絕要求鑿荒之事 本月十一日漢城電前日保安會呈長文於各公使館畧云敝邦之與日本境土最近締盟最久自宜加以愛恤今日使依長森藤吉郎之請託向我外部要求山林原野川澤荒地夫我

國土地登記於冊者僅非役地之二三種而已人民之產業大率係山林川澤原野荒地若讓與外人勢將墾境土而悉被奪去人民將轉於溝壑故一國之心莫不憤慨前議官宗秀滿乃普告市民廣採衆議欲以保國安民之策上奏韓皇日本警察官於集會之中將宗秀滿等突然捕去竊願呈請各國公使務望仗義執言防阻日人之侵侮保全我全國境土幸甚 又漢城電昨日使仍將公文送回韓外部并聲言如此回答本公使無當受之理 韓國外交官舍被炸藥轟炸一事前經日本駐韓公使照會韓廷速拿主使之入否即代辦警務等語今因韓廷覆文謂韓國警察無須日本干預故林使又照會韓廷速拿兇犯否則日本爲保全京城治安起見不得不代辦警察云 六月十一日漢城電本月初八日韓國日本駐紮軍司令官將關於施行軍事警察之公文由日本公使交與韓國政府其故因韓國係日本戰國軍之背後連絡線其治安之能維持與否影響於日本之戰事者甚大日本駐紮軍司令官查察韓國目下形勢知京城內外施行軍事警察之萬不可已現已實行蓋軍事警察自開戰以來在平壤以北之日本兵站部所在地已早施行近見京城亦不可少此舉故亦行之 六月十二日漢城電韓廷警務廳照會韓外部請向駐韓日使要求令將前日被日本軍事警察捕去之保安會會員等交與警務廳

日法 法國新派營口領事日本武員不允接待

暹法 六月初二日英京電法國要求暹羅政府用法入爲顧問官或以法領事披的士充之

俄德 俄專使維忒與德首相復洛在羅爾打尼地方協議俄德商約現已議結維氏已於西七月十九號由德回俄此約頗有利於德國云 栢林電六月十日午後一時駐在栢靈之俄公使却督波司克由百納爾霍浦之大客棧出時忽一俄人伊爾尼支克追踵而來出手槍對公使猛發彈傷其耳當即仆地伊爾尼支克見之大呼其難得復云云遂爲警

察所拘時公使爲一化學者扶起而入附近之商店見其流血被面神色大變乃仍移之于大客棧中彈丸業已拔取然其危篤

俄美 六月初一日東京電駐俄美使麥君俄人因其寄同情於日本之故交際社會大相排斥麥公使現在因病告假兩月蓋實恐此兩月之中大有事變故藉病告假也

英埃 六月二十九日倫敦電英國外務部二等書記官普塞伯爵在下議院宣告云奧德意俄四國不但肯遵照埃及王所發之命且肯允許英國在埃及之舉動惟所沾利益須有期限

英德 五月十七日柏林電英皇於今晨五點鐘由開厄爾啓程歸國英皇前往各處衆人歡迎之意彼此均同皇與其侍從在德國爲人所歡迎甚爲欣悅在漢堡之日實爲至德最樂之日該城之新港英皇甚爲快觀當在開厄爾德皇賜宴於英艦水手時亨利親王所言之語大爲人所喝采英艦水手幾欲高舉該親王英皇此行並未議及國事也

英俄 法國某報論英俄在中央亞細亞之交涉謂事機之動必在波斯蓋俄人工業漸盛勢必擴充其界限而波斯適當其衝商旅所至國刀隨之俄人於波斯之權遂益張大目下波斯所借俄款及由俄人墾休者有二十四百萬英鎊下英人如欲阻俄人南下之志則不得不以波斯作間然每年必津貼波斯二十萬鎊視津貼阿富汗之數須增五萬鎊也

教育

論教育 錄七月初四日時報

不欲爲我中國計則已。欲爲我中國計。舍教育無自。斯言也。上自天子。下至庶人。古考孔孟之法。新徵歐美之說。雖有百喙。無異一詞。是以庚子以後。上有各府州縣官學堂之設立。下有愛國志士熱心教友。蒙學女學各種私學堂之設立。游學之徒。數以千計。足跡徧東西。強國歲資費千百萬以上。時有增加。未有已日。不可謂非一時之盛。專心致志。出全力以經營者也。然而振興以來。已有五載。成效之速。固難驟期。而顯見於現在者。卽可以此測未來。我得有言。如不欲爲中國教育計也。則已。欲爲我中國教育計。則舍去敷衍教育之計畫。而急求根本教育之計畫。其道無自。夫近日以來。論教育者。亦數數矣。甲優乙劣。非無差池。而五十百步所差。無幾。僕也不才。竊願舍此瑣瑣之比較。爲國家前途計。久遠之長策。如或有當。可採擇焉。至於言之者易。行之者難。以前成局。苦心諸公所經營者。其時其勢。逼之而然。非敢有所輕視也。

第一 論振興教育之難

教育

不難於愚民之無知。不難於反對者之阻止。而其最難者。則有二端。一曰人才。一曰物力。夫人才與物力。分而求之。以我中國土地之大。人民之衆。未必其固難也。而最難得者。則爲以有才之人。而得有財。以有財之人。而得有才。夫萬事之成也。必恃才與財以爲之本。才與財俱備。則其事舉。才與財缺一。則其事雖舉而不久。試以現事證之。官立之學堂。物力稍有餘於人才者也。故其弊。在於徒具體。而無精神。其結果。必至雖有若無。私立之學堂。人才稍有餘於物力者也。故其弊。在於志氣有餘。而實力不足。其結果。必至有始無終。而其餘官私之間者。才與財之稍有損益。而其弊亦稍益。終未有以大有之財。適在大有才之人之手。而得以之興辦學堂者。不但學堂然。學生之擇學堂者。如是。而學堂之擇學生也。亦如是。有力之家。不肯求學。欲求學之人。不能有力。此其振興教育之難者一。

或者爲之策曰。兩難之并固。非天下易事。然若各用其長。以之相濟。則亦未始非補助之一策。使有財之人。捐資爲有才者輔翼。有才之人。出精力爲有財者經理。則亦各盡其道。而成其事。則答之曰。然。此固爲古今中外之良法。用之於事。百投而百效者。無奈不能行之於我今日之中國。我請言其故。其一。則我中國之民族。爲財貨奴隸之民族也。爲財而動。不爲財則不動。爲欲求財而動。不必求財。即不動。故學問技能者。求所以求財者也。而凡有學問技

能者乃得謂之才。故凡既有才者必爲無財者。既有財者必爲無才者。其二則我中國之民族以官民貧富爲界限之民族也。官之親戚朋友恆爲官民之親戚朋友。恆爲民富者之親戚朋友。恆爲富者貧者之親戚朋友。恆爲貧者。其三則我中國之民族多疑忌之民族也。而疑忌之中則以恐人竊取其財爲最甚。而人之果有可疑疑之而每不幸而多中者亦以此爲最甚。故有財者決不肯以財託之於有才者。而有才者亦決不肯無故而受此有財者之託。苟或有之則必至反唇倒戈。而每爲不託不受者笑。是故第一說者一人不能兼有之謂也。第二說者同類之人不能相濟之謂也。第三說者異類之人不能相濟之謂也。第一說之不能尙得以第二說救之。第二說之不能尙得以第三說救之。至三者皆無一能則財與才相濟之術窮而欲以之振興教育之難者又一。

夫振興教育斷非財與才二者。缺其一所能行。而財與才二者既無合而有者。又無分而任者。無怪今日之教育頹唐而衰也。我恐自此以往且長。此頹唐衰老終也。

第二論誤會教育之本意

不肖官吏以之營爵祿。不肖志士以之圖名利。此皆螢光石火。明其所明於教育無大涉者。亦不必論之。今所論者於教育之大半。其精神爲教育所鼓動。而每於教育之本意有所誤。

會。苟。自。今。以。往。長。此。終。古。而。無。人。覺。發。則。其。結。果。必。至。徒。費。千。百。萬。之。才。力。財。力。而。無。一。大。效。其。誤。會。之。事。爲。何。則。醉。心。教。育。過。甚。不。以。人。爲。本。位。以。教。育。就。人。反。以。教。育。爲。本。位。以。人。就。教。育。之。一。事。是。也。我。請。分。別。以。爲。之。說。

其。一。視。教。育。如。觸。電。者。夫。觸。電。死。者。電。觸。之。時。卽。身。死。之。時。其。間。雖。有。而。不。能。以。髮。今。之。究。心。於。教。育。者。其。視。教。育。也。無。乃。類。是。夫。所。謂。教。育。者。非。僅。學。堂。之。謂。也。所。謂。學。堂。者。非。僅。名。目。之。謂。也。所。謂。學。堂。之。名。目。者。非。僅。科。目。之。謂。也。其。始。也。有。因。其。結。也。有。果。所。以。如。是。者。蓋。皆。有。其。所。以。然。而。今。之。所。謂。教。育。者。則。否。以。爲。中。國。之。所。以。無。教。育。以。無。學。堂。已。耳。無。合。式。之。學。堂。已。耳。故。一。紙。詔。書。下。而。蒙。學。小。學。中。學。大。學。之。人。才。備。一。編。章。程。出。而。普。通。學。專。門。學。之。階。級。清。澈。一。冊。訓。義。成。而。德。育。智。育。體。育。之。美。質。盡。已。入。人。骨。髓。有。學。堂。數。百。處。中。國。卽。立。亡。而。此。省。可。以。獨。在。派。留。學。生。數。千。人。中。國。種。卽。滅。而。此。類。可。以。獨。存。是。故。以。一。地。方。言。則。教。育。之。程。度。以。學。堂。多。少。爲。上。下。以。一。人。言。則。教。育。之。程。度。以。遊。學。不。遊。學。爲。上。下。其。地。有。大。學。堂。者。王。有。高。等。學。堂。者。霸。有。中。學。堂。以。下。亦。足。以。富。強。其。人。足。跡。及。英。美。德。法。者。聖。日。本。者。賢。其。餘。名。都。大。邑。者。亦。得。爲。高。明。大。雅。人。盡。以。此。視。身。受。者。而。身。受。者。亦。以。此。自。命。

其一。視教育如庖人。如縫人。如匠人。者。庖人之爲飲食也。所以爲人飲。爲人食者。也。縫人之爲衣也。所以爲人衣者。也。匠人之爲房屋也。所以爲人住者。也。而我觀今之所謂教育者。其又類是教育。盡爲人無有爲我者。夫人生之與教育。果有若何關係。知其故者。未必無人。然以其平常者言之。其識見之最高者。則必曰。教育之所以宜急爲救中國之危也。故我每見中國危時。則必求教育。其危有稍安。而教育亦已。庚申之時。外迫英法。內遭髮逆。危如累卵。事平之後。遂急開方言館。水陸師等學堂。選派學生。留學英法。其後稍安。而其事。即甲午之時。敗於日本。各國始倡瓜分之說。其危又至於。是戊戌之交。學業大興。又開京師大學堂。各省州縣學堂。選派學生。留學日本。其後稍安。而其事。又寢。庚子之時。拳匪亂作。八國之兵。逼城下。之盟。其危又至於。是自此以後。至於今日。開學堂之事。日以聞。選派留學生。往東西各國之事。日以起。其時未久。其危尙懸。目前故其事。亦未寢。然使再閱二三年內。憂外患不大。增加。則其事。必寢無疑。此皆上焉者也。而其次者。則爲識時勢。時勢至今。日去野蠻。而趨文明之時也。我先時。勢以趨。則得爲識時務之俊傑。又其次。則爲逐波流。人皆講教育。我亦不可不講教育。故第一說之講教育。是爲禍患。作飲食也。第二說之講教育。是爲時勢。作衣也。第三說之講教育。是爲他人之講教育者。作房屋也。而均非爲教育。自飲。自食。自衣。自

住者。

政務處奏遵議各省武備學堂委員教習保獎章程並酌改各學堂保獎新章摺

竊臣等議覆前署湖廣總督端方奏武備學生請獎摺內聲明單開之教習委員請 飭下政務處會同吏兵二部分別覈議各省武備學堂在事人員將來請獎應如何嚴定章程一併詳議具奏等因於本年三月二十八日奉 旨依議欽此查吏部歷辦成案天津武備學堂及南洋水師學堂三年期滿請獎教習繙譯優等學生額數均以九員爲率准其擇尤酌保一二員照異常勞績請獎其餘均按尋常勞績覈給獎叙兵部覈辦天津武備學堂獎案亦祇准保數員是南北洋從前保案每案並學生在內文武統計不過十餘員今該署督奏請武備學堂獎勵除畢業學生已另單列保外其單開之教習委員等尙有十七員爲數較多惟從前保案係三年奏請一次此次湖北學堂據稱自光緒二十三年設立今已七年之久學生畢業者七十五人與前辦各案不無區別臣等公同商酌與其定以年限昭爲成例不若限以學生畢業人數俾昭覈實擬請嗣後各省武備學堂均應俟學生畢業成就在六七十人以上咨送到京考驗相符方准將在事人員請獎每案文武併計不得過十六員之數尤爲出力者准照異常勞績酌保二三員其餘均按尋常勞績給獎其在事人員仍照向

章先期咨部立案並於開保時叙明各該員在堂年分造冊咨部以憑查覈現湖北畢業學生已令該督出具考語咨送練兵處考驗所有講獎之教習委員應俟該學生考驗後再由該督另行詳核造冊送部即照新章核給獎叙如蒙 俞允臣等即通行各省一體遵照謹奏奉 旨依議欽此

荊州將軍綽奏旗營興辦學堂官紳兵丁量力捐款摺

竊維興學爲當務之急育才得禦侮之基上年恭奉 諭旨及時興辦學堂曾於光緒二十九年閏五月廿五日由奴才等會同葵請在荊州旗營設立中學堂一所高等小學堂四所蒙養學堂八所每年由荊州三衛平餘項下撥錢一萬串及書院各項舊有之款作爲開辦暨常年經費派委荆宜施道余肇康湖北候補道喜源經理其事嗣於本年二月復經會奏由本省銅幣盈餘項下撥款開辦方言工藝兩學堂亦委該道等辦理先後具陳奉 旨允准在案查方言工藝士學堂就原有書院寺宇初經採定惟中學堂一所修建禮堂講堂自習室寢室以及教員執事住屋並應用書籍器具物料一切價值倍增所需已不下二萬數千金經該道等稟稱所籌經費不敷甚鉅奴才與前兼署督臣往返函商經奴才端方首先倡捐銀元二千元奴才綽哈布與奴才瑞興德祿共捐銀一千五百兩荆宜施道余肇康捐

銀一千兩武昌府知府梁鼎芬捐銀元一千元荊州府知府舒惠江陵縣知縣張集慶各捐銀元一千元湖北候補道喜源扎勒哈哩各遵其故父遺命各捐銀三千兩此外官紳量力捐助統計捐銀一萬一千五百九十兩銀元六千元均撥作中學堂建造開辦不敷之用在各該官紳急公好義聲稱不敢仰邀獎叙奴才等未便沒其苦心一俟工竣遵照部咨另案造報再將各官紳聲請獎叙以昭激勸至奏開蒙學堂八所每所學生現有一百三四十名不等總計八所學生共一千數十名常年經費所需甚鉅實在無款可撥經奴才等率領八旗協領佐領防禦騎校世職及兵丁等按月捐錢四百八十串一年共計錢五千兩百串並荊州道府暨候補道喜源按月共捐錢五十五串儘數充作蒙學八所教習常年束脩火食並一切雜項之用每學各派品學兼優之佐領防禦一員共八員充當監學各學房舍概就八旗協領衙門及廟宇修葺改設所有修補費用暨大概器具亦由官兵捐款購置均於二月初二日一律開學奴才等隨時督同管學各官勤加考覈期收實效近經湖廣督臣張之洞頒到奏定學堂章程內列學堂等級蒙養爲家庭教育不另設教科現擬遵照章程即將八旗蒙養學堂改爲初等小學堂以歸劃一每學堂添設監督一員卽以原派充各蒙學監學之佐領防禦八員委充各旗初等小學堂監督該員等各有應盡義務不支薪水統

俟三年辦有成效照章擇尤請獎所遺監學即由各學教習內擇其管理最優者八員兼充該兼監學之教習等既經有教習備金勿庸另支薪水以示撙節伏查荊州旗營戶口殷繁生計維艱經督撫臣與奴才等遵旨創辦學堂爲駐防開風氣之先現在旗營學生向學業切派出東西洋遊學者有五十餘人在鄂省文武高等中小各學堂者有一百數十人源源繼起尙未有艾此時中學堂並方言工藝兩學堂趕速建修約計秋間可以開學目前已開者祇蒙學八所今改爲初等小學堂而學生已逾十名查荊防學生勃起如斯之多且速皆由湖廣督撫臣張之洞端方顧全旗營不分畛域和衷商辦督飭管學道府各官認真經理仰副朝廷興學育才培養根本之至意所致惟蒙學堂八所常年經費概係奴才等率同官兵捐辦並未動支公款應請邀免造報謹奏奉 硃批學務大臣知道欽此

政務處奏遵議各省武備學堂委員教習保獎章程並酌改各學堂保獎新章片
再查學務大臣會同張之洞新定學堂章程內稱各省學堂員紳教員每屆五年准照從前同文館成案擇尤保獎各等語竊臣等本日具奏遵議各省武備學堂委員教習保獎章程請嗣後委員教習保獎以造就學生人數爲限意在杜從前例保之弊所有各省設立各學堂員紳教員保獎新章所定五年准保一次亦應改以學生成就人數爲衡俾歸畫一惟現

在各省甫經開辦成就人數尙難預定應俟五年屆期察看各該省辦理情形及成就學生多寡再行分別酌定獎額奏明辦理謹 奏奉 旨依議欽此

直隸總督袁飭學校司選定初等小學堂合用書目頒示各屬札

各屬開辦蒙學業經通飭按照缺分大小限期責成並選取各該屬諸生先行學習教授法等因在案查蒙學即新章之初等小學堂新章僅著學科未詳課本初等小學堂爲各項學堂之基礎國民教育之根原所關甚重現在各屬漸次開辦而學科既不完備課本無所適從難保不以鄉俗課本屬入其中於開通民智之道大有妨礙即學習教授法之諸生亦須有課本爲之模範舊法專主背誦新法則注重講解舊法強以艱深新法則導以淺近舊法於修身衛生等事不甚措意新法則極力講求是欲學堂之有效以教法之善否爲衡欲教法之改良以課本之精疎爲斷應由普通教育處暨編譯處彙擇各項圖書就學務大臣所審定者及官局編纂私家撰述最合初等小學堂之用價廉而通行者分科選定書目頒示各屬俾令購置毋出是書之外庶幾此項學堂不至有名無實即私立學堂學館亦可同風仿效各有遵循實爲化民成俗之要務該司即便分行知照辦理

兩湖總督張札幼稚圖文

奏定學堂章程各省設立蒙養院應就育嬰敬節兩堂擴充屋舍增加額數卽於堂內劃出一區爲蒙養院令其講習爲乳媪及保姆者保育教導幼兒之事等因欽奉 諭旨通行各省欽遵查照在案茲查湖北省城所設幼稚園係在 奏定學堂章程未經頒發以前以致辦法未能劃一且於國內附設女學堂彙集青年婦女至六七十人之多與 奏定章程尤爲不合若不亟與更正誠恐習染紛歧喜新好異必致中國禮法概行淪棄流弊滋多本部堂審慎教法請察世風斟酌再三亟應另定辦法查省城賓陽門內之敬節分堂地方僻靜應卽將該堂擴充屋宇添建講堂卽名曰敬節學堂挑選粗通文理之節婦一百名作爲傳姆科正額延聘日本女教習講習女子師範家庭教育以備將來紳富之家延充女師之選又該堂西南有保安大藥局基地兩所地段廣闊堪以歸并修建改作育嬰學堂附設蒙養院於其中挑選略能識字之乳媪一百名作爲保育科正額延聘日本女教習講習保育幼兒教導幼兒之事以備將來紳富之家雇用乳媪之選至歷年舊有之敬節育嬰兩堂聽其循舊辦理不與此兩學堂相涉其原設幼稚園內附設之女學堂卽行裁撤所有原在該學堂有夫家之婦人有願學習女子師範家庭教育及保育教導幼兒之事者准其分別附入敬節學堂及育嬰學堂內一體教授每堂不得過三十名其未出嫁之室女卽毋庸附入此

兩學堂以示限制而昭區別如有少年處女志切就學者該女子父兄儘可邀約親族戚誼
公同籌商於巨紳世族家中開設女義學妥擬章程限定額數稟明官師批准延聘中外女
師俾戚友處女附學其中斯爲妥善無弊方與奏定章程相合

出使日本大臣楊杏各省督撫游學生須知文

遊學日本諸生欲入武科各學校者本大臣必詳加查察若非領有大吏咨文則不准保送
乃近聞有等學生領咨到東後另覓保人送入文科私將所領咨文贈與同學冒遞請送
入武科雖查無實據然既有所聞不得不防微杜漸擬請各省嗣後咨送學生來東如係習
文科者則將該生年貌籍貫並欲入某學校肄業於咨文內切實聲明如係習武科者則仿
照各省考取武備學生章程飭該生於領咨之先自呈影相片二張以一張存案一張黏貼
咨文尾加蓋騎縫印然後封給該生責報以爲查驗真僞之據其咨文內所開該生姓名務
飭房書繕寫清楚切勿挖補填改致滋疑竇再查日本現行規則武科各學校統歸參謀本
部經營中國學生欲入校肄業無論官費自費均須由本大臣咨送方許照收如有虧欠學
費者必照會本大臣代爲追繳現在各省自費生到東游學者日增月盛虧欠學費時有所
聞若一二代爲追繳既嫌紛擾且有避匿不見無從查閱者嗣後咨送此等學生併望取具

殷實紳商保狀聲明並無虧欠隨文附送使署存案遇有虧欠學費者即可咨會本省惟保人是問庶不致學費無著有礙學生聲名至於學生請咨游學各衙門書役人等難保無需索規費等弊亦請通飭嚴禁以免阻學進步之機爲此備文咨呈請煩查照辦理

兩廣學務處派游學規約

平時應守規則 第一節留學生平時當以自修自治爲應盡之義務所有應守各項規則畧下一當遵守此次選派學生定章不得違越二當以修私德爲根本而推之公德不得沾染習氣務以持躬端謹愛惜名譽保全國體爲要三當以專心修學爲宗旨除選定學科外不得干涉與學科無涉之事及肆意空談以越範圍而害修學四諸生或同在一校或分在各校務當相友相敬不得有所牴牾及互相借貸互相告訐等事五對師長宜盡禮節守規律不得爲無限之自由致損學生之資格六除暇時爲本處繕譯書籍外不得爲他人譯書及刊行雜誌等以耗修學之時日與精神按學生在外國修學時本不應令兼譯事致耗時日然如星期及兩假內暇時亦多本處待用各項譯編甚亟各生儘可於此等暇時從事譯述東文書報每千字定給譯費兩元西文書報每千字定給譯費六元均視滬上譯價稍豐既可稍爲學生津貼亦可畧資本處應用並可藉以考察各生之學力似尙有益無損至譯

件自當以本處指定者爲准如本處未經指定則各生應就其現修學科中或譯其專書或
摘譯講義均可但郵寄須將譯編及原本同時並寄本處覆校無僞即行核給譯費各生中
如有資性遲鈍未能兼事譯述者聽七除指定學校外不得中途轉入他校八除於修學上
旅行上不得擅離修學區域 休學時應守規則 第二節修學期以外冬夏期秋期春期
等休學時應守各項列之如左一休學時宜趁此暇時練身心勵學業如修自然科學從事
植物學動物學礦物學實驗采集等事最適於此時不得拋荒歲月虛糜經費二休學時或
看學校工廠或爲關學藝關實業等事之調查宜作日記將調查所得一一詳述寄至本處
三休學時能得教習閑暇同往以便隨時質問尤資學識 請假規則 第三節除學堂定
章假期以外不得私自請假若有別事故不得已而請假其准否各條項列之如左一因家
中大故請假除往返行期自抵家日起給假十日川資概由學生自備如無力歸家者在
外洋亦給假十日二卒業以前不得回國應一切考試違者除革退外仍追回以前之學
費三在外修學每逾兩年準於夏期休假期內回家省視一次但不得越秋學開校之期若
逾期在五日以內者罰學費一箇月若愆期十日者除退學外仍追回以前之學費按此條
專指東洋留學者言之西洋道遠不在此限四因病請假者憑醫生及校長定假期 修學

報告一到外國後至入學時應報告到埠日期情形所入學校學科課表年限規條教習名姓及所擔學科一一報告二每學期末宜將本期所受學科大略及考試問題分數名次及請假日數緣由作報告書報知本處三應作報告書時除郵便通例所需時日外至遲不得逾一星期

四川學務調查所章程

第一條四川全省學務處爲整齊全省學務起見特設學務調查所 第二條調查所附於官報書局開設 第三條調查所人員觀書閱報准向官報書局請借其官報書局事務殷繁之時亦得向調查所派員助理 第四條調查所有稽察全省學務繩愆糾謬之責而無進退黜陟賞罰之權舉凡管理者教授者或是或非或勤或惰詳著於冊呈請督辦核奪不得擅自判決 第五條官紳士庶有未解章程之意及於學務有疑義者及欲購教科書而不知其名者准向調查所請問調查人員須詳悉告之不得拒閉欺飾 第六條設監督一員副監督一員皆兼視學官 第七條監督副監督不拘官階及本省他省人員但取學問優長由督辦或札委或關訂監督月俸六十兩副監督月俸四十兩 第八條監督之職主持一所之事務督率教導全所委員修其學業使咸洞明學務以成調查之材有特別之事

則奉委出而視學。第九條副監督之職在監管理所務教導委員凡摺卷爲調查所必知者令委員錄副彙存歸副監督收掌借還書報由副監督經手委員調查有難信者則出而視學以覆按之。第十條調查所委員分三等曰坐查委員曰行查委員曰學習委員。第十一條坐查委員令各府直隸州慎選所屬現任教官品端學裕實心訓士者多則三人少則一人調省驗看委充該府州坐查委員所查或兩縣或三州須派定。第十二條坐查之事三月一報由調查所預將應查者列條作問答每次核報批回即發下次表式因其程度更端問之隨問隨答不許含糊務使聲應心通不同具文徒設。第十三條坐查季報與調查所直接無須牒縣詳府另稟他處。第十四條坐查不給薪水年終考定功過記功賞銀三十兩大功五十兩過則銷功大過三次則撤差。第十五條坐查不實行查糾之行查不實視學官糾之。第十六條行查委員在所當差應辦之事列後。一預修科如課吏館觀書閱報互相討論准向正副監督請業請益。二收發科聽副監督之令應收者呈副監督收掌應發者請於副監督而發之。三書記科凡調查所應辦稿件批覆擬問由該科擬稿送監督核呈。四錄事科凡抄繕之委員任之不另雇寫生。五庶務科如州縣之帳房一切購置日用及監督僕役等事悉經理之。第十七條五科惟預修監督自管以便全所委

員同在此科修習其餘四科由監督量材器使將十六員分派執事 第十八條行查委員
出省即就坐查問答表擇要由監督硃圈示以查法其各學教官優劣應令一併詳查另呈
手摺密陳 第十九條行查委員預修三月甄別一次調查銷差擇尤移司註序勞績息玩
記過停委 第二十條候補教官外獎如捐輸保甲辦賑之類大半請託地方官聯名請
獎非若學務勞績之核實擬請以後因違誤學務撤任之缺專用學務勞績人員序委以示
鼓勵 第二十一條行查委員奉委出省不准向地方官及學董收受程儀由學務處分別
遠近酌給川資在所當差月薪十元出差不扣所辦科務派學習委員代理加給半薪 第
二十二條學習委員不給薪水月給月費三元附於預修科所有修習之事與行查委員一
律無異三月甄別另班註冊 第二十三條坐查行查學習有缺皆先儘教官補之如教官
實無可選亦准兼用他項人員及舉貢賢紳 第二十四條所內雜役四名 督及委員火
食雜役工食悉照學務處向章辦理

各省教育彙誌

北京 京師總兵處前奏請選派各省陸軍優等學生出洋遊學一摺奉 旨允行遵即派各省照辦 北京政立實
業學堂係由國務院大吏陳其東商部管轄批准飭與學務處合辦並派陳為監督俟考取足額即於七月開學其創辦

經費即由商部籌捐常年經費則由學務處撥二萬金云

直隸 磁州設立小學堂因經費不敷有監生范協隆遵其母趙氏之命願將西鄉北賈驛村莊房二所並地二十九畝五分捐作學堂常年經費估計所捐房地共值銀一千兩由知州李兆珍詳直督袁宮保奏準在原籍自行建坊給予樂善好施字樣以示旌獎 候補道毛觀察慶蕃在河北大悲庵內設立半日學堂招貧寒子弟二百名分爲四班專教寫算兩項無論已未讀書概行收錄並不收費 學董林墨青君倡立商務半夜學堂先在城隍廟前新設官立半日學堂內創辦一處每晚自八點至十點專課各商號學徒學科如習算識字及解淺顯文字之法 順天府屬密雲縣陳大令抵任後清查廟產建設蒙養學堂多至四十所並勸募紳商另設小學堂一區有常款萬金發商生息爲常年經費 呂文教公孫女碧塵女史至津謁見當道擬開女學而苦無款當道頗爲感動允爲籌款先在天津設一女子師範學堂再將保定育嬰敬節兩堂仿照定章挑選節婦讀書識字者教作保姆仿外國幼稚院成法均擬委任該女史倡率辦理 保定省城自兩江同鄉設立公學後山東繼之近日豫省僑商亦議就中州會館分設高等初等小學堂各一所無論官募工商子弟均可入堂肄業擬於七月開學

山東 濟南在籍紳士蕭翰香主政自充濟南中學堂教習後頗以開通風氣爲務刻欲於省城創辦民立第二小學堂有請留學日本速成師範生觀城王明經澤同爲教習之說已與學務處商明矣 近有志士在省城小滄街創立半日學校已于六月十六日開學先招生三十人分爲兩班共有義務教習十四員分日到校授課 署莒州李大令光華諸城朱大令望先後在該境設立半日學堂藉教無力讀書子弟均於五月開學現在學生已有三十餘人擬陸續添至六十人爲止所有教習束修與書籍器具等項皆係捐廉扶助 魚台縣邊鏡源大令創設小學堂一所以該邑向出磚瓦

業陶者兼特按各署之大小以定捐資之多寡由紳士轉相勸導資開辦其常年經費則由官紳各自捐助云 登州
蓬萊縣 平日所立家塾共有二千餘所但苦乏師資往往有毫無學識者濫充講席李大令出示招考師範並按鄉按
塾查明為師之數造冊存案其優者許民間延聘其劣者不許再請致誤學程又該縣不列祀典之廟產業頗多近亦一
律查辦俟查明後酌提數成充為學堂經費 煙臺東金溝寨村嵩武營舊址癸卯冬季設立水師學堂曾招學生二十
人歸徐教習教授今歲三月間由謝幫辦示期考試取十九人作為頭班學生由堂供給飯食衣服每名復月給零費銀
二兩又於四月間招考二班學生二十名以徐教習未能兼顧乃另開一堂延汪教習教授所有頭二班學生一概練習
體操每下午由紅帶教習等在營牆外訓練教演即毓材養正各學堂刻亦添設體操均另備操衣靴帽

河南 開封中學堂已將壽山書院改名慶次招考挑取百人茲慶學堂又將開辦擬將省中義學十餘處併為慶學堂
十所分設城內四隅普育堂向有義學兩堂茲亦改為慶學此外尚有四堂擬在北城之積穀北倉開設藩司已飭經廳
郭參軍前往料理其慶學教習即由該各義學之教師十餘人中考取十人承充 常備軍隨營武備學堂屋已落成當
由各營挑選粗解文字者四五十人於五月初考試一次六月初一日開課

江蘇 署江蘇臬司朱廉訪因作一役久失真傳相驗每多草率特稟奉恩中丞批准撥款創設習件公所札飭各州
縣遴選熟諳相驗相通文理之件役數名備文送省作為教習一面招人入所認真學習聽候考驗給諭承充閱投所報
名者頗不乏人業已派員開辦 常州向有藏書閱報社及圖書館兩處購備各種新出有用書報供人隨時借閱惟藏
書社近於北圖書館近於西住居東南隅之學人未便奔走現於正素巷特設一青年學社專儲各種科學有用諸書以
便諸同志就近借閱業已定期開辦 京口駐防領又立一大同學堂發起者乃桂漱秋桂鑄秋海笑儀長朝西四人已

教育

一百六十九

甲辰

聘定廣東文體學校教員海林與地英文理化各科教員計定學額四十名 粵邑舉人馬達伯等稟請縣志與
會館擬於西門外紫江亭地方創設學堂一所中西並進六月二十七日為第一次講書之期稟請府尊田紹白太守
邑憲張子菊大令等請呈縣 上海各紳董商以龍門書院亦當改作學堂聯名稟請邑侯汪大令未經批准嗣由滬
城學堂董事姚君德具稟道署當批示准將龍門書院改作師範學堂矣

浙江 蕭山縣國書等書林日有積富前往萬福廟進奉李思澄大令示飭每值捐銀二千文以備創興學堂經費
實令寺僧按月報解 曠縣自去年改書院為縣學堂城鄉多繼起者迄今已有學校十二所而其中以私立小學校為
最又有潘君曉春創設一女學堂於暑假後更陸續充云

福建 省城魁輔甲閱書社由梁幹青俞高功鄭蘭孫諸才道同志志士捐資創設購置新書數百種並外洋中國各
項報章任人取閱已經五閱月復捐資於社內附立學堂無論貧富子弟皆可入學不取束脩專教以英國語言文字
算學輿地中外歷史博採現入學者已二十餘人云 前興花府玉太守就鳳山寺建設學堂今吳邑令于夏間議就鳳
山寺開設義學呈經費由吳邑令捐廉三百二十元先行試辦學額四十名其年齡以十一歲至十五歲為合格業已
考選入學 興化黃澤軒廣文與其姪厚安茂才前就江倡建崇實學堂肄業者七十餘人近復稟請府縣及瀾江巡
司懇將各牙戶捐按年抽出若干以供崇實學堂經費業已批准 徐茂才開樂備林孝廉輪洪明經景皓陳茂才等
曾在興化馬巷設立閱報所顏日醒社兼售各種書籍以輸入文明又購建屬青書院招考學生四十名肄業開辦費
約請二百元由各生攤支 龍巖陳可馬陳廣文暨蘭州紳衿議將蘭川公共新書院酌改為中學堂並設蒙小兩學
堂以為中學基址小學堂擬設於報恩寺東學堂擬設於登龍閣陳可馬示定五月初八招考二十歲以上者准考錄

範圍易稱三十歲至二十歲者准考中學生二十以下者准考小學生惟慶學堂學生未曾招考候挑選胞子弟入學是日報名師範者五十餘人中學二百餘人小學二十餘人

湖北 女學堂自張宮保下札將原有學生一律辭退後各學生與在憲百監督及馮堂長易監學等會商自立一公學教習擔任義務學生不出學費每日祇在學堂食飯二個月出膳費二元所有書籍標本諸費端午帥已有電至由午帥捐納督憲堂長演說建設公學時各學生聞之莫不痛哭失聲四女洋教習亦願在公學擔任教員義務以表同情 武昌府師範學堂業已定期開學其開校街創設競化中學堂開所聘教習皆遊學日本宏文院畢業生開學之期約在七月初旬而正術街醫學堂正取各生刻經監督譚伯誠觀察示期於六月初四日開學并於初一日先經觀察率領各生上堂行開學禮 襄陽府學堂創建伊始經費不敷漢家灣釐局委員程伯威太守學尚願將該局每年餘款三百餘串上襄陽院隨局撥充襄陽府學堂經費 黃州府留學諸君今年暑假歸國特借貫院創設一光黃學社連成講習所期以預月卒業內分普通師範兩科一以預備入各學堂之基礎一以造養蒙小學之教員公推鄉紳統太史為會長殷君為學監各科教員皆由留學諸君擔任聽講之人以百計并蒙梁星海太守高松如太守鄧季垂太守原小蓬大令捐助多金極力提倡云 漢陽汪君東縣請將寶裕和舖繳建賢寺田價捐作小學堂經費業經縣尊馮大令批候詳請備案

四川 成都官屬新津縣江西會館現擬設學一所以教同鄉子弟已聘自日本回國之萬君松雲為教習不久即將興辦 縣竹縣城羅王氏與媳羅潘氏捐祖遺產業值銀四千餘兩助該縣學堂經費經伍介康大令據情稟奉錫清紳社不以該氏姑媳婿婿婿竟能舍其私財取願公益苦節熱心可於可貴既乏子嗣應得榮叙自應變通辦理 奏

北京 外務部接駐美欽差大臣梁星使電稱以美政府禁阻華工一節較前更甚即前往游學各生亦必留難駁詰始准登岸當由外務部轉咨南洋大臣魏制軍諭知游學各生如赴美國須將籍貫年貌詳細開明並令先期咨報前來轉送美政府交由各口始免臨期再生枝節等因制軍接咨後業已札飭江海關道袁憲觀傳諭赴美各學生一體遵辦直隸 直隸學校司擬選派學生四十名赴日本留學以二十名學速成師範一年畢業以二十名學專門實業五年畢業此項學生係由各府中學堂保送每名每年須費銀四百兩由各生本籍知縣籌繳

山東 山東派往保定肄業之速成農業學生已卒業回省刻又續招學生二十名派往日本專習農業委通判朱曜率同前往 商務局學務處本議於省中各學堂選取高材學生二十四名遣赴東洋學習農學工 商業嗣因三項學期年限不同其中以農學最要亦為時最速現擬先派學生二十名專習農學聞已詳周中丞請示遵辦

河南 前河南學使林福修貽書愛卯冬旋京覆 命後在學務處具呈請自備資斧赴東西洋游歷業已啓程前往

湖北 湖北今春派往北京練兵處之各陸軍畢業學生現均蒙練兵處破格優待或派監督或派專司擬俟略有頭緒即專奏請獎并有懇請之說張宮保聞之甚以湖北陸軍乏人為憂現欲乘派遣陸軍學生章程未咨行到鄂之先選派將弁多人往日本學習云

湖南 出使日本大臣兼管游學生總監督楊現咨湘撫以派往學生多有更換頂替情弊嗣後前往遊學各生須於咨文註明年貌籍貫並入某學堂肄業又須各照影相片二紙以一存案一點於咨文之尾蓋用騎縫印信發給該生實投以為查驗真偽之具現已由學務處通知照辦

廣東 中國往日本遊學生以浙江江蘇湖北為最多而廣東次之惟今年廣東人大有增進計自五月截算統官費自

續

一百七十四

七

費生寬渡者已有六七十人其入弘文學校者凡二十餘人云

四川 四川留學生二十三名於二十號搭平古羅船行抵門司是即該省最後之派遣云按舊歲四川學生之留學日本者不過數名此二月間陸續派來者有三百人之多其進步之速如此

各國教育彙誌

各國 近日比利時萬國書報會之董事名阿德來者曾著一論其略云歐洲自得印書法之後至一千九百年正月為止印出之書十二兆六萬三千部報館所出之報則約有十五兆至每年出書報之數連重印共二十萬略分各國如下日耳曼一千九百零二年出書二萬六千九百零六出報八千零九十四日本一千八百九十九年出書二萬一千一百五十五出報九百七十八俄羅斯一千八百九十五年出書一萬七千八百九十五出報一千法蘭西一千九百零二年出書一萬二千二百九十九出報六百八十一意大利一千九百年出書九千九百七十五出報二千七百五十七美國一千九百零二年出書七千八百三十三一千九百年出報二萬一千印度一千八百九十一年出書七千七百一千八百九十九年出報一千英國一千九百零二年出書七千三百八十一出報四千九百四十三奧斯馬加一千八百九十九年出書五十一千九百零二年出報二千九百五十八以上各國舉較大者其餘不列計總數出書為十三萬二千三百七十六出報為五萬八千七百九十四至書報之分類法律與道德居百分之二十五有奇文學居百分之二十有奇實驗格致居百分之十二有奇歷史地理居百分之十一有奇天道宗教居百分之十目錄提要居百分之九方言文法居百分之四醫學居百分之三美術居百分之二有奇哲學居百分之一有奇論著書人則德國為多報則當推美國德國著書者一兆人中有三百五十四法國三百四十四瑞士三百二十八比國三百二十七意國三百零九瑞奧三百英國

一百七十五俄國八十五美國八十一西班牙六十六英人多自著之書及小說德人則多撰譯本及天道論或便於兒童所用者法人好記歷史意人好談宗教近日著書之人日盛故與書相聯之各種商務亦因之日興如紙如墨如鉛字如印書機已成一實業中之最大社會矣

意國 意政府鑒於日本國力之伸張知日本語學為日後應用所必須特於那波里東洋語言學校中增設日本語學科京東外國語學校教授伊藤平藏氏前往意國留學時有鳩里鬱賴基尼者嘗從伊藤學日本語今遂為該科教習云
美國 美國近有三萬九千女學生入大學校此項學生大半皆隸美國中部者僅伊黎羅一省中已多至四千五百人可見該處女學之盛 紐約城中近擬造一最大之公衆學堂以六層之高樓區為一百二十六院有總會堂可容千六百人堂居地下以自升車上下焉又以全學堂分作兩部以別男女

東 方 雜 誌 第 七 期

畫 育



一 百 七 十 六

七 畫

財政

論陳請加賦之謬 錄六月十八日中外日報

日前報載某京兆陳請加賦。當蒙 召見。力陳其說。略謂 祖訓雖不准加賦。惟從前米價極廉。而今之糧價。數倍於前。即使加倍征賦。尙不及什一之數云云。聞政府諸人。亦不以其說爲然。未之採納。然今日之立言者。一時雖未見施行。而既發其端。必有更踵其後者。且近來籌款之法。搜剔已無不至。而終不敢議及加賦者。良以 祖訓昭垂。莫敢顯冒不韙耳。顧新立之各種捐稅。名目棼如。行之甚艱。而不成巨款。則必有苦其繁難。而別求簡捷之法者。故某京兆。又謂與其零星加捐。終無所補。何如逕直加賦。較有把握。其言誠足聳聽。此欲遏其毒者。所以不能不爲明辨也。按某京兆謂今之糧價。數倍於前。非當日所能逆料。夫生齒日繁。而地不加闢。則糧價必至日高。此理本非深蹟。豈有當日並此而不及料者。惟 聖祖早鑒於今昔之不同。故以永不加賦爲戒。永字之義。謂無論日後之情形若何。而斷不得以爲藉口。所以垂爲定法者。意至久遠。未嘗不料及糧價之必增也。米爲人所必需之物。糧價既數倍於從前。則兆民之困阨。亦必數倍於從前。乃猶欲準商貨加征之例。以加賦。是非使

民。食。益。艱。而。加。以。重。困。乎。且。從。前。糧。價。之。所。以。廉。者。以。百。物。皆。廉。也。今。日。糧。價。之。所。以。貴。者。以。百。物。皆。貴。也。說。者。嘗。以。光。緒。二。十。年。之。事。與。道。光。年。間。相。較。則。道。光。時。有。銀。一。兩。之。用。可。抵。光。緒。二。十。年。時。有。銀。五。兩。之。用。此。例。最。明。以。此。推。之。則。今。之。糧。價。雖。數。倍。於。前。更。不。知。今。之。日。用。較。康。熙。時。之。日。用。其。所。增。之。率。又。為。幾。倍。也。而。立。言。者。徒。見。糧。價。之。增。不。計。日。用。之。貴。非。所。謂。知。有。二。五。而。不。知。有。十。者。哉。此。等。淺。顯。之。事。理。持。論。者。宜。無。不。知。之。某。京。兆。既。以。加。賦。為。言。不。知。其。有。說。以。處。此。否。也。至。謂。零星。加。捐。不。如。徑。直。加。賦。其。言。亦。似。是。而。實。非。蓋。近。日。各。省。所。行。之。稅。捐。等。項。其。病。民。不。待。言。然。受。患。者。或。偏。於。一。部。之。商。民。或。在。於。間。接。之。影。響。固。不。若。加。賦。之。害。遍。於。全。國。而。凡。有。生。之。流。穀。食。之。民。皆。將。直。接。以。受。其。禍。則。其。輕。重。之。間。正。當。有。別。不。得。謂。徑。直。加。賦。之。舉。反。愈。於。零星。之。加。捐。也。且。某。京。兆。之。為。是。言。若。在。各。稅。捐。未。行。之。先。或。猶。可。以。加。賦。一。舉。括。之。而。蠲。免。其。餘。之。紛。擾。今。則。稅。捐。之。行。遍。天。下。幾。於。一。省。有。一。省。之。額。一。事。有。一。事。之。取。而。乃。不。察。事。勢。猶。以。加。賦。之。說。於。此。時。貿。然。陳。之。吾。恐。加。賦。之。說。雖。行。而。所。謂。零星。加。捐。者。終。必。如。故。重。重。措。克。不。知。民。何。以。堪。諒。亦。非。立。言。者。所。能。自。信。也。夫。本。朝。入。主。函。夏。垂。三。百。年。今。日。風。雨。漂。搖。而。國。脈。猶。固。者。良。由。家。法。相。傳。頗。以。蘇。息。民。生。為。政。而。永。不。加。賦。之。論。則。其。尤。著。者。也。邇。來。革。命。排。滿。之。說。盛。行。其。集。矢。於。

朝廷者已不一其說。豈可於衆論沸騰之際。而猶漫然爲此授天下以柄。以藉寇兵而齎盜糧哉。前者總稅務司條陳。所謂按畝加捐者。其說卽近於加賦。猶幸各督撫多不謂然。未遽施行。雖然。彼赫德者。英人耳。其心於中國與否。不敢知。且外人不諳中國情狀。無足深咎。不意某京兆以名臣之子。又頗負時望。而顧不揣利害。不審是非。公然發爲此論也。作者誠懼世人不察。或有揚其波者。則其弊不知所終極。故不憚明辨之。以遏其流毒如此。度某京兆好爲高論。似非有心殃民者。或將有所省乎。

論鑄造銀幣之三大要素 錄七月初三日嶺東日報

理財之策不一端。而由國家以鑄立貨幣。其一也。環球各國。未有行使人幣。而已國轉無定制者。亦未有行使人幣。而利源不盡外溢者。蓋一國財政之急。首在銀行。而銀行之得人。信用。尤以整頓幣制爲要素。幣制有一定。而後鈔票匯兌有所準。出入有所齊。銀行之與幣制。必須同時並理。缺一則不行。中國向無一定幣制。通商而後。概用墨西哥洋銀。而銀行一事。更闕焉。無人倡議者。故利益日爲外國銀行所侵。沒而商界無形之失利。且較有形之賠款。而更甚。近歲以來。我國不少知者。而上下議論其間。以是朝廷悉其情幣。特立財政處。創銀行鑄局於京師。未幾而又派那尙書赴東考察財政。似銀行既意在必辦。而鑄造貨幣。自

所不待言矣。然貨幣三等。曰金幣。曰銀幣。曰銅幣。金幣則今日之中國。勢難即舉。銅幣特所以輔銀幣之不及。而今日商市之所流行。與國家鑄造之首先注重者。自必在銀幣可知也。然使國家而無整頓財政之意也。則亦已耳。而既欲自鑄國幣。以爲挽回利權計。則必力求其流通之法。鑄而不通。何異不鑄。抑鑄銀幣而欲求其流通。則必盡反今之所爲。從新振作而後可。吾今言其流通之要素。一輕重必使相等。鑄立銀幣。本所以昭劃一。若有一輕重其間。則商家可以任意上下。受虧必深。而銀幣之信用。既減。即流通之機關爲沮。近歲以來。國家雖未有一定幣制。而各省固已極其能力所及。爭先鑄造。然調其輕重。雖中國各省自鑄之銀元。均標爲七錢二分。而據粵省之所通用。概未能及其實數者。若北洋江南湖北奉天廣東等銀元。均祇作七錢一分五釐之用。時而僅作七錢一分。高下不等。而吉林一省。則僅作六錢八九分。尤爲減色。其輕重之實不相同如此。故行家得以出入取利。而各省擯之不用。吾謂銀幣之鑄。必由朝廷劃定若干分兩。以後不准絲毫參差。凡前此已出銀元。宜由國家盡行收買改鑄。如此方昭劃一之制。一機器宜歸一式。原各省銀元輕重不等之故。半由不肖官吏之從中侵漁。亦半由購辦機器之各殊。故第劃制六分兩。而不整齊其製造之器。形式既不同。而成色仍不無稍減。吾謂朝廷今已設有財政處。各省鑄幣事宜。當由該處統

屬重購同樣機器分局而製務期不失毫釐倘再不相劃一自必官吏之舞奸則以破壞國機重典治之而後國幣始有起色然此固所以求人信用之本源與夫本質上可以使人流通之實而其所以導之流通迫之使不得不流通者尤有一莫大之要素在要素謂何即以征稅所納歸重新鑄銀幣是也原國幣之所以收利本以廣佈流通為主然必自國家有以提倡之而後新幣不求通而自通外幣不待禁而自禁今各省新鑄銀元雖迫民以通行而官家則拒而不受錢糧爲平民輸入國家之款而新幣不可以納糧關稅爲商人輸入國家之款而新幣不可以完稅夫以中國自鑄之銀元而不能爲中國征稅之用反有需於洋元則其所以重外幣而輕國幣者已概可見然則朝廷鑄幣之意固何所在豈非明欲以不足之銀兩攫取商民之財利耶此真吾所大惑不解者也又何怪新幣之不能流行而民之滋不信於朝廷哉吾謂新幣鑄成以後非特准民照數並用凡錢糧關稅郵政電費之類苟官民交接之端并宜非此不行則國幣之聲價自高不必禁外幣之入口而商民趨利所在又何患外人之壟斷我乎凡此三端皆今日鑄造銀幣之要素苟其不備吾未見其幣之能行也非特不能行而三年築室遺道道旁且益使外幣得信用病國病民且由此而深焉矣財政諸公其亦一思否也。

戶部奏議覆加稅不能指撥印花稅不能即辦摺

光緒二十九年十一月初六日軍機大臣面奉 諭旨奕劻等奏籌款練兵各摺片內指撥加稅及舉辦印花稅兩條著戶部妥議具奏欽此欽遵抄交到部據原奏清單內稱一指撥加稅查二十七年八月戶部奏定分派賠款聲明將來各海關稅銀悉數值百抽五增出數目應將各省派定賠款之數酌量核減等語現各省遵籌派定賠款均有指定的項其不足者甚屬寥寥自不必輕議核減自上年冬季開辦切實值百抽五暨加征向例免稅各物約計通年所增不下五六百萬擬請自明年起先將戶部原定指撥各項作為賠款之三百餘萬兩悉數改撥作為練兵經費以新稅所增抵部原定之款計有盈無絀至免釐加稅現值英美日本均有成約俟舉辦後每年關稅所加應抵補各省所短收釐金之數但各省裁釐後尚可抽收出產銷場等稅至少可抵釐金三成則關稅所加僅核七成撥抵即符釐金所失之數所有盈餘稅款一概撥作練兵專餉不准各省另行挪用一飭行印花稅查環球各國無不舉辦印花稅蓋此項稅款在民商交易時黏貼印花少者一文多者數文買賣兩造絕無苦累而錙銖累積由極細集成鉅款立法甚善善臣等與各國人討論生財之道莫不首舉此項推為最便最良之法中外諸臣條陳舉辦者甚多前以大局粗定尙無指用專款會

經奉 旨飭各省從緩舉辦現值籌餉甚難急若燃眉亟宜請 明降諭旨飭各省仍行舉辦即由財政處擬定章程參仿各國成法刪其繁瑣疏其條例並體查各省從緩舉辦現值籌數以定賞罰奏明後行文各省妥籌辦理俟試行有效再逐漸推廣以期餉源日開兵力日曾等語臣等伏查各關加稅一項曾於光緒二十七月二十三日欽奉 諭旨前據劉坤一等會奏賠款數鉅籌畫甚艱約計洋稅加足值百抽五並洋煙酒食物一律收稅加以常關歸洋關征稅約共增銀四百五十萬兩再加漕折百萬共五百五十萬兩按照戶部奏派賠款約有三成請減三成籌解等語當經照准原以半年籌解可資騰挪茲據奕劻等奏賠款仍應按照公約每月籌解足數自不能核減三成著仍照部撥十成原數按月解滬不得諉延致滋口實等因欽此欽遵在案今慶親王奕劻等奏稱此項加稅通年不下五六百萬兩請自明年起先將戶部原撥賠款三百餘萬改為練兵經費以新稅所增抵部原定之款等語查各關加稅自開辦至今先後兩年第一年收數據江海關彙報共祇二百餘萬現在新舊洋債鑄價不敷全恃此項加稅勉強彌補若將加稅盡抵各省原派賠款銀數則鑄價不敷實屬無從取給惟第二年收數尙未據各關報舉倘日後收數日旺於彌補鑄價外實有盈餘或鑄價另有彌補之法即當另款提出以備挹注至印花稅一項環球無不舉

財政

一百七十三

甲辰

辦誠如原奏各國生財之道莫不以此項爲最便最良之法惟各國上下情通中無睽隔警察胥有學問有稽察而無累擾中國警察尙未普辦其舉行之處亦多以捕兵巡役改充警察尙未精深稽核恐難得力並以人情浮動謠誣易興今春直隸甫議舉辦卽不免遠近惶惑幸蒙 懿旨從緩辦理是現在民情尙未大順輸納恐難踴躍已在 聖慈洞鑒之中今奉 明詔從緩辦理未及一年又令舉辦亦非示信於民之道擬請仍遵三月十四日 懿旨將印花稅從緩辦理一俟各省警察辦成之時卽由沿江沿海各督撫先於通商大埠商賈繁盛之區查照原奏所稱參仿各國成法刪其繁瑣疏其條例察看情形安定章程奏明試辦如果辦有成效不致擾累再行逐漸推廣以昭慎重而裕餉源正核議間復奉 諭旨以練兵需餉責成臣部都統籌妥議就公家固有之利嚴杜中飽除弊節流等因事體重大頭緒紛繁擬由臣等悉心籌議詳細另陳總期款集而民不擾以仰副 朝廷振興戎政體養民生之至意謹 奏光緒二十九年十一月二十九日奉 旨依議欽此

戶部奏續借洋款訂期釐金作抵循案將各省所短釐金照數撥補摺

竊查續借英德商款前經奏准以七處釐金作抵內蘇州貨釐八十萬松江貨釐一百二十萬九江貨釐二十萬浙東貨釐一百萬宜昌鹽釐並萬戶沱加價一百萬鄂岸鹽釐五十萬

皖岸鹽釐三十萬共釐金五百萬均自光緒二十四年閏三月十一日起由稅務司代征抵還洋款惟前項釐金業已指明抵還洋款各該省京協各餉以及本處防餉等項向取給於釐金者勢必蹊形短絀是以歷年臣部籌款奏明撥補在案今本年自三月十一日起七處釐金稅司代征各該省所短釐金五百萬兩自應仍由臣部照案撥補謹將籌撥各款開列清單恭呈 御覽應請 旨飭下各省督撫轉飭按照單開數目分別撥解兌收以清款項惟是各省所短釐金既經臣部指款撥補在協解省分固當不分畛域勉籌協濟在受協省分尤當力爲其難凡向來應解京餉等項仍照常報解謹 奏

兩江總督魏等奏籌議蘇省整頓錢糧核提漕款清查沙洲各項章程摺

竊准戶部咨奉 上諭現在時局多艱國勢積弱各直省伏莽未靖蠢動堪虞非練兵無以衛國亦非練兵無以保民比年以來迭經諭令各省裁汰綠營改練常備續備各軍近復簡慶親王奔勛等辦理練兵事宜於京師設立總匯之處期收畫一整齊之效惟練兵實爲急務籌餉尤屬艱難凡軍中食用所需何在非吾民膏血現當閭閻困敝豈忍再朘民生是以前此練兵處臚陳籌餉各條僅以酌提中飽加收烟酒等捐飭令各省照辦嗣復諭令戶部就公家固有之利除弊節流統籌妥議前據詳細覆陳各摺片著即依議辦理各該督撫身

附 政

一 百 七 十 六

七 月

膺重寄休戚相關司道各官皆同受國恩務當各紓忠赤共念時艱精白乃心廉正率屬毋徇情面毋受欺朦如有巧宦劣紳把持撓阻即當加以懲治倘能實力奉行確著成效不特兵餉有資即近年各省瑣細之捐亦可逐漸停緩總期去一分積弊裕一分餉源即爲吾民保一分元氣等因欽此並錄妥議籌餉原奏清單咨行到蘇當經札司移行遵照籌議詳辦去後茲據江蘇布政使效曾蘇松糧道陸鍾琦督辦蘇州沙洲事宜江蘇候補道郭本謀會詳稱伏查籌餉十條內除工程一條由京遵辦鹽務四條應歸各省運司查議土藥稅釐蘇屬即無出產雜稅則祇有照額徵解之牛猪等稅歸於奏銷造報並未設局徵收均請毋庸置議外所有嚴核錢糧一條蘇省蘇松等五府州屬田地山蕩自光緒二十五年 奏明設局清賦以後統計各屬報征之數核諸原額已在九分以上未墾老荒地逐年飭屬開報新墾屆限起征漸次清理至秋勘案內蠲減錢糧均由道府履畝勘明實荒請蠲實歉請減尙無捏報例災弊竇惟現值時艱餉絀正項錢糧自應議章力加整頓以裕餉源核提漕務間款一條蘇省現在奉文每年認運漕白二糧六十萬石餘米改折其起運項下贈貼行月以及苦蓋枋木輕資箇兒錢等款均應循舊變價抵支水脚及欠解戶部倉場衙門之用至改折項下業經案屆核明折解銀數全行報撥歸公海運紳董已於光緒二十六年停止派

委此外所派京沽等局委員亦減無可減惟年外完漕加價錢文雖於同治五年酌減各漕折價案內 奏明以補辦公之不敷尙非專入州縣私橐現既欽奉 諭旨練兵需餉孔急自應另定章程飭提歸公撥用清查沙洲田畝一條蘇省本屆大丈於光緒二十五年舉辦旋因二十七年風潮爲災暫行停止續於上年接辦惟自光緒七年大丈後相拒已十有八載歷年較久富豪佔踞劣董把持在所難免其中糶轉紛繁非逐細清查無以得其底蘊現經督飭委員分別新漲老額或增收價值或追繳課息實力擠查業已十得八九除將報效一項核定數目另案辦理外合將籌議整頓錢糧六條核提漕款二條現辦清查沙洲四條會詳請 奏前來臣等復加查核所有擬辦各條均尙周妥謹具清單恭呈 御覽謹 奏 奉 硃批戶部知道單併發欽此

兩江總督魏奏議覆總稅務司赫德條陳摺

竊准軍機大臣字寄光緒三十年正月二十一日奉 上諭外務部代遞總稅務司赫德條陳一摺據總稅務司稱練兵籌餉以地丁錢糧爲大宗若竭力整頓卽用此款練兵并可舉辦各項要務按里計畝按畝計賦令每畝完錢二百文確可經久百姓不受絲毫擾累等語現在財用匱乏幾於羅掘俱空一切應行要政如練兵等事尤爲萬不容緩之舉需款更殷

亟應切實通籌期有良法該督等按照所陳各節體察情形悉心會商逐條覆議妥速具奏原節略著抄給閱看等因欽此當經臣咨會直隸四川兩廣閩浙湖廣各督臣籌議辦理伏查該總稅務司條陳以籌款爲綱以辦事爲目籌得之款首及於練兵置械并舉辦一切增官俸設學堂推廣郵政整理電局諸務誠爲今日自強要圖惟其所陳籌款之方專歸重於整頓地丁欲舉一切國用取資於是是則揆之中國情形固不盡然即證之各國章程亦多有未合者請爲我 皇太后 皇上縷晰陳之考中國所以取於民者其法不一古代賦稅並行徭役漢世田租之外復有口算唐租庸調三者并稅皆不全取之於地又歷代皆以農田所入爲正供其輸之有常而取之不擾而遇國家萬不得已興利之臣亦惟議權鹽鐵茶酒等稅而不以傷農此載之歷史而可信者也各國歲入之款有視中國且十倍者然其所列收入諸門如消費稅印紙稅關稅皆佔巨額而地租視諸項尙不算大宗日本歲入之數凡二萬數千萬元然如印紙關稅外又有酒稅及燈草醬油專賣等稅亦官收巨款而酒稅一項且過於地租是各國賴振興商務以爲開財之源并無專恃地租以充國用之事至其按照中國地方開方計畝所擬之數又未免太多查中國現里畝照戶部則例內載各省田地共計七百四十二萬餘頃今節略所稱以中國幅員面積推算乃謂有八千兆畝

減半折算亦有四千兆畝夫四千兆畝即四千萬頃也比中國現數七百四十二萬餘頃增多之率殆五倍有餘伏以我朝政尙寬仁務恤農功以安閭里其中細民匿賦有未清查新地升科不盡核實誠使疆吏力加整頓一經查考得法各行省所有田畝斷不止於此數此則可知者若如節略所陳謂由業戶將所有地畝開單具圖赴縣呈報三年之後歲入可至四百兆兩則田畝亦必有四千兆畝方合此數是一舉而中國溢出田畝乃至三千數百餘兆之多臣竊恐其必無是理若夫地有高下田有肥瘠是以科則分爲輕重此則歷代因田制賦之常經若如所稱令每畝一律完錢二百文是使上田竟科薄賦瘠壤反予重徵比而同之自來亦未有此辦法就令通勻平勻計算亦覺徵賦過重查近年通國所收錢糧大概計之不過三千萬兩內外若謂此法一行試辦三年即可收四百兆兩是比較舊額增至一十三倍竊恐歐美日本諸邦亦斷無驟進遽加如此之速施之中國又安能必其可行也夫中國如陝甘雲貴等省素稱貧瘠者無論矣即就江南而言固號稱財賦之域然以地圖按之江南所轄江蘇江西安徽三省統關內各行省計之實佔地面九分之一依節略所言以四千兆畝分計三省應有地四百四十餘兆畝今按戶部則例所載三省地畝不過一百四十餘兆畝猶不足三分之一賦額則蘇甯兩處每畝折征有自三四百文以至四五百文

者然江北瘠薄之區暨江西安徽兩省中下之田每畝僅完數十文灘租蘆課又每畝祇完十數文合計之每畝不過百文有零是照每畝完納二百文之說又僅得其半矣夫以江南地利全關賦額最重之邦照現在所收之數比該總稅務司所擬之數相去猶甚懸絕則推之他省更不待言此其窒礙難行情形已可概見惟是該總稅務司以外臣久在中華深識時局代危將來其法雖不能盡行其言並非過慮如所陳練兵興學諸務今日若再不及時舉辦前途益岌岌可危誠如 聖諭所云一切應行要政如練兵等事爲萬不容緩者臣身受 國恩地居重任固嘗日夜圖維冀得良法以佐度支之急而分宵旰之憂再四籌思以爲與其虛擬一不可知之數重慮煩苛不如姑就此已辦到之成規加之釐剔查光緒二十五年間蘇省清釐田賦遴委現署臬司候補道朱之榛明定章程督屬舉辦綜計蘇州鎮江二府屬長洲等十三縣熟田項下銀米兩項每年共增出銀五十餘萬兩若由蘇鎮二府推之他府更由江蘇一省推之他省得人而理當亦不難照行此外西北廣大之野更宜開墾荒地多實軍屯東南流域所有沙田漲灘應即清丈升科從實舉辦又可於閩廣湘贛等處講求林政推廣種植以闢利源是皆屢見明文而辦理尙未覩成效者應請 旨飭部嚴定考成酌予期限責以成效再由各省詳立章程切實辦理愚以爲就上數端各省果能認真

整頓數年之後國家每歲似可增入一二千萬兩以濟要需該與核總稅務司所籌者數目雖尙懸殊無如綜計天下農田民力所堪只有此數如此則根本尙不至動搖於綜理財政之中仍寓安定黎元之意區區愚忱惟在於是此則微臣夙夜所爲兢兢者也謹 奏

安徽巡撫誠奏陳部議籌餉各條安徽辦理情形摺

竊准戶部咨遵 旨籌餉酌擬十條一摺單一分光緒二十九年十二月初七日具奏刷印原奏清單恭錄 諭旨咨行到皖內開光緒二十九年十二月初九日欽奉 上諭現在時局多艱國勢積弱如直省伏莽未靖蠢動堪虞非練兵無以衛國亦非練兵無以保民比年以來迭經諭令各省裁汰綠營改練常備續備各軍近復特簡慶親王奕劻等辦練兵事宜於京師設立總匯之處期收畫一整齊之效惟練兵實爲急務籌餉尤屬艱難凡軍中食用所需何在非吾民膏血現當閭閻困敝豈忍再賤民生是以前此練兵處臚陳籌餉各條謹以酌提中飽加收煙酒等捐飭令各省照辦嗣復諭令戶部就公家固有之利除弊節流統籌妥議茲據詳細覆陳各摺片著即依議辦理朝廷深維至計重念民依宵旰焦勞難安寢饋朕仰承慈訓躬行節儉爲天下先近年宮廷用款實已力從撙節仍著內務府再加核減每年約當省出若干並著工部內務府將一切不急之工槩行停止勻出的款以濟要需此

外大小臣工以及富商大賈如有願捐鉅款者准其照章優獎至戶部所擬各條均清釐於定例之中並非搜括於常款之外各具忠赤共念時艱清白乃心廉正率屬毋徇情面毋受欺朦如有巧宦劣紳把持撓阻即當加以懲治倘能實力奉行確著成效不特兵餉有資而近年各省瑣細之捐亦可逐漸停緩總期去一分積弊裕一分餉源即爲吾民保一分元氣不得意存敷衍延宕塞責用副簡練軍實體恤民艱之至意欽此跪讀之下惶悚難名當即恭錄轉行並與司道等一再籌商力求實濟茲據布政使聯魁將辦理情形具詳前來奴才悉心考察部議籌餉十條俯思不急工程一條暨鹽務四條安商均毋庸議外一奉飭嚴核各省錢糧一條查安省各屬田地兵燹後大半荒蕪迄今承平年久尙多缺額其中數多磽瘠沮洳之地收獲較難而狡黠業戶飛灑詭脫在所不免前於光緒十二年間曾經由司酌定查荒章程詳經奏明飭辦又於二十二年設局舉辦清賦議定條款實力查擠經各屬陸續清出隱匿田畝約計十成之三上年奴才到任後復嚴定地方官查報考成通飭遵辦是安省於查荒一事歷次定章尙稱詳備要在督率各州縣認真稽查設法勸墾即可杜欺隱而裕課賦如果奉行不力仍舊因循即予從嚴參處安省因災歉緩征錢漕事所常有每年勘辦秋成時向係由該管道府直隸州督同履勘將應緩銀米總數繪圖開摺報司核明詳

奏一面分莊出示曉諭俾災戶週知定章本密而核計所報分數仍徵少緩多固由旱潦時
聞收成荒歉而刁劣紳矜勾通莠吏以熟作災互相分肥亦難保其必無奴才於上年查辦
秋成之際督同司道嚴加釐剔尙無例災喫災之弊此後倘遇災歉惟有責成該管道府直
隸州加意確勘如有勘報不實災熟混淆以及捏報災荒扶同中飽卽行嚴參懲辦民欠未
完錢糧各省皆然安徽省地屬貧瘠兵燹後民力更形拮据以致應納糧賦未能依限清完歷
屆奏銷常有民欠各州縣征收錢糧係遵例設糧大堂令民封投隨時裁串給粟州縣交替
以冊串爲憑須由後任盤查截存串根與徵報銀米各數相符未完糧串實欠在民方肯接
收體察安徽省情形尙無如部奏截糧包糧名爲民欠實則差欠情事至劣紳大戶包抗錢糧
嚴飭各屬隨時整頓務除積弊其熟田錢糧再於奏銷冊內仍前列欠除照例開送職名議
處外當擇其欠數較多之州縣立予撤任查有情弊官則嚴參書差一律處治如此逐一整
飭認真考核於 國家維正之供庶可日期起色至水衝沙壓地畝安徽省前於光緒八年被
蛟洪衝壓之處已逐漸墾復僅有潛山太湖宿松三縣尙未挑墾成熟所報沙壓無徵銀兩
爲數無多由司飭令各該縣趕緊設法挑墾以復原額其應酌提院司道府各缺餘款報効
歸公業於欽奉 諭旨酌提州縣掣收案內彙集成數另摺具陳一奉飭酌提各省雜稅一

條查安省各屬應徵牛驢等項雜稅兵燹後僅據桐城宿州雲璧阜陽亳州太和州渦陽泗州等縣開辦其餘各縣未據稟報啓徵此項雜稅向各就地徵收專款同歸入契雜稅奏銷冊內造報核計每年報徵銀數兩及數十兩不等爲數甚屬寥寥其中難保無隱匿情弊已由司通飭查辦遵照部議發給三聯印票責成各州縣安定章程核實徵收悉數解司造報以期積少成多一奉飭核提漕務閒款一條查安省漕糧兵燹後改徵折色其隨漕徵收之漕項贈行月糧等米及苫蓋楞木松板輕齎等項早已歸公歷年由糧道造入漕項奏銷案內列收報部核銷有案在外並無閒款可提其限外完漕加價安省州縣徵收漕糧向無此項名目無從提充公用一奉飭清查沙田沙洲地畝一條查安省各屬蘆洲坐落濱江埧漲靡常定例五年大丈一次漲者升增埧者減落除遺具冊結詳請具題各有新生突漲亦由該州縣查勘明確另造冊結詳咨自遭兵燹後各屬案卷鱗冊均已燬失迄未辦丈時閱四十餘年沿江洲地多有增減雖據陸續報升而隱匿未報者所在多有以致地方豪猾棍徒互相侵佔把持時有爭控之案前奉 上諭飭將沿江洲地認真清查違將查辦情形覆奏在案現尙未據各州縣勘明造冊事本繁瑣故難尅期奏效應再由司嚴催各屬將境內官民洲地逐一立限勘丈明確分別上中下地按則升科其有新漲洲地或酌提充公或招佃

承租分晰造冊詳辦不令畏難因循至應行變通土藥稅章辦法安省土藥歷年辦理未能盡善流弊滋多奴才上年到任後與藩司力籌整頓旋據司詳查有丁憂江西知縣彭騰瑞前辦江西土藥捐務曾奏功效該員現在來皖詳加諮詢所陳皆切中利弊屬其議安省土藥統捐條款亦甚周詳請派該員辦理土藥統捐事宜當經批令先行試辦安省土藥向分南北兩路現在南路業已查竣正在接查北路經此次改革嗣後收數自不至仍前短絀以上各案安省現辦情形揆諸部議多已查辦在先竊謂搜及本根自不若還其固有故奴才迭次批札無不諄諄誥誡如 聖諭均清釐於定例之中並非搜括於正款之外時勢當積重之餘益以清丈查荒各節事較繁難不能不稍寬時日究竟每年能增款若干一俟辦有成效核出數目再行具奏當此 詔旨嚴切餉需窘迫之時奴才惟有慎選賢良體查地方情形破除情面切實整頓斷不敢敷衍延宕自外 生成冀稍紓 宵旰焦勞於萬一謹奏奉 硃批戶部知道欽此

江蘇整頓錢糧章程^{條六}核提年外加增槽價錢文章程^{條二}現辦清查沙洲情形^{條四}
整頓錢糧項下 一荒田應設法開闢也查蘇松等五府州田地山蕩統計各屬報征之數核諸原額已在九分以上未墾田地不及一分半係老荒義塚坍沒缺額等類逐年勸屬開

報新墾數亦不少現在蘇省設立農務總局清出荒田講求樹藝除實在坵沒以及義塚荒
墳外凡可開闢之處均已實力清查予限一年有主者各自照界墾闢無主者由官招民領
種倘限滿仍有拋荒即使有主亦歸農務局召佃承墾以期逐漸復額 一拋荒坵缺應繪
造圖冊存案也查各屬未墾老荒及積年坵缺應將坐落區圖頃畝數目查勘明確坵則報
豁荒則召墾並分別有主無主繪造圖冊分送藩司衙門農務總局存案其有業佃續墾成
熟者由屬於每年秋勘案內詳查開報仍俟屆限起征以便稽考 一水旱偏災應核實查
辦也查蘇省向來辦理秋勘由府州縣親往各屬勘明荒熟情形稟辦自光緒二十五年奏
明設局清賦舉從前匿熟抗糧中飽諸弊一律廓清荷遇水旱災傷各屬稟請蠲減錢糧無
不一再確查實荒請蠲實歉請減尙無捏報例災弊竇現值時艱餉絀錢糧爲 國家維正
之供此後查辦秋勘更應認真釐剔切實整頓如非實在歉收不准率請酌減業經飭司分
年列表嚴定比較以重考核其實被水旱偏災未能照額輸納者仍由該管道府按畝確切
勘明應蠲應減由司酌量核定彙案詳辦 一征蠲錢糧應認真查核也查蘇省各州縣每
年秋勘定案應征銀米均依熟田造串實徵實解司庫地槓驛站等款向係按年清完起運
漕白糧米以及清賦改折亦不列欠惟丹徒縣應征行月米石元利縣應征局糧均有民欠

此外道府漕項解司蘆課亦有零星小戶未能完清因而開欠者惟是否真實自有未截版串可驗茲擬從三十年分起除熟田項下應征錢糧均須實力催追年清年款外如有貧苦小戶數目畸零催征不齊該年奏銷之際由司道查明實非劣紳包抗及書差朦混者核其爲數無多串未離根方准據實開報仍令按限催追補解呈數若已經截串不許託名民欠以杜弊竇所有災荒項下蠲減之數應令開列都圖頒示民間務使家喻戶曉官吏無從弊混倘敢匿示不張私征入己一經察出或被告發即從嚴參辦 一戶糧應隨田過割也查民間售賣田地立契成交後理應將本名下承完糧賦由賣主買主隨時對冊推收按數過割祇因賣者貪一時之利短撥糧額迨後戶糧無存無可著落迫爲逃亡以及詭戶宕糧此等情弊隱匿最深茲擬從三十年起責成該管州廳縣凡遇新業持契投稅確查舊業戶糧會否按數推收如有隱混短撥勒令新舊業戶當場收清違者懲辦 一錢糧應按時催征也查蘇省自清賦後大戶名目早經革除尙無包完欺隱情弊各州廳縣每年起征錢糧定期示諭設櫃大堂錢洋時價條示櫃前或錢或洋聽民完納隨時截串給執問有疲玩糧戶延不赴櫃輸納截串交差催追之處茲擬從三十年起各屬經征錢糧飭令按時設櫃催收不准將民間未完糧串先行裁截發交差保領追以杜流弊倘敢陽奉陰違察出定行參處

財政

核提漕款項下 一年外加增漕價須照案分別飭提也查蘇屬漕糧向係本折兼收聽從民便自同治四年始行議定完本色者加收餘耗三斗完折色者每石連公費折錢四千五百文年外收錢五千文迨至五年分又將本色不收餘耗改收公費錢一千文遲至年外則無分本折均須加收錢五百文其中太倉州屬之嘉定寶山兩縣因地不產米漕價須另核定於同治六年議准遲至年外一律加價錢三百文原係藉寓催征之義早完者即免加收歷經循照奏案辦理是前項加價錢數向不相同現在奉飭悉數充公擬自光緒三十年冬漕起各屬將照案年外加收錢五百文嘉定寶山兩縣將照案年外加收錢三百文一律照數提歸公用 一飭提年外加價須年內截清數目也查向來征辦漕糧未據各屬將年內外所征米數專案詳報今既奉飭將此項加價錢文提充公用自應明定辦法以資考核擬自光緒三十年冬漕起各屬將所征漕糧從開征日起至年底止分別已征本色若干折色若干尙有應征須緩至年外接征若干均儘年內開造清冊送司備核一面將收起錢文照市易銀解司以便專款存儲聽候撥用 清查沙洲項下 一新漲逐細清釐也查常熟南匯武進江陰靖江丹徒丹陽寶山等縣沙洲自光緒七年大丈後至二十五年舉辦大丈已歷十八載各沙洲或子母相生或江心突漲爲數不少應自光緒七年定案後起將已經

繳價報買或價未繳呈及尙未報買各新漲一律派員會同印官切實按畝勸丈毋許沙民以多報少稍有隱匿現共丈見田三萬餘畝灘十六萬餘畝惟經二十七年分風災多有冲塌尙須復丈核除一俟丈竣繳足價銀卽造具冊結照案詳請咨部升科 一老額層遞轉則也查光緒七年以前承買各沙洲原報泥灘者已成草灘原報草灘者已成蘆灘原報蘆灘者已圍築耕種應照例分別轉則以裕賦課間有實在收息甚微現時暫難升轉者亦每畝分別酌令繳銀一錢二錢緩至下屆再行升轉詳加察核尙無影射避重就輕等弊 一田灘議增價值也查向來田灘定價每畝不過繳銀數錢多至一兩二錢爲止沙洲係天地自然之利民間一經報買卽可作爲世業值此時局艱難度支奇絀似此正供款項各沙民理宜竭誠報効以盡急公奉上之忱惟前項田畝灘地有沿江濱海之分其中坍漲不常肥瘠迥異定價自未便一律現擬將今屆丈出田灘酌量分等加收價資無論公產民業一體飭令照繳其有已照上屆輕價繳過者仍令按畝補繳足數以裕餉需 一課息分別追繳也查蘇鳳沙洲向准民間報買並未召佃納租惟報買後各沙業卽有花息可採是以每於丈丈年分飭令補繳其銀數各縣不同今屆大丈距光緒七年一屆歷時已久應分別年分久暫酌定銀數飭令照繳以期核實其隱匿侵佔未經報案之灘無年分可稽卽責成勸丈

委員查明開報酌分年限飭繳花息隱佔五年者仍循舊繳銀三錢六分其已逾五年十年者即行層遞核加仍照定章按畝繳價倘有沙棍從中把持以致久匿不報立即查提究辦一面將田灘元公召買以示懲儆

外務部致駐華各使酌商免稅照會

光緒二十九年九月十三日接准聯銜照稱查從前外國駐華領事自用物件進口時一概免稅現在海關以爲此等物件亦應完納進口稅是以聯銜各大臣議舉中國政府以優待之情准外國駐華領事蒞任時所用器具概行免稅其在任所自用物件按海關以後所定限制免稅等因本部查前年京中會議新約時各國條約書後章程均有某貨免稅之專條內並載明應免各物之名目各口海關見此等物件無論官商教士報運均即憑物免稅並無特免領事官之事更無領事官免稅之條新約議定即將從前免稅各貨之條作廢各關即憑此新約見有從前免稅之物均即憑物徵稅亦不分別官商教士所運仍無特免領事之專條更無改徵領事之辦法仍係憑約按貨稽徵足見無一概免稅之規也惟各國大臣既以優待領事爲請現本部定一通融辦法凡領事官除照向章免徵該國外部特寄署內官用紙筆等項之稅外初到任進口時倘駐京大臣於知照本部之文內另請免徵並開

具請免器具之清單則可特准該領事初到任隨帶自用器具免稅此外各物並嗣後續運之物暨署內隨帶人員之物均不在准免之例此係優待之辦法並非添改約章合并聲明相應照復貴大臣查照仍希見復以便行知各關遵照

兩江總督魏遵奉密 旨節款練兵裁併局所札

本年五月二十八日奉 上諭欽奉 皇太后懿旨各省督撫各就本省財力實心籌措外銷之款核實騰挪中飽之數從嚴釐剔並歸併局所裁汰冗員清提陋規力除糜費以資挹注每年勻出的款若干以爲練兵之用不得僅據屬吏之詳報任聽局員之把持多留優缺優差爲調劑屬員地步現在時艱日棘除寬籌的款迅練勁兵實無救急之策並將籌辦情形限一月內具奏等因欽此當即遵 旨分飭司道各局切實查議詳復去後茲據甯藩司分別開報呈核前來本部堂先就省垣各局所逐加察核權衡繁簡應將派辦處裁撤歸併藩司衙門辦理馬路工程局裁撤歸併保甲兼巡警局辦理譯書局裁撤歸併官報局辦理每年共約節省經費若干由司查明彙案具詳以憑覆奏除將省外各局所如何裁撤另札飭遵并行金陵釐捐局查明各屬局卡何局可裁何局可併切實議詳暨分行籌防支應各局及各關道查明外銷之款若何核實騰挪中飽之數應如何從嚴釐剔據實詳辦外

合行札飭札到該局即便遵照札指辦理

各省理財彙誌

京師 六月初三日有 廷寄至各省令所有報効等款

關係指平借報効而言 非專指 萬壽慶典也

均匯戶部由戶部轉交練兵處是日又有

廷寄令各省速行籌款為練兵之用 粵督岑制軍前會奏請開實官捐及本班先捐已由戶部核準 奏設之銀元總

局原擬每元鑄重一兩繼因恐有不便仍以庫平七錢二分為準聞湖北吉林鑄錢局均鑄有各式錢樣進呈 御覽

辦總稅司新定茶末出口稅為值百抽五 六月十四日十國公使

即李五議和之干 照會政府云以後賠款仍可用銀惟仍 因惟美不在內

須每月比較金鎊之贏縮另行存記俟三十九年賠款清還後核算應找出若干統行付清並須補交息銀如應找進亦

可照辦現外務部於補息一層尙須斟酌故未即覆又聞北京領袖公使駐華奧使照會外務部云自壬寅初付賠款起

以至今日所有短付本息及應補付辛丑六月利息因各國政府紛紛託伊催索故特行照會請於甲辰十二月付清云

直隸 聞直督袁宮保已與楊方伯議定將直隸佐貳教職酌量裁汰並議將各局所事務較簡者亦分別裁併每歲可

省經費銀十萬兩而所提州縣中飽盈餘及節省河工修防經費暨噸各屬田房契稅宣化鹽稅等項並煙酒稅項統共

每歲可增入一百十餘萬以資練兵餉需

奉天 赫總稅司派美人克立基為牛莊關正稅司日本人黑澤禮吉為牛莊關副稅司

黑龍江 黑龍江將軍以黑龍江兵燹蹂躪元氣大傷奏懇蠲免二十五年以前呼蘭一帶戶米地租以蘇民困業已奉

旨俞允

河南 汴撫因庫儲奇絀電致政府畧謂京汴火車將通擬於河南直隸交界之處創立稅務局凡出入兩省貨物彼此

均可收稅當於時局不無小補等語政府已籌商於北洋大臣矣、許中向無銅元癸卯年陳中丞委員至滬採辦若干由官錢局分給各錢舖其始居民羣以為異近已稍稍通行刻聞有設局開鑄之說

江蘇 開濬黃浦江經費一節現查得該費係分十二年攤還計每年還四十六萬元除江南認二十三萬外餘由直隸湖廣漕運三總督江西浙江安徽湖南山東五巡撫於所辦銅圓局盈餘中提三成湊還 商部頭等顧問官通州紳士張殿撰在籌創設大陸洋皂公司特咨行常鎮道郭觀察嗣後該公司運銷內地之洋皂經過鎮關請仿照金陵蕪湖華商設廠製造洋皂章程按值百抽五完稅一道沿途概免重征等因觀察接文除詳請商督憲核示外並函致鎮關稅司查照 兩淮運司恩都轉前因淮南各場產收短絀當將各該場大使撤銷至揚論令督商整頓就場收鹽以裕糧庫現據該場員等先後稟復當即札飭通泰兩分司迅速核明督場商趕辦並查得泰屬之梁垛通屬之石港兩場墾荒產額尤以移埭就溝最為緊要現擬整頓場務章程業經列為專條詳明督鹽憲核示俟奉憲批另札飭遵其漕氣濃厚之處更應飭商設法籌辦以裕漕源而富垣收如商人力量不足並即另招新商承辦現當力籌增產之際不得遷就疲誤該分司等務須督同認真經理毋任徒託空言致干查辦

安徽 蕪湖所徵江蘇安徽兩省米捐自上年改章以來在內河添設上中下三卡凡駁船與民船駁米上壘船須由卡驗明米數與捐數相符即插旗放行以消流弊近來駁船裝米抗不遵查並據稟新關代理稅司田三達君屢次函阻近由安徽米捐總辦卞柳門觀察江蘇米捐總辦趙繩讓觀察會同關道童瑤圃觀察稟奉督撫兩憲批飭商請新任慶稅司經慶稅司面允自後仍照局章辦理新關並不過問

江西 贛撫夏中丞訪聞各釐局有收受紅錢及中飽等弊特通飭各局卡將歷來所收紅錢係何貨物可逃人等向有

財 政

一百九十四

七月

何項陋規每月各約數若干逐細開單和盤托出由院彙核將項層需索一律革除仍照舊收取另行填票名曰新票與正釐正稅一併解局如或正釐比較不敷准其作抵餘悉另款存儲俟開辦三月後綜核新票收數酌提若干專作委員獎賞及坐支不敷之用其提獎之等差即以各局卡新票收數多寡爲衡如此變通辦理各委員辦公既不竭蹶且可另資津貼於公私兩有裨益所有卡員司巡以前中飽無論多少概不追究惟不准稍有隱匿云 江西銅圓向由製造局兼鑄夏中丞現擬大加擴充以每晝夜鑄出三十萬爲率所辦機器將次到齊已另設銅圓局

湖南 湘潭縣煙酒稅自趙中丞派委俞翊臣大令前往辦理近始議定合邑煙業每年包繳額稅洋銀五千三百餘圓酒業每年包繳額稅洋銀一千八百餘元合計共繳洋銀七千二百元均按兩月一繳

廣東 廣東鹽務清釐局前擬裁撤商埠就場徵稅惟配運需本甚鉅初議籌借洋款一百萬兩以鹽釐作抵押恐利權外溢而止現開議招商款八十萬撥官款二十萬足成一百萬兩之數作爲官商合辦惟據熟悉鹽務者言以一百萬之資本斷難周轉云 和泰公司商人洪寶春等具稟督院擬將當戶加捐以助餉精隨奉督院批示謂粵省整軍經武內政外交百凡待支日形不繼所議籌款之法當戶一間額餉之外歲令捐銀一百五十兩若與押餉相提並論押餉重而當餉輕則所派並不爲苛但此事或成各應州縣勸諭其勢較順若由商人承餉易涉煩擾又州縣地方繁簡不同當戶生意淡旺各別即使當捐無碍商力足支亦須因地相時酌予等別未可膠柱鼓瑟執一而論仰廣東布政司會同善後局體察商情妥議辦法據實稟覆察核

宗教

論中國宗教以賤武爲宗旨 錄四月口口日中外日報

日本尾崎行雄。評中國之兵曰。旗鼓競進會。謂中國之兵如演劇然。如賽神然。以旌旗戈甲相耀而已。非殺人也。案尾崎氏此言。固吾人之藥石。然以云中乎事實。則實未也。蓋我國之兵。自今日觀之。則并不能謂之旗鼓競進會。旗鼓既不適觀。競進亦無其事。兒戲而已。乞巧而已。而自古人觀之。正不得目爲旗鼓競進也。秦之并六國。漢武之逐匈奴。唐之滅突厥。其每戰殺人之數。皆垂十萬。雖其中不免冤濫。非必盡臨陣而斬之人。然其非旗鼓競進會可知矣。惟至於入本朝以來之戰鬪。則真如尾崎氏所言。吾聞故老之談。粵捻之亂也。大約甲軍先有懼乙軍之心。則不戰而潰。槍聲一交。則大呼曰敗矣。遂相率而大奔。不必其有擊死之人也。乙軍之懼甲軍也亦然。故其時每戰能言其勝。敗而不能言其所以勝。敗以勝而不知其所以勝。敗而不知其所以敗之兵。本族相屠。則僥得僥失。若有天意主乎其間。一遇外人。則從風而靡矣。不必外人之兵精堅猛烈。如今日也。但使有數十百人。能稍合羣。不畏死。則可以百戰百勝。而橫行於吾人之國。中國而至此。則必不足以自立於天下。其見踐躪。

宗教

十九

甲辰

於。外。人。之。手。固。其。宜。也。而。原。其。致。此。之。因。則。非。由。於。天。性。而。由。於。社。會。使。之。然。詩。三。百。篇。大。半。皆。言。軍。士。出。征。遺。戍。之。苦。其。行。役。如。何。況。瘁。其。家。室。如。何。悲。哀。自。此。以。來。凡。以。文。章。爲。職。任。者。無。不。鼓。吹。此。義。此。習。愈。重。者。其。國。先。亡。而。其。間。亦。有。稍。輕。者。則。必。有。崛。起。之。一。日。讀。小。戎。而。知。秦。之。所。以。并。六。國。讀。後。出。塞。而。知。安。祿。山。之。所。以。覆。兩。京。猶。有。尙。武。之。精。神。也。然。此。等。文。章。求。之。古。人。蓋。不。多。見。其。餘。皆。三。百。篇。之。遺。教。也。吾。嘗。爲。之。求。其。故。孔。教。實。以。弭。兵。爲。主。義。蓋。深。有。見。於。三。代。以。來。凡。三。軍。暴。骨。之。事。皆。自。列。國。相。攻。始。故。欲。行。一。統。之。策。使。天。下。并。於。一。國。而。又。行。專。制。之。策。使。通。國。并。於。一。君。一。人。制。於。上。兆。民。聽。於。下。於。是。戰。伐。可。以。不。作。矣。而。猶。恐。專。制。者。不。免。有。時。逞。其。野。心。不。能。不。有。所。勸。戒。三。百。篇。所。陳。出。征。遺。戍。之。苦。爲。專。制。者。告。也。其。陳。義。雖。高。其。立。法。雖。備。而。不。知。兵。禍。之。起。原。實。有。出。於。一。統。專。制。之。外。者。距。孔。子。立。教。三。四。百。年。間。庶。民。起。而。革。命。而。成。大。戰。局。匈。奴。起。而。入。寇。而。又。成。大。戰。局。由。斯。以。來。兵。禍。之。來。日。甚。一。日。蓋。民。愈。厭。兵。則。兵。事。愈。起。於。是。乃。欲。以。養。成。柔。弱。國。民。爲。弭。兵。之。正。道。施。於。事。實。適。得。其。反。矣。今。日。者。天。下。之。人。幾。幾。皆。以。兵。立。國。而。我。獨。以。右。文。下。武。之。俗。介。乎。其。間。其。可。以。自。保。也。蓋。亦。難。矣。雖。然。窮。極。者。必。返。返。必。不。能。循。其。道。將。以。青。皮。混。混。一。轉。而。爲。武。士。精。神。則。害。又。大。也。

論教案與日今時局之關係

錄六月十六日時報

教案固無時可有者也。而於日內之時局尤不可有。然而近日之教案又何其多乎。其故大宜研究矣。新昌之教案未平。恩施之教案又起。且其案情特爲重大。此其間百因萬原之故。固咎各有歸。然歸咎外國政府乎。彼固強權應享之利也。無可咎也。歸咎教士乎。彼固以擴充教權爲天職也。無可咎也。歸咎政府與官吏乎。彼之能力盡於此耳。無可咎也。故最任其咎者莫如吾民矣。

吾見夫日俄開戰後之日人矣。其與於軍事者。將帥畢智慮。士卒捨生命。以求戰勝。其不與於戰事者。男子縮衣食。女子質簪珥。以助餉款。其故何哉。夫亦曰保其國之安而已。而我之國民何如乎。日俄戰事之起。實由於我國我國之地位。實與兩戰國無異。朝廷雖以必不得已之苦衷。而守局外。然吾僑國民固非可以局外自處者。縱不能效日人之所爲。而所以爲國家謀者。亦必有其道矣。而乃非惟遇國家之急難。若熟視而無睹。而且從井而下石焉。若土地惟恐其不速分。宗社惟恐其不早墟者。然嗟此頑民。實天地間之至可恨者矣。法人於普法戰後。國力耗屈。其勉圖自存之策。惟一意結俄而已。俄人利用法人自危之心。取法人之多金。如探囊。數十年來。俄法同盟。俄人得法人之惠者良多。而法人蒙俄人之助。

無。有。也。然。法。人。則。以。鉅。款。已。經。授。俄。人。之。故。即。明。知。俄。人。之。巧。黠。而。亦。無。可。如。何。自。日。俄。開。戰。法。人。無。事。不。與。俄。人。表。其。同。情。吾。人。默。揣。法。人。之。用。意。以。經。濟。問。題。之。故。萬。不。能。不。救。俄。而。救。俄。之。道。又。不。可。公。然。敵。日。因。以。攻。日。為。救。俄。則。英。日。同。盟。之。效。見。俄。以。法。助。而。易。英。敵。大。小。不。相。值。也。黃。禍。之。說。法。人。欲。以。煽。動。英。美。聯。為。一。氣。此。法。人。之。苦。心。終。以。時。機。未。至。事。無。明。效。法。人。不。能。不。以。獨。力。為。助。俄。之。舉。吾。人。觀。之。其。道。無。他。途。僅。有。騷。擾。中。國。以。掣。動。日。俄。戰。局。耳。數。月。以。來。此。等。見。端。不。一。而。足。幸。而。岑。雲。帥。與。鄭。京。卿。均。為。通。知。大。局。之。人。邊。境。之。事。隨。題。對。付。法。人。無。隙。可。乘。其。苦。於。計。無。復。之。之。餘。烏。知。法。國。政。府。不。授。意。於。教。會。使。之。激。成。教。案。以。為。目。下。下。手。之。區。而。法。人。保。護。之。天。主。教。又。適。為。愚。民。所。最。不。喜。者。以。最。易。滋。事。之。處。而。又。有。求。其。滋。事。之。人。其。滋。事。不。難。矣。其。他。若。比。若。班。若。德。無。不。與。法。有。同。情。即。英。美。諸。國。似。與。日。睦。然。使。吾。民。此。時。戮。其。人。燬。其。堂。則。黃。禍。之。說。立。入。而。瓜。分。之。策。可。行。矣。教。民。之。恣。睢。跋。扈。魚。肉。鄉。里。其。情。狀。原。極。可。惡。然。必。擇。一。國。家。應。付。不。暇。之。時。列。強。環。視。垂。涎。之。日。而。橫。挑。其。釁。其。知。之。而。為。之。耶。其。不。知。而。為。之。耶。知。之。而。為。之。則。為。有。意。傾。覆。國。家。國。家。傾。矣。而。已。身。亦。不。免。如。是。者。極。可。惡。而。又。可。憐。不。知。而。為。之。耶。則。直。不。知。天。地。為。何。物。以。日。俄。相。戰。之。大。事。而。亦。為。懵。然。且。日。俄。之。戰。可。以。謂。之。不。知。庚。子。之。事。豈。亦。不。知。耶。如。是。

者。可憐。而不可想。我國何不幸而有若斯之民也。

此非本報之偏袒教民。導人媚外也。因天下之事。有緩急之不同。教民之橫。原必無忍於終古之理。惟但當竭力講求自治。以使外人收回治外法權。至治外法權已收。則民教自混合。無迹。今國家於軍械戰備。一無預備。而又當外人躍躍欲試之日。而吾民適爲之。是何異於丁酉冬山東之殺德國教士也。

中國愚民既不可以理喻。本報深望我國地方官吏能明日內之艱危。其著意防範。尤宜勝於平日。天主教堂。固尤其可畏者也。而耶穌教堂。亦無忽焉。

論保教適所以仇教 錄甲辰第十六號外交報

近年以來。朝廷屢以聯絡教士保護教民爲言矣。然而教案彌多。在西人言之。必以爲此仍未盡力懲辦之故。噫。何其言之謬也。請以佛教證之。夫佛教者。與儒教異。而近世又不甚保護者也。

以基督教之教旨。與吾之儒教比。則相距甚近。以基督教之教旨。與印度之佛教比。則相去甚遠。其間綱領。可粗明之。

基督教與儒教相同之點有六。一、敬畏上帝。二、凡事皆上帝所預定。三、人死有鬼。四、崇拜先

聖。五、主教有重權。六、不平等。

基督教與儒教不相同之點有一。基督教不拜祖宗。而儒教拜祖宗。

之。此為兩教歷來至大之爭端。然拜祖之義原

與拜天無異。蓋儒教以人為天所生也。惟近來昧此理耳。

基督教與佛教相同之點有一。出家修道。

案此條亦僅同一半。蓋出家修道。為四方各教之同情也。

基督教與佛教不相同之點有四。一、基督教有上帝。而佛教無上帝。

案佛教有大小乘之分。以下所引並主大乘佛

不言之其機不暇詳及。

二、基督教有魔鬼。而佛教無魔鬼。三、基督教有天堂地獄。而佛教無天堂地獄。四、基督教人不可以為上帝。故為不平等之尤。而佛教魔佛眾生各無自相。故欲求差等而不得。

據上理推之。即可知基督教與儒教同者多而不同者少。基督教與佛教同者少而不同者多。即可知儒教距基督教之程度近。而距佛教之程度遠矣。遠近既異。則欣厭自殊。人必取其與己近者而棄其與己遠者情也。是中國既能歡迎與己相遠之佛。必無不可歡迎與己相近之基督教矣。而乃佛教自法摩騰竺法蘭入中國以來。幾二千年。朝野上下信用過於儒教。無纖芥之嫌。而基督教則自通商以來。僅六十年。而事乃至此。此其故亦可知矣。再以一事證之。而此理益信。當利瑪竇熊三拔南懷仁湯若望之徒之入中國也。自天子以

至於庶人。無不尊之者。同一基督教也。何以在二百年前則信之。在六十年來則惡之。其故尤易明也。

然則今之惡基督教之故可知矣。蓋前之教士來者為傳教也。傳教則耶孔不相遠。後之教士來者為殖民也。殖民則主客不容。亦非教士之自欲殖民也。教士則以為傳教而政府則利用其殖民。我國之民徒見夫兵敗乞和割地償款之後。必有申明保護傳教之約。而於保護稍不得宜。則兵敗乞和割地償款之事。即隨之天下。可慘之事。莫如兵而可恥之事。莫如敗彼神父牧師者。乃與可慘可恥之事相終始。則不暇問其所操之何道而惡之矣。此以惡洋兵者。惡及教士。此仇教之第一步也。及其再變。則以教民魚肉鄉里之故。而以惡教民者。惡及教士。此仇教之第二步也。及其再變。則以官吏篤於媚外之故。而以惡官吏者。惡及教士。此仇教之第三步也。以此種感情而入於無學問無思想之人之腦中。雖欲無事。其可得哉。

故夫中國之教案。不當謂之教案。而可謂之律案。蓋其事之起。無一由於宗教者。其起事之由。恆由於錐刀之末。民之與教所爭者。皆細微耳。官以其事之甚細。輒袒教而抑民。以希其事之易了。不知淺化之人。往往有以一粟之微而蹈殺身之禍者。不見夫大清律例所引

之陳案乎。殺人之原有大故者。百不及一二耳。及民橫決而殺教士。則從而重懲之。懲之之後。祖教抑民益甚。則教民益橫。平民益怨。其發當愈暴矣。如此相乘而積之。則其禍不可紀。極夫以一國之人。而有兩國之律。其不平實甚。無怪平民之仇教也。

所以探本之論。必使國家富強。使外人收回治外法權。則今之基督教。必與古之佛教無異。而其次者。亦必廣設學堂報館。使民智稍進。不再爲此孟浪之舉。然此二者。均非一時一人之所能行。其最切近之道。莫如於地方之詞訟。使之速了。萬不可有祖教抑民之習。如此。則民怨無從積。而教禍可稍殺耳。其尤要者。在有教案時。其懲辦不可寬濫。致遺怨於人心。乃今朝廷之飭疆吏。疆吏之飭州縣。諄諄以保教爲言。夫所謂保教者。不過重抑民耳。非厚集夫鬧教之勢哉。

陝西巡撫升奏查辦定靖莠民藉詞鬧教情形摺

竊查延安府屬甯條梁一帶地方。遠在邊牆毗連蒙部。向有教堂數處。初甚相安。庚子夏間。津沽變起。陝邊蒙部亦因與教堂不和。經奴才委員講結。奏明在案。該處莠民以爲蒙教從此有隙。而蒙民又多不明事理。藉端煽惑。冀遂其幸災樂禍之心。上年閏月。有定邊客民任漢瀾。卽任天緒。託名化緣。到處遊蕩。與靖邊縣民耿作張彪熟識。決意作亂。自署僞官。以

仇教爲詞肆行誘惑有王木匠郭木匠高士英許姓等聽從入夥任漢瀧復僞造印信文件私作旗幟號衣分送蒙人約期會兵舉事十月中旬有靖邊縣民原大受耿作之雇送旗幟號衣於蒙民札拉呼奇家內經札拉呼奇將原大縛獻教堂轉解定邊縣收審維時署定邊縣知縣李志高已將任漢瀧即任天緒緝獲署靖邊縣知縣羅柏齒已將耿作緝獲復由延榆綏鎮訪獲高士英一名送縣歸案奴才當因案情重大飭府提犯督審又念前次蒙教釀費頗費調停覆轍相尋不能不懲前儆後該蒙部向歸理藩院節制因咨請轉飭約束以杜弊端本年正月下旬據延安府知府劉樹德稟提犯到府督同訊供不諱所獲旗幟號衣馬封僞文等查驗屬實確係甘心造亂逆迹昭然自未便稍稽顯戮由奴才批令將任漢瀧即任天緒耿作高士英三犯就地正法傳首示衆原大一犯不過受雇寄送不法物件并無聽糾實迹係屬鄉愚無知應貸其死發縣鎖繫巨石五年仍勒拿在逃之從犯張彪等務獲究辦此奴才現在辦理之情形也二月初七日接外務部電法呂使據西蒙古教堂函稱目下甯條梁一帶常有仇教匪股匪首三人一日看人等察哈爾布魯二日台吉色爾固楞三日章京阿爾克達魯噶圖們奇博現屬鄂爾多斯盟烏審暗助等情電令就近查明嚴禁並切實彈壓保護等因奴才查法使所稱仇教匪股自係指任漢瀧一案而言現既予以駢誅足

昭炯戒邇來未據該府縣稟稱另有仇教之事但既准來電指明蒙部姓名自應仍飭榆林道延安府確查具覆有則防維加密藉杜亂源無亦保護認真免生枝節以仰副 朝廷懷柔遠人之至意至陝邊蒙教不和之案甫屆四年已經兩見前既勢成決裂今亦噴有煩言曲突徙薪宜思其據而欲絕秀民之踪先在啓蒙人之蔽聞烏審貝子現充盟長其人質性闇弱羣下弄權招集客民私放牧地若不設法禁止誠恐再釀禍階應請 旨飭下理藩院嚴諭該烏審貝子痛改前非抑或另放蒙長之處非奴才所敢擅擬謹 奏光緒三十年三月十一日奉硃批外務部理藩院知道欽此

直隸總督袁頌發各州縣教案簡明要覽

查英約第八款載耶穌教暨天主教原係爲善之道待人如己凡有傳授習學者一體保護其安分無過者不得刻待禁阻又美約第二十九款耶穌基督教又名天主教原爲勸人行善凡欲人施諸己者亦如是施於人嗣後所有安分傳教習教之人當一體矜恤保護不可欺侮凌虐凡有遵照教規安分傳習者他人毋得騷擾又法約第十三款天主教原以勸人行善爲本凡奉教之人皆全獲保佑身家凡中國人願信崇天主教而循規蹈矩者毫無查禁又荷蘭約第四款荷國所奉基督聖教即耶穌天主教傳教之士若安分傳教在內地中

國官一體保護如中國習教民人凡中國律令之事歸地方官審辦各等語是耶穌天主名目雖殊其勸人爲善則一各傳各教各習各教悉聽其便如有倚強凌弱恃衆暴寡者卽是不安本分不遵教規既不欲人之刻待己而反刻待人既不欲人之欺侮己而反欺侮人是明與行善之旨相悖與不欲弗施之旨相悖既不循規蹈矩違犯中國律令地方官卽應照例懲辦

以上一條是各國條約載明地方官待教士治教民之義務

咸豐十一年二月二十三日總理衙門咨行各省准法國送到傳教諭單檢查諭單內載教士赴內地祇以傳教勸善爲務並無他意亦絲毫不得干預地方公私事件倘該教士有干預公私事件者亦應照諭單駁斥不准一面仍飛咨本衙門核辦以便移送法國駐京公使懲治等語又同治元年正月初九日總理衙門咨各省本衙門查諭單內載明傳教士並非官員不得干預一切別項公私事件發給諭單亦可使該教士自知本分不致仍前無禮相應通飭地方官查照等因查教士祇管教務不得干預政權此是各國通例法國諭單聲明不得干預公私事件則不特在官詞訟不應干預卽民間私事亦不應過問如教士干預地方公事卽應遵照前咨駁斥不准此外各國教士仍一律辦理

光緒三年北洋大臣准法國白公使函稱請出示約列論單三條一中國人願信崇天主教而循規蹈矩者毫無查禁一差徭及一切有益等項教民一律遵行惟迎神賽會與伊無涉一傳教士並非官員不能干預一切公私事件其本意勸人爲善如用稟呈訴確係理直之事地方官立與秉公辦理等語是教士並非官員不能干預地方公事屢奉明文地方官自應遵照辦理

以上二條是總理衙門咨行禁教士不得干預地方公事辦法

同治元年八月總理衙門咨行查各省習教民人雖奉天主之教猶是中國之民准法國欽差大臣布照會稱該教勸人道理無非尊崇君上謹守中國法度等語自應一律體恤以示一視同仁之意等因既同是中國之民則無論或爲傳教或爲習教或爲教堂先生或爲教中會長或爲記名望教均應遵守中國法度如有違犯仍應照中國人民一律懲治固不必因其奉教有意從刻亦不能因其在教格外從寬

光緒七年五月總理衙門咨行北洋大臣天主耶穌兩教在習教之人雖有不同之處而國家一視同仁但期民教永遠相安並不從而區別等因是耶穌天主兩教國家並不區別該教民等不得因異教之故互相凌競致啓爭端如因習教不同兩不相安地方官應不論所

奉何教仍按所犯情節照中國人民一體辦理

光緒二十二年六月總理衙門奏查教士不得干預公私各事載在條約及咸豐十一年奏准傳教諭單各該地方官於交涉教務者務須查明根由持平辦理又同治五年議准教士除教務外不得干預一切公私事件又光緒十二年議准凡奉教人遇有訟事悉聽地方官審斷教士不得干預各等因歷經奏明在案本年廣東潮州古溪一案法美兩教互控而皆爲華民該兩國使臣咸允照向章由地方官辦理要以教士領事均不干預該使臣均無異辭案經辦結至教民犯案與教堂無干者總由地方官自行核辦凡遇此等案件地方官平情酌理不背約以生事不違例以枉人所裨不小等因是兩教互控之案領事教士均不應干預教民犯案應由地方官自行核辦應差傳者立時傳喚如傳喚不到即應拘拿照例懲辦如兩造之案被告已經到案原告延不投到逾期兩月即應照原告兩月不到案應註銷之例將控案註銷以免延累

以上三條是總理衙門咨行教民犯案辦法

同治四年二月總理衙門咨行教士如買地爲建堂之用其賣契內只可載明賣作本處天主教堂公產字樣若係洋人在內地置買私產與條約不合仍應禁止此後如有教士在內

地買地建作教堂公產即照咨內事理妥細查明辦理勿任混淆等因是教士買地只可作爲本處教堂之用如置買私產即與條約不符應立即禁止

以上一條是教士買地建堂辦法

光緒十七年六月總理衙門咨行各省督撫分飭該地方官將境內共有大教堂幾處小教堂幾處堂屬某國某教各堂是否洋式抑是華式教士係何姓名係屬何國之人是否均屬洋人堂內有無育嬰施醫各事分別確查按季冊報本衙門以憑稽核務須嚴飭地方官不事虛橋隨時履勘更不得假手胥吏致多騷擾且不妨預告該教士以清查教堂處所原備保護起見切勿另生疑慮此係中國自理之事各國教士設堂於此自以得中國保護爲樂地方有司自行查理所查僅堂外住地並非堂內教規無害公法等因是各州縣於境內教堂奉文詳查冊報以後自應一律遵照辦理

以上一條是清查教堂辦法

光緒二十七年七月前北洋大臣李核定兩司會銜曉諭民教告示一去年民教相仇之案現已議賠議撫應各消釋前嫌一概完結無論平民教民不准尋仇報復違者照例論罪如再以身命財產等事控告到官立案不問至著名拳首及大二師兄兇惡最著之犯本應孥

辦倫悔罪投首到官有公正紳董作保保其以後安分守己並効力緝匪准免其死罪取結報查倫再有犯立即就地正法二投誠免死之匪既已繳槍取保資遣歸農應照良民一律看待無論何人不准欺侮違者照例論罪三無論平民教民不准身帶刀槍如違擊究倫或拒捕格殺勿論如家內藏有後膛快槍應即繳官領價好槍每枝給銀十兩由各州縣先行墊給後領歸還若藏槍不繳查出照私藏軍火例加重論罪其會黨土匪者論死至教堂及辦保甲紳董人家留槍爲守夜防盜之用者不在禁例但須由官查明限定數目不准多藏四平民教民先因案未議結彼此佔奪房屋田地現在案已議結俱應一律各還原主五教民除迎神賽會無益之費聽其不出資外其餘如積穀書院保甲巡夜及地方有益身家之事大家出費教民應一律照出該地方紳董地保人等務須將教民一體約束保護不得歧視等因查當時因拳匪亂後民教相仇故特出示曉諭寬其既往嚴杜將來近數年來聞天主教民因得有賠款之故氣燄頓張復搜求從前曾經習拳之人肆意凌侮多方索詐其人多投入耶穌教會以相抗一經入教益復尋仇互相糾纏兩不相下近來兩教涉訟之案半由於此要知該民雖曾墾業經赦宥許以自新他人自不得妄引前事意圖株累本人亦不必求庇教會恃爲護符如有似此案件地方官自當就事論事秉公分別懲辦庶安良戢

暴兩教無事

以上一條是教民借事索詐爭訟辦法

光緒二十八年四月北洋大臣衙門准法國駐京公使鮑照會前因羅教士在威縣被害特派領事往查如何被害根由以免嗣後再生此等情事茲據該領事查復兇首係武舉人景廷賓等但懲辦匪犯不能抵補尙應另設妥法以杜後患而安民心此項辦法其一則係團練所有軍械全行收回愚昧輕信之人手內持有軍火實屬可慮貴部堂主持收回團練器械經本大臣通飭各處教士凡教民存有軍火者均皆一律收回加意存儲俾於團練軍械收回後事同一體至此次肇亂根由乃係莠民謠傳於民間抽捐賠補教民而起以致嫌疑難以解釋若直省賠款欠項在於藩庫一齊撥給清結辦法莫善於此此辦法之二也至平民將地畝抵押教民以爲賠款若直省藩庫有力可籌本大臣願盼貴部堂襄助原業主贖回抵押之地本大臣一面轉飭教士隨時勸令教民允從照辦以爲協助此辦法之三也末則本大臣注念因庚子拳亂民教或人命或搶掠或爭競各等詞訟案件應當一律全行革除不再提問俾得安謐民教人心除轉達主教教士等襄助奉行外尙望貴部堂深明本大臣但期平靖之後轉飭各有司妥爲安謐民教等因查鮑公使所議辦法甚爲公允當經分

行核辦出示曉諭在案民間私儲軍火原干例禁教民前因亂時所存軍火業經法國鮑公使轉知主教教士飭令一律收回與團練繳械一律辦理如嗣後教民私儲軍械誠如鮑公使之言實爲可慮應由地方官查明確據迅即知會教堂查照前次來文將所存軍火器械一律由教堂收回加意存儲以杜弊端而安民教

以上一條是禁教民不得私存軍火辦法

光緒二十二年四月前總理衙門奏近年各省教案迭出地方官處分誠不能不明定專條第操之過蹙必至以規避處分之故縱教虐民翻致積隙日深發機愈烈迨至弊端既構又自知一經呈議無望原情惟有束手聽參不思力圖補救似與立法預防之意轉有所妨擬請嗣後遇有拆教堂殺教士之案除有心故縱以致釀成巨案者應酌量案情隨時請旨辦理外如係事起倉猝迫不及防應將地方官照防範不嚴降一級留任公罪例議以降一級留任其保護未能得力自係辦理不善應照不應重公罪降二級留任例議以降二級留任俾示懲警等因是拆教堂殺教士之案降級留任州縣自應隨時加意

以上一條是地方官教案處分

查天主耶穌兩教在外洋雖分新舊兩派而意在勸人爲善仍是異流同源不過講解不同

條規不同別戶分門各從師說至於母殺人母攘竊母作妄證母貪凡屬於人之物則遠宗摩西十誡大都皆同其愛人如己待敵如己之宗旨亦兩教如一凡入教者如能母殺母盜母誑母貪在教中固爲善士在鄉間仍屬良民官長自應一律保護如或酗酒鬪毆肆口罵詈甚至逞忿尋仇貪財索詐以致釀成搶殺重案如近來甯晉教民滋事等案一經查辦正定教堂即將其人革除由官照例嚴訊監禁有差悉如律令誠以干犯國紀罪固應誅而不守教規先宜屏黜法令在斷不能因是教民倖邀寬典也

查天主教堂刊布教規勸人向善其有不率教者一則曰送官嚴懲再則曰送官治罪可見官能執法正可以輔教權之不逮彼教甚賴官之有權地方官斷不可失內治之權而權所以能不失者則尤在平日蒞官行政廉公有威必須正本清源然後令行禁止仁聲循譽固不能取辦於臨時也

以上二條是論兩教源流並堂中教規

查以上十三條不過就成牘中撮取大要以爲各州縣辦理教案之一助誠恐約章徧覽難得要領成案過多憚於披閱故條列大略意在簡明至案關交涉比引公法詳核條約神而明之存乎其人尤願強聰之官吏佐治之幕賓慎思明辨之也

安徽潁州府聯稟安徽巡撫誠民教一案禁止律師入內地干預文

光緒三十年三月二十一日前府許守任內據府城天主堂教士倪汝洛函稱潁上縣教友張樹榛於去臘將其父及妻並弟夫婦四棺葬在己地有孫國棟說與他風水有礙託人令樹榛移墳覆以候出百日再議詎國棟赴蕪湖請人書英函一封三月初六日回歸十三日樹榛始知其所葬四棺被人扒出稟縣驗看今已數日未分如何國棟揚言捐有外國功名諸事無懼初尚以爲戲言詎日前孫國棟等執函到堂稱從領事處來奉有公事似此刁猾冒充目無法紀請官提訊等情並據倪教士約會次日來署面談二十二日倪教士到署與許守面談前情當經許守以案須先辨地界札飭潁上縣將張樹榛所葬四棺之地究屬何姓產業調契勘明再將扒棺一層集訊究辦並將存堂洋文信函追究從來旋據張廷棟即張樹榛以孫國棟扒伊葬棺等情來府具控又經許守批縣確勘速訊去後卑府回任兩次札催四月十七日突由正陽電局送到蕪湖電報一紙內稱蕪湖新盛洋行司事孫逾周之叔孫國棟於教民張樹榛一案請照萬國公法例辦等語卑府以張孫兩姓皆中國人民民教涉訟自有約章可循無須萬國公法乃孫逾周以洋行幫夥輒專電卑府衙門出頭干預殊屬不合擬俟該縣訊詳到日再行察辦嗣因未據縣詳將案提府已據該縣將被告孫國

棟處中孫國泰地保石東約三名並縣卷解府聲明中證原告自行赴府投案未到五月初六又接正陽電局送來上海電報一紙內稱專送穎州府署交博文大律師電聯太尊孫張案律師包辦尅日函到飭縣孫速釋候訊等語卑府查民教涉訟地方官自能審理與外人無涉何庸律師干預此端斷不容開然若俟其到來再與辯論殊費唇舌且恐別生枝節可否仰乞照會領事飭禁博文律師不得違約來穎干預此案詞訟俾易了結現在孫國棟患病頗重已取保醫調除俟其病痊並原告中證到案即行集訊外理合縷稟仰祈照會批示

浙江會稽縣八字橋教堂購產息事通稟

本年三月二十一日奉本府面諭以接奉撫憲聶電開天主堂電稱會稽堂價買孟姓農地已開稅府縣不准收管並辱慢田副主教請辦理等情此事究係如何糾葛無從懸揣請速秉公辦理並將實情示復等因奉查天主堂受買孟姓房屋坐落八字橋地方東鄰張姓去年有教民孟憲章與族人孟慶善以公屋彼此控訟已奉本府弔卷核訊因後面有小屋數間園地兩塊先由孟婁氏等出典張姓嗣於光緒二十二年由孟慶善向張姓找絕過戶承繼管業年久奈因族中互相糾葛孟憲章遂將所爭房屋出賣教堂所有張姓絕買屋地亦一併轉售在內並向莊書推收戶繼於三月十八日由堂向張姓拆屋歸管張姓以絕賣之

產從無回贖之例況推據並未出立契價未得分毫更何能遽聽歸管必欲出而爲難卑職得悉前情吊册查核知張朴亭戶之地甫係三月初蔡令任內由莊書自行撥除其時張姓實不知情契尙在手未許歸管情原莫怪而天主教堂業已執有印單西人向以印據爲重若勒令還產或出而阻難勢必釀成鉅案何堪設想卑職昕夕焦心復向張姓熟商並請教堂暫緩拆卸概未允許勸令張姓從權得價放贖又因房分頗衆意見各殊旁人亦有公抱不平之勢卑職諭知事關交涉斷未可激成事端不得已又向張姓再四磋磨並邀張紳嘉謀出爲調處先由卑職籌墊契價洋五百元發交張姓領回分給竭三晝夜之力始得曲爲周全已於日月二十二日邀同三面分清四至釘立界石田副教士帖然悅服事已了結惟此案幾釀大衅固由教民孟憲章不問活絕遽爾出售亦多由於莊書擅行除戶所致若不設法截流提莊嚴懲罰繳契價誠無以示懲創而弭釁端當將該莊書提案押辦一面將詳細情形稟由本府轉稟撫憲察核在案茲據候選縣張會甲同知銜張鍾元以前項房屋本係絕產例不准贖實思據理以爭因奉勸諭再三從權設法不敢固執遵已讓歸該堂管業惟原契價及除稅中酒修理等費共需錢六百七十千文除蒙先給錢五百千外尙缺錢一百七十千文請提莊書如數追還粘呈契據繪圖稟印核銷轉稟立案等情前來卑職復查

民間絕賣產業非與典贖可比故照例不許回贖若以絕而可贖則紛爭容有已時此案之所以勸令張姓讓歸教堂者蓋誤於莊書擅自推除掣給印單西人執以為憑必欲歸堂管業勸之不聽爭之爲難不得不稍示通融向張姓妥爲勸處以免激而生變惟此端一啓設有不肖之徒從而效尤或與他人有隙希圖洩忿將早年絕賣人產重新朦售教堂損人利己而西人藉是案爲口舌恐爭端從此而開一誤何堪再誤卑職思患預防嗣後凡遇民間買賣產業赴莊過割應責成莊書隨時查察必須執有出主畫押推單方准除戶毋許張冠李戴含混推收並嚴禁居民重複典賣有犯必究特西人來華購地日見其多人心狡譎於今爲甚此案雖已議結可否再乞憲恩照會法國總領事天主總教士請其轉行各教堂知照示以中國絕產無回贖之例此後西人向華人買產務先確切查明如非一產兩賣方可承受卽或受人朦蔽亦必告由地方官審理並將原賣主聽縣查辦無徒聽一面之詞遽爾拆卸以昭輯睦而免禍端除押令莊書罰繳契價給領並將張會甲等呈案契據繪圖分別塗銷附卷備查外理合具稟仰祈批示祇遵

江西派辦政務處議覆高安縣教案詳文

洋務所案呈光緒二十九年十二月三十日奉憲臺批委員候補知縣石守謙高安縣知縣

唐顯謨會稟教民胡謀被胡玉等緝溺斃命一案已與教士妥爲立約議結乞示遵由奉批查前據該印委會稟胡謀一案擬請購地議辦當經批據司處核明擬請由府督同該印委究明胡謀實在因何身死務得確情照例議擬通詳察辦不得遷就了結致啓異時援引之門等情申經批行司處轉飭瑞州府暨該印委各員一體遵照辦理在案今該印委仍照初議與教士議結立約是前批尙未奉到可知惟案既議結是否可行派辦政務處會同按察司核飭瑞州府轉飭該印委遵照具覆察奪仍候督部堂批示此繳稟同議約一併抄發正在核辦間又於光緒三十年正月十一日奉憲臺批該印委稟教民胡謀一案與教士議結在先奉札在後可否仍照原議辦理乞示祇遵並高安縣唐令稟議結教民徐四才胡謀二案應賠洋二千二百四十五元內請提出二千元歸入缺內俟庚子教案賠款攤竣之日起再行接續流攤一年乞示祇遵各緣由奉批據稟及另稟議結賠款請准續攤緣由均悉胡謀一案昨據該印委會稟當以案既議結是否可行批處會司核飭瑞州府轉飭該印委遵照具覆察奪在案查從前各屬議結庚子教案應拿辦人犯尙多若一一重議賠卹恐從此多生枝節照所給至一千五百元之多已覺不可爲訓至胡謀一案本係尋常命件乃亦以買送地基了事該印委所辦尤欠妥洽而洋務之款繼長增高益將永無了期惟已據議結

立約究應如何辦理派辦政事處會同布按二司迅即一併核明酌議具覆察奪仍候督部堂批示此繳稟均抄發各等因奉此並據該印委會稟到司查前據該印委以教民徐才四命案已與教士立約議結其胡謀一案容再購地議辦稟奉憲臺批示准即照辦惟胡謀一案業據上高縣勒據被告鈺玉胡超作二名解赴高安本不難研訊確實與教堂毫無牽涉該印委所稱擬購梁廖等姓地基賠給教堂並無似此辦法擬請飭府督同該印委再行提集被告屍親見證人等訊明確情照例議擬通詳察辦不得擬賠地基遷就了結致啓異時援引之門等因會文呈覆並一面轉飭遵照辦理旋奉憲臺批示所議極是照申辦理正在再行飭遵間適據該印委稟報業已購地與教士立約賠結及另稟請將徐才四胡謀二案賠款歸缺續攤稟奉憲臺批示前因本司職道等覆查教民徐才四命案係庚子年鬧教舊案從前立約總結本止議明緝凶擬抵乃因犯無代獲以致教堂噴有後言該印委並不力與爭辨認真拿兇遷就議結卹款洋一千五百元了案誠如憲臺批示已覺不可爲訓至胡謀一案當初實因胡謀逼嫁孀婦本屬有罪之人死葬之後教堂出而干預該前縣陳令瑞鼎始則因循推諉繼經上高縣緝獲被告胡玉等送案又復久事壓擱絕不訊辦以致教堂復有後言該現任印委查辦此案被告人等均已到齊究竟是否捆溺抑係自溺何難質訊

確實乃意在畏難含糊了結雖據約內載明出自胡姓自願而與徐才四一案均未先行具稟請示專擅之咎實無可辭本司職道等衡情酌議擬請將胡謀案購地洋一千四百四十元除胡姓已繳二百元未繳六百元外下餘六百四十五元責成賄誤在先之卸署高安縣陳瑞鼎辦理不善之現任高安縣知縣唐顯謨現署新喻縣知縣石守謙各認賠洋二百十五元由瑞州府轉飭呈繳歸款並各予酌記大過一次由本藩司衙門註冊飭知以示懲儆原立議約姑念案既議結免其更換胡玉衣頂胡谷管押日期姑照所議辦理此案承辦印委既經議懲以後不得援引並請由處通飭各屬嗣後如有議結民教交涉案件必須先行具稟請示倘先未擬議草約請示輒行私自訂約簽字者應即嚴行撤參以儆效尤所有徐才四命案郵洋一千四元前據立約稟報曾奉憲臺批准照約議結情形與胡謀案微有不同應否准予俟庚子年教案賠款攤竣再予接續流攤一年抑亦責成該印委分賠之處理合詳請憲臺俯賜察核批示祇遵

各省教務彙誌

直隸 直督袁宮保爲定興縣教民劉花之女被匪擄去附近安肅縣安莊教堂神甫狄宗瀛出爲干預要挾當飭津海關道照會法領事飭禁茲據該道申稱遵即照准法國彌總領事照復轉准該國駐京主教函稱近來各處教堂本主教

屢次申誠如有教民與平民交涉詞訟案件應憑地方官傳訊判斷該堂教士不准干預今定興縣教民劉花一案自應由地方官持平訊辦秋教士不得干預已由本主教禁止等情由道轉復前來亟應通飭各屬一體遵照嗣後有民教交涉案件應由地方官秉公訊辦不准教士干預致生枝節宮保因念各省辦理民教詞訟教士干預要挾事所難免既經駐京主教再三申誠各省教士理合咨行各省督撫部院如有教士干預詞訟飭屬據約力爭不可任情退讓庶得民教相安因即咨行各省督撫查照辦理

奉天 四月初四日烟臺電馬賊洶洶仇視洋教寬城子一帶已被焚劫並有教民數口被害

江西 臨江府沈太守璘慶議結新喻教案後即稟請上臺通飭各屬以後辦理教案不准推諉稟文略謂民教案件自應隨告隨准秉公訊結豈容彼此推諉近來各該州縣每遇民教事件或因事緣隔縣關傳需時或因事涉細微不肯准理一告擱還再控再駁縱或有批准傳訊者出票以後經年累月延不訊結竟致具有冤抑其情亦抑而不伸即如李巧元具控黃施仁一案事閱十年官經數任查萬榮邦李巧元先後均在上高縣具控有案該縣江令召棠雖經批准稟傳終始並未一訊迨李煌輝在新喻縣之鶴山地方將伊妻萬氏尋獲就近赴新喻縣控告該縣石令長佑又將原詞擱還飭往上高具控互相推延殊非整頓地方認真辦事之道應請憲臺通飭各屬凡遇民教涉訟案件無論巨細隨告隨准勒差限傳持平訊結如有必須隔縣關提人證立即備文移轉解訊不准推諉延宕亦不得拘泥以原就被之例云云奉夏中丞批云據稟已悉派辦政事處會同按察司核明飭遵具覆至各處遇有民教涉訟案件應訊速辦理隨到隨結不得推宕了事致生枝節並無論原被兩造孰為教民孰為平民由可處通飭各州縣一體查照併飭知照 樂平縣地方因設立小學堂經費不足向民間抽取捐款致動衆怒將該學堂擊毀並乘勢打毀該處教堂刻下已將該縣知縣 任

擬開德化縣賀令前往接署云 觀剛會仇教之案會於癸卯年起自新喻縣今新昌縣案浦教案亦係該會黨所為然起事之由實因該處天主教士欲購民房設堂傳教有居民龔姓者起而阻撓糾衆與教爲難致有教民二名逃避不知下落已經該令楊國璋大令派差會同營弁前往彈壓比將主使數人拿獲下獄龔姓等乃糾衆劫回楊大令見事體重大當即馳稟上臺請速委幹員派兵前往查辦上臺即委曹樹藩太守帶同汪大令培張大令曾詔馳往辦理并電派吉安續備左軍四哨以資彈壓勸限務獲首事各犯盡法懲辦聞主教郎守信業已電告駐滬法總領事旋即電致撫憲夏中丞有倘有不測惟責撫是問之語并請將新昌縣治以應得之罪故現已將該縣令撤任即委汪大令培署理此案辦理近已畧有頭緒惟所索恤款甚巨云

浙江 甯海教案前將周孫二參將及蕭縣令參革并所獲姚某等六犯斬決復以武弁蕭永年解赴刑部治罪外會由許久香觀察等赴甬與主教趙保祿氏一再商議所開賠卹三十萬金未能照允適首要王錫彤之子幼德獲案故又磋商茲定賠銀十五萬兩於六月初四日定約簽字分期付款結案刻由聶撫咨部奏聞惟約內允於杭州上城合宜之處置給教堂空地十畝茲聞洋務局已札飭仁鏡二縣會同委員史大令悠祿迅速覓地十畝勘定界址稟候復查如無窒礙價買歸公轉給領受

福建 福建歐甯縣前令裴已卸任將次赴接閩邑案務忽有一奇案即鄉童甲乙兩兄弟樵于山甲突被一強漢拿住刮目睛及生殖器而去乙奔回告知甲鄉人該鄉大以是地鄰近教堂疑此舉出于教士故挽留裴令以理此冤案庚子年歐甯幾讓教案者與此事情形相同

湖北 六月初八日施甯府屬恩施縣教案茲悉教士一名洋教士一名生擒洋教士一名府縣來電後即經鄂

督張宮保派委左觀察元麟星夜赴施查辦

四川 五月初二日北京電據四川省冕甯縣之法國教士電告雅州法國領事館云現在該處匪徒蜂起向教民肆行恐喝該領事當即電請駐京法國公使轉告中國政府保護教民政府業已電知川督多派兵隊駐紮教堂附近加意防範並嚴拿造言起事之徒後得川督電覆略云先是匪徒造言起事勢甚洶洶旋經出示禁止一面派弁嚴拿其事遂息廣東 揭陽縣屬河婆地方日前嘗有會黨鬧搶教堂情事該縣尚未通報而該教士已電稟領事照會粵督電飭潮州地方官查明究辦道府得此消息焦急萬分已委縣丞胡二尹馳赴該處澈查近悉該縣廣和甫大令已於五月十五日移請城守黃人俊練勇管帶周寶爵各率勇丁數十人馳往疊頭埠鄉內捕獲匪徒十六人大令即於考院後堂訊問明白即行收押 邇來廣東立堂拜會劫人勒贖之匪已漸殲除惟香順兩邑交界地方仍有巨盜如前之陳馬黃海區新等近且招集亡命百數十人立一仁義堂其匪首係歐陽龍彪歐昭新劉義李鳳等日前擄掠教民某甲勒贖多金已經領事照會地方官緝拿吊放 日本僧侶高田棲岸痛中國佛教衰微思有以振起而光大之近至粵省暫寓白雲龍仁寺謀于寺僧取迳及六榕寺僧鐵禪欲在羊城擇地創建一振興中國南部佛教會調查各地佛教之現狀改良各地佛教之規則專以宣揚佛教之精神發揮佛教之真理為主義而其宗旨則尤以佛言勇猛精進捨身拯救人為救中國之不二法門而粵督接准駐港日本領事照會因該僧高田棲岸係真宗本派本愿寺開教使者在港傳布佛教粵人以該僧德行高深人心傾向聯誼該僧來省傳道該僧尤如所請東裝來省請照各國傳教條約一體保護大憲准之現已行司飭府轉札遵照辦理

各國教務彙誌

英屬印度 據印度之管理戶口者云印度基督教民之增加較戶口增加爲尤速當一八七二年印度基督教民不過一百五十萬六千九十八人內一百二十四萬六千二百八十八人係印度土人至一九一一年其數驟增至二百九十二萬三千二百四十一人內二百六十六萬四千三百十三人係印度土人天主教居五分之一耶穌教居五分之一近年以來則增加更速焉

日本國 日本官員會議已許西人六名日人六名前往戰地爲軍中教士因日本教會請日官允許故託駐日英使代其商議西人費用由在日本之教會支給日人費用則須另行籌款 駐日本之羅馬教大主教主屋少夫屬下之神甫黑蒲滿利之報告謂日皇與羅馬教以奉教自由教皇感之

英國 有英國水師兵奉天主教之二百七十人屬地中海艦隊者排隊至教皇宮行瞻禮後見教皇賜以銀牌且曰汝等當忠於而君而君許汝等來來謁汝等不可忘水兵等歸時路遇意大利國王伊曼紐爾行軍禮以敬之是日各地皆懸國旗以盡歡樂

義國 據中國太晤士報所接最近之電信謂意國有人謀弑教皇業已察出故意國政府派兵在教皇宮內防守甚嚴所有駛至基娜阿之船隻皆須嚴查云

法國 三月二十三日倫敦露透電教皇行文至法責備天主教國之領袖曾至廓里諾爾甚爲不合法國復文拒絕其責備之言 四月初五日倫敦電法國與羅馬教皇意見不合近日視前更甚法政府以決裂之言恐嚇教皇欲其將前所發出之信收回因該教皇曾有信至勒槐爾狄強兩主教以其不肯反對法政府而對敵教皇欲其返國以治罪也故法政府謂如不將此信收回即當決裂 二十二日巴黎電羅馬教皇駐法公使現已離開巴黎法國駐羅馬公使及隨

宗 教

四十八

七月

員等法政府亦已傳令其返國 十四日柏林電前法國派駐意京教皇境內之公使尼沙爾德將來絕不回轉羅馬城
但教皇若不將其派駐法京之公使撤退法國政府將來亦不致與其爲難法國內務省大臣克姆比君已於法國議院
宣明欲派專員研究應否將法國與教皇所立之宗教盟約註銷之問題 又倫敦電法國內務府大臣克姆比在議院
宣言曰法國之所以未將使於羅馬教皇之公使署諸員撤回者因宗教盟約之內載明須留公使隨員一人以便辦理
通行事件故也但以目下之勢觀之政府斷不能再允照約施行彼亦惟有請政府將控告宗教盟約之問題展限至來
年一月而後施行 二十三日倫敦電法上議院已將教士傳教書之議案宣讀議定抑止教士之方法又將數門之教
律批准即將宣教之事全行禁止 近日倫敦電稱法國議院所議抑制牧師教育權之例業已准行 六月十六日又
電諦騰監督已奉教皇之命前往羅馬矣

今必不料余輩之來。使博而復賁。必將復出質押。或售之他人。余聞此表價頗不賁也。赫尼曰。君何以知屈爾士房中所失諸物。盡爲所得。曰。意本不在竊物。惟欲藉以掩飾痕迹。故知其必不均分也。但雷脫姆夫人來承產時。不知如何辦理。赫君曰。任君盤詰可也。曰。否。余有一友與雷脫姆夫人善。且同居李羅陪來。既爲余友之友。亦即無異余友。故不便詰問。願請君爲代問。余與麥爾君。當避匿室後。以覘動靜。赫尼曰。然則請指授一切。曰。容再相告。但於何時召之使來。曰。任憑君意。曰。然則明日午後二句鐘。命其隻身來此。今姑先料理詰問此婦之事。赫尼指所對兩門。曰。是可通一密室。不妨洞啓。余將移此高大書櫥。以掩其缺。復以書案與椅移近門前。則君居密室內。可以聞所欲聞矣。福曰。余更欲一見其面。曰。如是。君可變易本相。僞爲余之書記。坐於窗前之桌。以背向外。如是。則君儘可覷之。有頃。余即將君辭出。君可由左門繞至後面。福赫遂如所言。布置妥當。復坐。並將明日詰問條理安定。是夕。福膳後。歸房見案頭一函。閱之。知即前託密訪之警察長所致。函中寥寥數語。福即謁之警察署。韓起曰。君所欲得之人。余已踪跡得之。訪此等人。事固甚易。既賭博好戲。而又久離倫敦。返後自必急往其所習游之處。然余亦未嘗不遣人於他處訪之。曰。然則君已覓得其人乎。曰。然。且得其姓名。曰。甚佳。姓名爲何。曰。其回黨稱曰快勒來生。譯名也。海雷。實好學。聞者。

則海雷其名。來萬其姓。曰信然。素執何業。曰業綴書兼製名刺。史密生賞識之。謂其人幾無惡不作。據探者言。前日一博大負。盡失所有。遂移居蘇花。直至昨日亭午。始至咖啡店小餐。後至好特笛次。勾留甚久。似與其地之猶太人皆稔習。又似訪友不遇者。須臾他適。福曰。其人明日將謁吾友。今夕仍請派人監視。至明日。則余自守之。福遂出手冊。記海雷所居蘇花門牌號數。迺共吸雪茄。復敘談一旬鐘時。福起立欲行。韓起止之。曰姑待片刻。彼注守海雷之史魏斯。不久當來覆命。今好李森已往庖代矣。福復坐。

時已鐘鳴十下。韓起具酒共飲。樂甚。至十句半鐘。史魏斯來報。曰海雷在史屈倫街服第維爾戲園。坐第一層椅。好李森後其坐二層。尙有一少年同在。似將作長夜之遊。福急起曰。韓君請與余同往。君所派之人。或當辭去。但請君攜一徽章。屆時或有所需。言訖。遂匆匆去。警察長及福拉史既至。服特維爾戲園。門前行人雜遝。即緩步而行。福欲入內。韓起急挽其臂。止之曰。好李森在此。想已失其所偵之人矣。余當與小語片時。韓即插身而入。立一少年旁。其人衣服麗都。若與絕不相識者。少頃。韓起復出。曰爾所欲偵者。今將與所偕一人。往散服愛戲園。余所遣往偵伺之人。不致令其逸去。君今欲同往散服愛否。福曰。可。即從之出。回顧好李森踪跡已杳。

福等遂同赴散服愛。至則遊人尙稀。旋見有二人自服特維爾跚跚而來。遽入廊廡。皆衣夕服。其一碩長。肩甚闊。貌美而黑。有粗暴狀。其一較瘦小。面色荏弱。福與警察長從之入。韓起謂福曰。余可奉陪一旬鐘時。過此有事當去。福頷之。福注視海雷良久。見其游目四顧。若有覓人之意。既又以雙筒遠鏡。周視室中。福願謂警察長曰。君於園中有相識者否。曰。余識其理事長。福曰。甚善。君試告之。今有要犯在此。囑其相助。曰。可。遂如所言。布置既定。遂辭去。未幾。優伶畢至。婦女皆出外。有至密室者。有入筵者。福所注視二人。亦隨衆往。至餐房。福從之。有意趨其前。擇據當間一桌坐。侍者至。福賂以金錢一枚。命其召總司事者。總司事至。福與耳語片時。即移坐一柱後。免爲海雷所見。而已則得從而睨之。有頃。見海雷出一小冊。撕其一葉。置膝上。略書數語。福即命至桌前。令往察所爲。毋被覺察。總司事頷首去。見海雷方以所書片紙。遞與一年少侍者。開脫。總司事私語之曰。開脫。試以此紙給余。俄頃即還。開脫與之。乃僞爲添酒。以其紙納福手中。福取視之。見所書爲速往開富洛愛爾。非名第九號房內待余。余當即至等字。旋復歸之開脫。開脫即遞交所欲與者。

福遂舉杯罄飲出。賃車先往開富洛愛爾。至即以警察長名刺及徽章示之。侍者即引至第八號房。福更重賂之。且囑曰。如有人來此詢及。但言第八號房尙虛。惟已爲人訂定。侍者諾

而退。福傍壁坐。蓋第八九號兩房。祇以薄板爲障。福熄煤氣燈。枯坐以待。未幾。聞隔房啓門聲。移椅聲。及衣服舒卷聲。燈火大明。門則堅閉。寂然者片時。又聞啓門聲。低語聲。及履聲。甚厲。福自忖。今欲擒之。事亦無難。但不必如是急急。復坐聽之。

忽聞隔房語曰。爾料余等在此。固秘密否。言竟。卽掣鈴召侍者詢之。侍者不欲洩福言。遂告之曰。左右第八第十兩號房。雖已被人訂定。然須夜半始來。言畢。上酒。退去。卽聞一人曰。爾事胡不速行。余初卽告爾。事甚妥協。今更不必跋涉重洋。爾更欲待何時。爲此語者。語音宏亮。旋又聞一人曰。余今不能再有遷延。君曾見告白。彼方招人承繼遺產乎。余不解何故。彼等嘗語余。謂若不速往承受。恐將行文他處。不免久延時日。余雖藏有此等證據。然猶故爲盤旋。恐有人與彼婦相識。將若何。設又有人知余來歷。又將若何。其一人答曰。爾何愚者。雷脫姆前妻既久逝世。又遠在瑞典。絕無相識。彼既爲丕斯理之裔。則在英國卽更無親友。而美國今亦無人矣。爾既爲其繼妻。又有婚據遺囑家譜首飾等物。其子女亦呼汝爲母。又誰能覷破耶。曰。奈彼皆恨我乎。曰。無傷也。要之余等生計。爾後將惟此貲財是賴。若不卽往承受。將何以度日。忍令而弟爲餓殍乎。曰。嗣後爾當僞爲吾夫之弟。幸勿再謂爲我之弟。曰。諾。所幸雷脫姆之弟永不歸。不然。則事敗矣。爾今尙有他言否。曰。余明日必往謁律師。曰。余既

爲爾最近之親。理當同往。以資臂助。曰。否。彼固囑余獨往也。曰。同往何傷。曰。然則慎之。幸勿敗事。曰。此事萬無一失。可不以敗露爲慮。

福拉史聽至此。自謂已足。輕啓其戶而出。適遇好字森。語之曰。願君慎守。明日余必捕之。此爲謀產殺人兇手。幸告警察長。早爲之計。言畢遂去。

翌日黎明。麥爾即別諸女友。自亨潑登入城。往視福拉史。羅思等兀坐無聊。思欲出游。麥爾夫人亦欲睹城中壯麗。格倫脫方閱倫敦圖徑。若欲識其途徑。羅思於倫敦最熟。自忖可作嚮導。乃勸格倫脫偕麥爾夫人同出。歷遊馬顯爾及史奈格羅兩布肆。及來特梅尼。萊德福。哲愛。諸店。哲愛所售素服最著名。格倫脫爲哲爾士持服。故往選購。將入店。適遇傑姆森夫人坐一椅上。方注視一粉面金髮之婦。衆人相見。彼此寒暄。告以格倫脫將易服。故結伴來此。並告以麥爾福拉史亦偕來倫敦。傑姆森夫人素鍾情於福。聞之色喜。乃言暫居字羅陪來友人家。欲料理其前夫財產事。不久將畢。須他適。且欲移居酸來。又謂所謀事成。必請來一敘。並詢羅思等寓何處。告以行裝甫卸。舍館未定。今歸當即安定。乃匆匆別去。歸時方憶福拉史言。深以未曾道及勞勃爲幸。

傑姆森聞福拉史至倫敦。歸寓即心動腦躍。渴欲一見。自忖福拉史何以來此。得勿因羅思

乎。思至此。神氣沮喪。面色慘白。兩手緊握。其黑色手套。幾致破拆。繼念福拉史必不捨余而戀羅思。然彼等又何以同行。疑極而妬。又思永不與福相見。又轉念今所謀垂成。更無他顧。惟望與福長相聚首耳。以後當邀衆人。至酸來寓所歡聚。至此又轉愁爲喜。繼念今當往一晤之。惜未知其寓所。無從寄柬。正躊躇間。已至門前。

傑姆森夫人自小餐後出門。至今始歸。見案頭有一短札。展讀之。其文曰。

傑姆森夫人愛鑒。僕甫來倫敦。尙未趨候。擬於明晨十一句鐘時走謁。特未識夫人允我否。

視下署名。則正所眷念不置之福拉史也。夫人欣然拂箋答之。福自開富洛愛爾歸後。蹀躞室中。復就案頭檢視。見有郵局遞來兩信。一函有黑邊。卽傑姆森夫人所致。急啓讀畢。曰。必毋失此佳緣。余不知此後余二人交情若何。今日笑顏相向。安知異日不厲色相遇。復取他信視之。則羅思手筆。筆姿秀麗。一見識之。其文曰。

福君清鑒。君曾言所事未成。余等不宜暴露踪跡。今竟違命。幸乞寬宥。余與格倫脫姑娘。麥爾夫人。日遊二三店肆。以其僅與婦女交易。自謂無礙。不料至第三家。忽遇傑姆森夫人。幸頃刻卽別。未露君事。亦未嘗遇他人。余及格倫脫心頗不安。故特飛書奉達。下署羅

思格立麻。

福讀畢。蹙眉微笑。曰。余囑若等勿出。亦恐其偶遭暗算。並無他意。今事機已熟。明日便可下手。過此當無憂慮。可以閑散自由矣。福至李羅陪來。晤傑姆森夫人。夫人俟諸客室。已閱半旬鐘。望之面色微白。而福則貌甚嚴厲。寒暄畢。夫人先述遇格倫脫事。既復道及羅思之黠。且曰。彼得母與格倫脫爲親串乎。抑爲勞勃之故舊乎。福注目視之。曰。彼與勞勃。如格倫脫與屈而士。彼二人自幼相愛。已訂白頭之約。曰。噫。勞勃昆仲。同遭橫暴。致二女相繼而寡。事固可異。情尤堪憐。福曰。吾謂其可憐尤甚。斯人斃勞勃昆仲兩命。奪二女好合之樂。其果得保首領以沒乎。倘二女被舉爲裁判官或陪審員。余不知其將擬斯人以何罪。婦女貌似柔弱。而居心最毒。往往釀成巨案。故世間最不可思議者。莫如婦人。傑姆森曰。然則君已得罪人踪跡乎。曰。案中情節。尙有欠缺。故一時尚難破獲。然彼二女急欲見一報此讐。故不得不勉力從事。曰。然則今所欠者何事。曰。余初未能悉其原因。今已知其大略矣。傑姆森曰。余爲此案證人。願君明以告余。福曰。夫人樂聞此事。惜今無暇詳述。容俟再晤。將此案本末。盡情相告。今當暫別。但未識夫人午後有暇否。曰。惜余已與雷脫姆夫人有約。遂告以如何將卜居酸來。如何願福及羅思等在彼聚首。繼又愀然曰。惜此後將與君有半月之別。雷脫姆夫

人與予友善。已訂同遊巴黎。但未識君尙留倫敦幾時。曰。約兩禮拜。餘曰。然則期與君再見可也。福曰。夫人未別。先訂會期。足感盛情。僕此來本欲與夫人相敘。今夫人既有巴黎之行。請俟駕歸。再圖良晤。乃戴冠挈杖而出。

傑姆森夫人聞其履聲碎急。漸遠而杳。默然兀坐者久之。喜極淚下。自忖數年喪偶。寂寞寡歡。冒險弄波。茫無歸宿。今幸復有愛我之人。不覺愁懷頓釋。蓋觀其色。察其言。無非勸余忍此數日。以待將來者。於是心曠神怡。沈沈睡去。少頃。驚醒。聞耳畔呼聲曰。夫人。洗衣姥來取錢。欲余將此衣交其洗滌否。傑姆森朦朧應之曰。可。

維時勞勃正持一信。步至廊前。示羅思曰。姑娘。余頃接福拉史信。囑余偕麥爾同往某律師許。曰。今日乎。曰。在此半句鐘內。曰。姑容余先讀此札。遂取誦之。曰。

勞勃君鑒。君請即偕麥爾來此。但未入赫尼家前。幸勿爲他人窺見。麥尼將告君當爲之事。自今夜始。君可任意遨遊。微特無仇家之厄。且可得絕大福澤。福拉史上。

曰。知此札命意乎。曰。較君略明。君僅欲得謀殺屈而士之兇手耳。使余以他事告君。君將喜極欲狂矣。君母爲黑殺丕斯理後裔。故麥爾諸人。已代君承受遺產。其事成否。今尙未知。曰。噫。余絕不知所謀也。其遺產果富乎。曰。富甚。曰。然則余當取置卿之足前。曰。勞勃。儘來之物。

余素輕之。君雖得此。予亦不愛。言竟。佛然欲行。勞勃急止之。曰：羅思。勿去。請實告余。爾願歸余乎。不然。余必不令爾去。格倫脫等將至矣。請速言。曰：癡哉勞勃。余等不已於數年前訂婚乎。

須臾。麥爾偕勞勃步至迴廊。見羅思已立候。乃問曰：欲同行否。曰：然。乃相偕而去。

當兩句半鐘時。律師赫尼兀坐室中。室之一隅。陳桌一。上坐一人。背向外。其身半爲窗簾所掩。案旁設高大書櫥。其後爲一門。門內有人語聲。室中桌椅井然。若待客者。福曰：我等破其隱情。必有意外之變。不可不預爲之備。羅思乃趨至福前。曰：使彼婦獨來。則請交付於余。君可無慮。福頷之。曰：謝姑娘相助。想彼婦外。當無他人來此。遂繞書櫥入後室。

福恐有疏失。即致書警察長。囑將海雷行止。隨時電告。至二句鐘一刻時。福接史魏斯一電。謂海雷已偕某婦起身至尊寓。福顧赫尼曰：君僕健乎。曰：任君指揮可也。曰：然則命其於客來後。速往召兩巡捕至。遂將來電授赫尼讀之。曰：人已來矣。此向北一門。未識通至何處。曰：通一旁門。亦可達內室。曰：如是則彼等入後。余當潛出。蓋入門時。余當能見之也。

言次。聞剝啄聲。一僮入。白有兩客來謁。俄見一婦步入。衣灰色紫花長衣。髮斑白。下覆耳際。目色深黑。戴金絲眼鏡。口微緇。面頰尙豐。眉若微蹙。外覆黑網。體態豐盈。衣聲颯颯。冠潘立。

森女冠。所綴之珠。亦灰色。纖纖兩手。則藏於灰色手套之內。入門。微向律師點首。曰。請君見恕。余偕夫弟海雷脫姆同來。赫見一修長少年。面目黎黑。隨婦入。既而曰。雷脫姆夫人命余同來。或有相需之處。余深望不虛此行也。

赫尼曰。君來甚佳。請少坐。余尙須略爲研問。雷脫姆夫人。想已攜帶契券各件。雷脫姆夫大方注目窗帘後半隱半現之人。聞赫尼言。即轉身自皮囊內。取紙一束。置桌上。赫尼乃願謂坐於案前之書記曰。利加特。是人名。即譯音。姑出片時。余今不需爾。雷脫姆方欲返顧。其人已出門去。乃展所攜各紙。悉置諸律師前。曰。此爲余母暨余婚據。又涉丕斯理家事之書札。同支某某之喪報。黑穀丕斯理及余祖余父之遺囑。皆在其內。余料君可信此事絕無不合之處。既復嬌聲曰。君檢閱是。亦不過循常例耳。赫尼曰。雖然。亦須相時行事。海雷詢曰。倘雷脫姆夫人所請。既已證明。並無不合。則何時方可經理其產。僕事冗。不能久待。赫尼曰。約今日後。亦不必更勞君矣。至其財產。經余允許。即爲雷脫姆夫人之物。乃願雷脫姆夫人曰。夫人遺產既豐。而夫人證據又備。未識何故不即來承受。曰。君言有理。余初聞黑穀丕斯理一支。尙有子嗣。當先余承受此產。乃俟之已久。杳無消息。故遲遲至今。赫尼曰。然則夫人亦有確據。可以證明黑穀丕斯理一支已無人乎。曰。然。余已耗費多金。使親友赴美訪問。知此支

確已無人。赫尼曰。夫人所聞。果確實否。曰。然。余攷得黑穀丕斯理有曾孫女一人。弟之弟

嫁後生二子。即風而士已於數年前辭世。二子近亦相繼作古。赫尼曰。然則夫人必有其已

死之證。曰。余不難證之。赫尼曰。今尙有一最要問題。倘夫人果即焙雪雷抹耳。為丕斯理次

子馬丁丕斯理之裔。而夫人之母。果為一丕斯理家人。丕斯理共生三子。一子為焙雪雷抹耳。及女。早夭

一脫婦不事亦早夭。馬丁丕斯理一支。遂絕。故其遺產。應歸丕斯理三子。黑穀死後。復受而歸。其

而當又已辭世。其前妻。焙雪雷抹耳。與夫。非丕斯理之裔。本無承受之理。第既為雷抹耳之妻。則其

遺其遺產。孰知勞勃之死。而雷抹耳。一全之遺產。遂歸於人。而非其。又早為福拉。此竟。故。遂。得

即可允如所請。曰。自能證之。曰。然則夫人更能證明別無蓋斯頓雷脫姆夫人乎。雷脫姆果

祇一妻乎。言未既。海雷在旁笑曰。此事余可證之。余素識焙雪雷抹耳。而余又為雷脫姆之

弟。故知之甚詳。赫尼亦起而言曰。雷脫姆夫人。余實告爾。今有一美國人來此。欲承此產。雷

脫姆曰。此外當無繼產人矣。赫尼曰。昨有一人方自美國來。即麥爾律師。夫人亦識之乎。曰。

余於美人無相識者。亦絕不知其地。曰。然則夫人未嘗至美洲乎。曰。余僅渡海峽。未嘗遠涉

重瀛。赫尼曰。麥爾律師。蓋代一人來承此產。曰。何人。曰。其名似為李勞來勞勃。夫人謂此外

更無繼產之人。而彼亦云云。則爾等能觀面相質。言竟。即擊鈴。海雷卒然曰。此必誤傳。勞勃

小說

八十七

甲辰

已謝世矣。言次。僮入。赫尼曰。汝往十七號宅。問麥爾律師在否。雷脫姆夫人急曰。赫尼。勞勃之死的係確耗。並非子虛。余亦何必與斯人面質。赫尼曰。麥爾長者。余深信其所言不誣。故非面質不可。海雷曰。然則其所聞當非得之近日。言時。麥爾已由內室繞出。啓門而入。赫尼見麥爾步入。即爲介紹於雷脫姆夫人。乃謂之曰。夫人言美洲黑穀丕斯理一支。業已斬絕。但未識君所言勞勃。今尙生存否。曰。人固在也。雷脫姆曰。君恐被人愚。君所見者。度係假冒。未識君離美洲幾時矣。曰。余來英國。爲時已久。且於此事不甚詳悉。雖然。余友方自美來。言於數日內。曾與勞勃聚首。今可召其來此。夫人不信。儘可詢問。雷脫姆夫人急目視海雷。海雷示意止之。而律師赫尼已遣僕往召。海雷急詢曰。此人爲誰。何以今日適來此地。言時。頗露惶遽之態。麥爾佯取一書屬視。須臾答曰。其人爲一英雋少年。不致受人之愚。不啻一精細包探也。海雷聞言。手中之帽。忽墮於地。匆遽復拾之。麥爾方欲有言。赫尼已偕一少年入。復爲二客介紹。曰。是爲福拉史君。方言時。雷脫姆面色慘白。並以手緊按胸前。福曰。夫人病乎。曰。忽胸痛耳。海雷急以椅移近其傍。曰。彼素有腦筋震痛證。旋問雷脫姆曰。焙雪。今畧愈乎。雷脫姆目注福拉史。頷首應之。麥爾乃語福曰。雷脫姆夫人言君所述勞勃。早已謝世。君或爲人所愚。今君可一述其顛末否。福就雷脫姆夫人前坐。曰。不僅爲所愚。且有甚者。

今請將始末一言。雷脫姆點首曰。試言之。福略述勞勃昆季事。及如何在格倫維爾湖濱。覓得屈而士之尸。復厲聲曰。予與屈而士生時。無半面之識。惟立其屍旁。察其面貌。即略知其爲人。且知其死也。爲人所斃。絕不願自戕與誤傷者。人又謂其一生並無仇怨。余即知此案離奇。迨見其訂婚之妻。哀痛慘切。余心忿懣。益欲爲之伸理。是夜。余獨於格倫維爾街閑行。至一客寓。遙見一室。窗戶洞開。未燃燈燭。從星光下窺之。見一婦人踈躑室中。忽喜忽愁。苦甚有躊躇不決之事者。

福言至此。舉目四顧。見兩律師植立門旁。椅中人亦復寂靜無譁。乃申言曰。翌晨。余往勘屈而士死處。其地濱湖卑溼。樹木交蔭。印第安土山環抱其間。即知爲行兇之所。兩日前曾有雨。其樹陰下無日光處。泥尙潤濕。一大樹下有一纖小鞋印。余料兇手必駐足其間。又於兩處覓得一人足迹。且離大路不遠。有小樹一叢。余於其下。又覓得兩足迹。視前較深。蓋其人於是處伫立獨久。其足印纖小。足尖處尤與初覓得者相似。又於樹枝上得黑線一縷。似從素服婦人面網遺下者。繼又訪得是晨有一愚童。經此林間。被兇徒恫嚇。致其驚慌失度。亂言見鬼。聆其所述。鬼係白身黑面。余亦於樹上覓得白紙一縷。與黑線相去不遠。是正相符。余又訪得是晨有一馬車。馳過其地。其人以白布一方遮其膝。其大小約可掩蔽身材。嬌小

之女子。是必彼婦人身披白布。面蒙黑網。自樹叢躍出。故愚童駭極。指爲鬼物。余是時已略知屈而士死於婦人之手。惟尙未知其所以致此之故。至驗屍日。屈而士之兄勞勃。來格倫維爾。人罕識之。少頃。一婦來作證人。初未識其爲誰。當卽暈仆其側。至是余又畧知其原因。然事仍無證。故復從旁鈎攷。是夕。此婦復喬妝一童子。竟入屈而士臥室。恐有人已在偵探。故留一信。俾人讀之。將疑屈而士之死。或因其與格倫脫訂婚之故。爲他婦所妬。並竊去手槍一表一約指。一。意蓋欲亂人耳目。疑其圖竊。既見信夾上有新聞紙。裁去一方。亦被取去。倘無此舉。余亦無從措手。余卽就報館。覓得全紙。補其缺處。始知所取者爲一招黑穀丕斯理後裔承繼遺產告白。未幾。余又攷得勞勃昆季。實卽所招繼產之人。乃恍然於屈而士被害原因。毫無疑竇。並知勞勃亦甚危險。故常常爲之保護。同時於屍場近覓得一小船。是晨有人見有在湖中駛行者。意必兇黨羽翼。大約殺屈而士者爲一婦人。而於船中代爲之瞭望者。則一男子。

福言至此。海雷起於座。步至窗前。遙望街中。他人無留意者。福又曰。余於此時雖已知此案原因。然爲黑穀丕斯理之裔勞勃。尙未自知。且不知有承繼遺產之事。其兇手初亦僅知有屈而士。爲當承繼此產之人。至驗屍日。彼謀殺其弟見屍暈仆之兇手。旣知屈而士有兄。遂

更懷奸計。余是時一面更保衛勞勃。一面令其自行防範。孰知勞勃不聽余言。致於城中某街。去家數武。爲人暗擊。傷勢甚重。余料仇家必欲置之死地。故當傷勢少痊。卽令移居他處。福願視婦人。見其兀坐。呆若木偶。以兩手緊握其膝。福又曰。余知此事不可不先下手。故倩麥爾爲勞勃幹當承繼。丕斯理遺產事。並檢查家譜。有無更應繼產之人。未久卽已明晰。言至是。婦起而言曰。聆君所述。迷離恍恍。此案有無兇手。與余何涉。余來承此遺產。今君並未指明。余於何事有所不合。君所答非余所問矣。福曰。夫人毋急。少待須臾。自當知之。今請更舉吾說。一夕。余遣一人僞爲宵小。至格倫維爾客寓。私入此婦臥房。即福之拉史特與在衣篋內。覓得童子衣一襲。又黑面網一具。與前自樹上取下之黑綫。正相合。其人已將黑網攜去。而其童子衣。則於今晨贈與一貧婦矣。至前爲瞭望之男子。曾分得所竊之表及約指等物。初欲售之。未果。然迭於施區哥紐約倫敦。典諸質庫。故此二人罪狀。實已纖毫無疑。婦曰。君終未嘗證明余不應繼此產。彼勞勃實已死。言未畢。福曰。雖然。蓋斯頓雷脫姆之後妻。終不能有此產。而其胞弟僞爲夫弟者。亦不能有所分潤。婦方欲有言。福斥之曰。夫人少待。當舉吾言。昨宵余在某咖啡店第八號房內。親聞二人密議。使勞勃果死。焙雪雷抹耳果在。自當承繼此產。海雷來萬君與令姊。既已一擊再擊。損害兩無辜之命。破敗兩淑女之婚姻。今

余不能不還以相贈矣。此位夫人亦非焙雪。殆即所謂傑姆森夫人乎。福言時。海雷來萬漸行近內室門。忽望前撞突。門故虛掩。隨之而闢。福早爲留意。當其撞突時。卽已扶之。門既啓。則見室內坐有二人。一羅思。一勞勃也。雷脫姆夫人一見勞勃。驚忿交集。一暈而仆。羅思往跪其旁。且扶之起。福等四人共擒海雷。海雷雖甚兇悍。至此亦不得脫。少頃。巡捕數人入。繫之去。

福與勞勃。乃趨至羅思前。助其扶掖。羅思訝甚。曰。福君。爾識此婦乎。福領之。遂扶入內室榻上。羅思曰。速將涼水來。勞勃與福掩門出。步至外室。勞勃以手拍福之肩。曰。此婦何人。彼與此案何涉。請明告余。曰。是卽傑姆森夫人。想君已久識之。今之面目。乃係僞爲。其來美洲。正卽欲致君昆弟於死地。海雷乃其胞弟。卽前擊君之僞巡捕也。曰。然則戕殺吾弟者。卽此弱女子乎。曰。然。曰。天平。余初以君鍾情於彼。故往來甚密。曰。余始卽疑之。格倫脫亦然。時傑姆森夫人在內室。已漸甦醒。張目四顧。惟見羅思立其前。以杯水授之。曰。傑姆森夫人。試飲此水。婦面若死灰。聞聲。以臂撐起。接杯強飲畢。徐徐言曰。然則爾已識余矣。曰。然。曰。何自識之。曰。察爾聲音。然大半述自福拉史。爾未知其爲包探乎。婦領之。俄忽起立。容色慘變。若不勝悚戚者。此亦足見婦人獲罪後。可恨亦可憫也。羅思自其手中取杯去。方欲步至外

室。婦忽作色止之曰：姑止。勿喚彼來。今余不欲見之。少緩片時可耳。言竟復坐於榻。躊躇片晌。出時表觀之。背倚榻上。且喘且言。聲甚悲切。曰：取皮囊歸余。羅思啓戶。囑福取之。福欲趨入。婦急止之。曰：尙非其時。羅思以囊授之。方欲與福偕出。聞鏗然一聲。若閉表面。羅思急返顧。見傑姆森夫人已飲訖杯中涼水。乃詢之曰：傑姆森夫人。爾表何在。婦出表示之。喃喃曰：數年以來。冒險逆行。早防有此一日。故豫備自裁之法。言至此。手戰股慄。表墜於身。漸漸臥下。羅思趨至門左。婦呼曰：尙未可也。語方脫口。而身倒頷落矣。羅思駭極。啓門狂叫。時赫尼麥爾與巡捕共繫海雷去。方歸。乃偕福等步入。行至榻前。則傑姆森夫人已死。無可施救。後約兩旬。勞勃與羅思在英倫某教堂結婚。勞勃陡有田產房屋工廠店肆若干。遂成巨富。數日後。衆各登舟返美。啓程之日。勞勃方與其妻喁喁私語。謀所以成全格倫脫之策。福忽招衆人告之。曰：海雷已幸逃法網矣。麥爾曰：逸乎。曰：否。死矣。海雷初似染疾。巡捕送之醫院。詎彼乘人不備而逸。復爲人獲。卽行創斃。麥爾曰：如是亦可少彰公道。福顧格倫脫曰：余在此不久卽當返美。格倫脫遂與握手而別。諸人相率登舟去。福獨留倫敦。傑姆森夫人出殯日。福猶乘車送之也。

小說



九十回

七月

叢談

世界第一大城 英京倫敦。為天下最大之城。縱橫計二千一百方里。居民五百萬。各方之來旅居者。二百萬。其所存之羅馬教人。較在羅馬者尤多。猶太人。較在耶路撒冷者尤多。蘇格蘭人。哀爾蘭人。較在本土者尤多。城中每五分鐘。生一人。每八分鐘。死一人。每日在二萬四千里街道之中。有七次不測之事。每年新築馬路一百二十里。新造房屋一萬五千所。各口每日進口之船隻。千餘艘。水手一萬名。每日有新聞紙四百種。似此大城。誠絕無僅有者也。

至高之屋 美國紐約有一工程大公司。擬造一世界無比之高屋。依其圖樣。地底共有五層。自地至頂。則四十層。共高六百十五尺。此為尋常住屋之最高者。然按法國大賽會曾造一樓。計九百八十九尺。合其頂計之。共一千尺。摩登頓之留名閣。五百五十五。埃及三千年之石塔。五

叢談

百四十三尺。德國可倫之高樓。五百一十一尺。比利士之禮拜堂。四百七十六尺。法國之禮拜堂。四百七十四尺。奧國之禮拜堂。四百六十八尺。羅馬之禮拜堂。四百六十八尺。尙有製造藥水廠之煙筒。最高有三百尺至四百五十尺者。最大之圖書館。在法京巴黎。為路易第十四所建設。藏書一百四十萬卷。筆記三十萬冊。鈔錄書籍十七萬五千本。地圖三十萬張。圖法實牌合計十五萬種。圖書約有一百三十萬種。合作一萬卷。肖像有十萬種。

最高之明燈臺 其一在美國紐約城。高二百一十五尺。內容電燈九盞。每盞光力抵燭六千枝。其二在紐約港。高二百二十尺。其三在意大利幾內亞。高二百一十八尺。其四在美國哈脫拉司岬。高一百八十九尺。其五在英國愛亭司多島。高八十五尺。

大報館 美國之大報館。皆一館而出報至數種。或十數種之多。有晨報。有午報。有晚報。有夜報。有七日報。有月報。有季報。有年報。皆以一館備之。其最大者。如紐約之太陽

十九

甲

報世界報時報。每日出至十數次以上。大抵隔一點或兩點鐘。即出一次。午間向街上賣新聞紙者。求其早間所出之報。則已不可復得矣。

特別大船 去年英國造天下最大之船。名曰波爾的克。長二百二十邁當。合中國六十一丈有奇。廣二十二邁當。又十之八。合六丈有奇。高十四邁當。又十之九。合四丈有奇。載重四萬噸。馬力二萬零三千匹。可載人三千。速率每點鐘。約行五十中里。

特別鐘表 意大利有千七百二十五年造成之鐘表。其構造式平面天體圖形。示時及分之外。又示太陽之位置。又示日蝕及月蝕。精密遠過今日。不知何以造成。實可驚歎。

極大中國地圖 俄國學生。製一中國大地圖。橫長四百英尺。直長三百五十英尺。字大一英寸。水源山脈。省界邊線。土產村市。盡畫真形。十五年前動工。癸卯冬始成。現已呈之俄皇。為天下第一大地圖。內中各州縣地方。及地方

官姓名。一并詳註。

極大照像 美國聖路易賽會。美人另備一種極大之物。如大瓶大寒暑表大時辰表等。近又備一種大照像。高一邁當五。闊十二邁當。乃以六照片併合而成。像上拍照拿破里海灣城及威蘇維火山各種妙景。此照費工不少。其法。先設週長二丈六尺大輪。四圍置白金紙。長十二邁當。上覆以六照片。輪下設一浴盆。使輪轉動時。由盆內而過。其洗淨之工。乃用清水二千斤。在一黑夜內。六人同作。嗣有三人修飾。七日後始得竣工。

特別大食 美國煙毯省馬利安市。有博士名那拿者。世界著名第一之大食家也。午食每餐必需獸肉五斤。雞蛋二十箇。鳥肉十斤。牡蠣十四罐。牛乳半斤。

特別桃樹 某甲在法國雲納地方。覓得核桃樹一株。係數百年物。樹身圍八邁當。每年結果可七十七斗。榨油甚夥。掘起此樹時。用牛十二對。載往英國。售價一千二百法郎。

特別郵票 西人每喜聚積各國郵票。粘貼一冊。以資玩賞。近日有一郵票。值三萬六千二百五十法郎。約合中國一萬四千五百元。此郵票出於毛利爵島。於西歷一千八百四十七年。即中國道光二十七年。祇值二銅元。今乃價重如此。物以少為貴。信然。

特別新粧 墨西哥婦女。以螢火為裝飾。其法置螢蟲於紗袋之內。安於頭上。或衣服上。又置於小鐵絲籠內。喂以甘蔗碎片。以為美觀。

婚期有異 各國男女之早婚者。與國男女十四歲。德國男十八歲。女十四歲。比國男十八歲。女十五歲。西班牙男十四歲。女十二歲。法蘭西男十八歲。女十五歲。希利尼男十四歲。女十二歲。恒加利天主教男十四歲。女十二歲。耶穌教男十八歲。女十五歲。葡萄牙男十四歲。女十二歲。俄羅斯男十八歲。女十六歲。瑞士國男十四歲。女十二歲。年歲不同 亞典尼恩以西六月為一年之起首。馬其頓以九月。羅馬先以三月。後以正月。波斯以八月十一號。古

墨西哥以二月二十三號。回人以七月。中國以正月。與回人同以十二箇月為一年。月小二十九日。月大三十日。每十九年中。有七年係十三箇月。然此等算法。尚有不足之處。故華人以六十甲子為一週。內有閏月二十二次。

各國帝皇之閱報紙 帝皇之看報紙。始於三千年前。與皇約瑟。每日命人作一私報。為皇所獨看者。其論說必經大政治家所作。彙成一冊。每晨置於皇之食桌。皇於食時。檢閱。皇之所以閱報。非欲反鏡己之善惡。惟視己所出之令。曾否奉行而已。今之德皇威廉第二。世界最繁勞之帝皇也。然亦有看報紙之癖。宮中特派專選報紙之官吏。其所職守。惟每日探擇各報要事。為皇所喜閱者。割而彙訂一冊。置其書案。去年六月。俄帝尼哥拉士第二。忽招集國中有識之士。至其宮中。咨訪一切外事。此亦俄帝渴嗜新聞之故。因之近日各大臣之購閱報紙。以考求世事者。亦漸多矣。意大利皇維維羅伊曼紐爾第三者。歐洲至有名之文家也。皇之能讀各國報紙。讀英文法文德文

等。鑄其其讀意文。惟俄文則令人譯讀。每日晨時三點鐘。以讀各種文及報紙。瑞典瑞威皇沃司克第三者。歐洲帝皇中最能讀書之人也。日讀國中報紙甚多。其有外國報。亦使人選擇。以供觀覽。皇於日報。不但閱之而已。且常為斯德賀倫中某某三大報館作論說。英皇愛華德亦有最喜閱之二報紙。每日令人擇要選進。

美總統之帽 美總統羅斯福。四年前在槐梧門西省游歷時。曾將其帽置於該處溫泉流出之處。現其帽已經人送還。權之得十五磅。按西國有溫泉者。其泉溫暖。中含石質甚多。一經流出。熱度既減。則石質凝滯。故每有人將各物置之其泉發源處。不數月間。所置之物。已經朽爛。而石質凝成之物。一如前式。

英國帝后冠冕之價值 英皇愛華德之冠冕。有珍珠二百九十七顆。金剛石二千八百十八顆。其后亞力山大之冠。則有金剛石三千九百七十二顆。機器行商船 有一商輪名麥根他湖者。為英國機器製

造廠所租。用以載各種機器。周行各國。如賽會者然。此船共載機器樣一百五十種。其最下層。則置最重機器。中層則陳各樣式及船上人住室。其所以為此者。第一則欲擴張英國商務。第二則為賣者與買者可親自交易。第三則使工人能知各處合用之物。第四則以表揚英國製造之名譽。其預計所至之地。則自倫敦起行。先至哈利法司。

大 次聖約翰輪城。加拿大 次西印度羣島。次南非洲。次印度洋內毛利都島。英屬海軍 次孟買。印度西 次古倫布。錫蘭之 次卡爾各答。印度 次檳榔嶼。檳榔嶼 次新加坡。香港。次上海。次長崎。次橫濱。次澳大利亞。次新錫蘭。次滿諾斯愛爾斯。次門脫維田。次斐地角尼羅。以上三地均 次非洲之西。次返倫敦。

以電氣開會場之門 西國凡博覽會開會。君主或總統臨觀。演說既畢。即手按電機。而全會洞開。此向例也。五月初一日。美國聖路易博覽會開會之期。大總統以事不能至。故特聯電於華盛頓。待時既屆。則於華盛頓白屋中電機甫按。而一千餘英里外之會場門戶大啓。砲鳴旗展。萬機齊動。皆在一霎間。亦奇聞也。